

## 本草择要纲目(本草择要綱目)

<目录>

<篇名>序一

内容：余少不敏。制举子业外。惟殫精竭虑。酷嗜素问本草诸书。桑梓间。遂谬以伯休相许。

及谢

帖括。从事韬铃。卯辰之役。联获隽游于京师。益以壶中术。稍见知于当世王公大人及缙绅先生。未几。授真卫守军输钱谷。暇问疾求诊者累累填塞卫舍。余之道信于人与弗信于人。观其来者可知其处者也。然余用是益滋惧矣。毋论水火寒热之貌似而实非。强弱攻补之毫厘而千里。即如寒热平温之四性。一物也。而根梢异用。一苗也。而生熟殊施。一制也而数用。数制也而一用。其间君臣佐使。畏恶反忌。恒有呼吸死生之别。信手拈来。遂分造化。苏子人费之说。宁不凛凛然。后知本草一书。与素问灵枢同垂不朽者。诚医学之金缕也。但世医捷求养生之术。粗识药性。浅涉汤歌。遂自信不疑。呜呼。本草一书。尚河汉而罔极。医道可深言哉。此无他。卷帙浩繁。或贫不能致书。即力能致书。或资不及览故尔。余每欲思其约而该。明而当。详审切要而简核综举者。用成一书。以告来学。愧鞅掌未暇。一日。蒋子雪洲过予署。出其一编。乃渠尊大人介繁翁所辑本草择要纲目。余捧而读之。殆予所思约而该。明而当。详审切要而简核综举者乎。夫闻其名者。不急其用。虽博无庸。今择要仅三百五十余种。犹精卒良将之足以歼敌。无烦虚声糜饷之多也。相恶不并进。相畏不同饮。相反忌不共治。犹君子小人之辨类。可与共图化理也。引经佐使。法制汤名。了然药品之下。犹山水之经纬。阴阳之调燮。可分可合。而以共成化育也。其为轩农岐俞之功臣。岂鲜浅哉。余忝任胥江五载矣。第闻介繁先生。有鹿门之懿行。燕山之隐德。而不知其潜心著述。期于利世济物如此其恳挚也。岁己未春。雪洲劊劊将竣。问序于余。余握其手而赞叹之曰。子一举而三善备矣。克广先志。孝也。济渡天下。仁也。播之海内。传之千秋。医者凭而不盲。病者危而有恃。则义之利也。余又何幸蹈染香之国。而窃附于知医哉。聊以白蒋子之世德作求可耳。

\x 时康熙己未上巳后二日年家眷弟太原杨耀祖浣手拜书于真江卫署。 \x

<目录>

<篇名>序二

内容：天地以灵气生人。而以余气生物。林林总总者。遍塞两间。然生人原以救人而救物。

未

闻人

待

救于物者。曰有之。则本草所列上中下之药品是也。大若水火。细若气液。贵若金玉参蓍。

贱若土石蒲薄。常者黍稷动植之类。异者驹掇腐之微茫。坟羊陵之秘怪。或顺用之。或逆用之。苟得其当。回生起蹶。易于反掌。予尝读而叹曰。仁道之大也。观此思过半矣。天地生物固无无用者。顾圣人成圣人之用。贤人成贤人之用。中下则亦仅于中下之用而已矣。庄生曰。无用而后为大用。东坡亦言问大医王以何药。还是众工所用者。物之贵用有由来已。是书始于炎黄。后世陶通明苏恭李 扈蒙韩保升唐慎微等。皆有刊定增附之力。然其卷帙浩繁。学士家翻阅不能遽得其肯綮而用之。新安蒋介繁先生。名儒嗜学。间常究心医道。以为世间仁人孝子。苟不轻视此七六。则本草应与六籍并重。于是择其要者而辑之。长公雪洲。年少敏给。兼抱济物之志。遂刊而广之艺苑。不减司马子长胡仁仲能敬承继志。以父心为心者也。今观此书。用意精而心良苦。君臣奇偶之制。温凉补泻之节。载之甚晰。物之为灵昭昭也。人亦胡为然委顿。生平怀仁辅义拯溺救焚之学。既视若膜外。而且溺情聘欲。促修年以绵疾患。不得已则惟待救于无情之金石草木。悠悠忽忽大失天地笃生之旨。呜乎惫哉。

\x 卷娄居士纪映钟拜纂。 \x

<目录>

<篇名>序三

内容：恤患救灾。圣贤仙佛之同念。继志述事。仁人孝子之苦心。炎帝尝草木于太古之年。为民除疾。扁鹊饮上池于长桑之手。用此尊生。洞察乎温寒平热之原。精辨其君臣佐使之义。盖用之得当。则可转危而为安。处置乖方。则反易治而为乱。若非深知物性则必骤发误人。所以素问灵枢犹待潜心之后。本草纲目实居格物之先。惟吾老友蒋介繁先生。积学有年。号称博物。游艺之暇。爰及方书。志在活人。不惜研精殚智。心期济世。屡经博考周咨。聿着成书。未谋剖劂。令子雪洲。英才粹质。早岁执经。壮志惠心。频年问字。父书能读。何止万轴牙签。先志可承。只此一编药石。公之当世。功在内经脉诀之先。珍作家藏。事属问安尝药之首。仁亦溥矣。孝孰大焉。

\x 时康熙己未暮春。 \x

\x 白沙友人陈启贞顿首拜书。 \x

<目录>

<篇名>凡例

内容：一、本草分玉石草木上中下诸品。其药性即注于各味之下。此遵前贤所定寒热温平四种。

以

类求之即得。

二、本草药味颇多。此择必用要药凡三百五十六种。其怪异难购者。不复赘及。

三、各药先定气味主治并及恶畏反忌。以防忽略。

四、诸家论药语简当可采。用药君佐互重。有裨医学。今用之不察者俱附药品主治之下。

五、药稍僻者。其出产形貌制法收法。必注其下。

六、是书先人博涉群典。用意良苦。未及刻之身前。囊内闻而购之不得。浣亟出绣梓。

一以

完先人仁寿之怀。一以慰同人饥渴之望。

七、亲友面同较订。受益良多。敬藉芳名。用垂不朽。

八、是书悉出先人手订。浣不敢增减一字。

\x 蒋浣敬识。 \x

<目录>寒性药品

<篇名>苦参

内容：（采根。用糯米浓泔水汁浸一宿。其醒秽气并浮在水面上。须重重淘过。即蒸之。从巳至申。取晒切用。）

**【气味】**

苦寒无毒。气沉纯阴。入足少阴肾经君药也。

**【主治】**

心腹结气症瘕积聚黄胆。溺有余沥。逐水。除痈肿。补中明目止泪。治腹中冷痛。

中恶腹痛。养肝胆气。安五脏。平胃气。令人嗜食。轻身定志。益精利九窍。除伏热肠癖。

止渴醒酒。小便黄赤。疗恶疮下部。治恶虫胫酸。杀疳虫。炒存性米饮服。治肠风泻血并

热痢。渍酒饮治疥杀虫。生疮赤癩眉脱。除大热嗜睡。治热毒风皮肤烦躁。李时珍曰。子午乃少阴君火对化。故苦参黄柏之苦寒。皆能补肾。盖取其苦燥湿寒除热也。热生风。湿生虫。

。

故又能治风杀虫。惟肾水弱而相火胜者用之相宜。若火衰精冷。真元不足。及年高之人不可用耳。

恶（贝母 兔丝 漏芦） 反（藜芦）

<目录>寒性药品

<篇名>升麻

内容：**【气味】**

甘苦平微寒无毒。浮而升阳也。为足阳明太阴引经之药。取理白外黑而紧实者谓之鬼脸升麻。去须及头芦用。

**【主治】**

辟瘟疫疠气。头痛。喉痛。口疮。时气热疾。牙根浮烂恶臭。引葱白散阳明风邪。

引石膏止阳明齿痛。引人参黄而上行。同柴胡引生发之气而上行。同葛根发阳明之汗。故升麻葛根汤为阳明发散之主方。若初发太阳症使用之。必传阳明。反成其害。又升麻能解痘毒。惟初发热时可用。已出后则气弱不可用也。痘后泄泻亦可炒用。见 则忌解散不可用也。衄血吐血犀角地黄汤。无犀角以升麻代犀角。非升麻能代犀角。能引地黄及诸药入阳明经也。太阳症兀兀自汗者。为表虚并不可用。太阳兀兀无汗者。宜用此以发之。

葛根

**【气味】**

甘辛平无毒。升也阳也。为阳明经行经之药。

**【主治】**

消渴身大热。疗伤寒中风头痛。解肌发表出汗。开腠理。其气轻浮。鼓舞胃气上行。朱氏云。凡头痛如破。投以莲须葱白汤而不已者。以葛根葱白汤主之。似乎葛根又为太阳之药。不知仲景之治太阳阳明合病。桂枝汤内加麻黄葛根。又有葛根黄连黄芩解肌汤。是因此以是断太阳入阳明之路。非即太阳药也。虽然葛根固能断太阳入阳明之路。孰知太阳初病未入阳明而头痛者。不可便服升麻葛根之发剂。反能引邪气入阳明为引贼破家之害欤。又仲景

治伤寒有葛根汤。以主大热解肌发腠理。若 痘之症葛根汤亦为对剂。孰知 痘已见红点。则不可复用升麻葛根汤。致重虚其表。而增 烂之患也。又或谓葛根为治脾虚作渴之仙药。复云不可多用。多用则恐伤其胃气何也。孰知脾者津液之府。脾气不伸。则津液耗竭。得葛根以升发其阳。则脾得所生。若误认为脾药而过发不已。则胃气何得无伤乎。

<目录>寒性药品

<篇名>柴胡

内容：**【气味】**

苦平无毒。阴中之阳。入手足少阳以黄芩为佐。入手足厥阴以黄连为佐。在脏主血。在经主气。

**【主治】**

除心下烦热。诸痰热结实。治热痹骨蒸。骨节烦痛。时疾内外热不解。胸胁气满。能引清气而行阳道。又能引胃气上升而行春令。十二经疮疽中须用之以散诸经之血结气聚。妇人经水适来适断。伤寒杂病表寒肌热。寒热往来如疟状。劳乏羸瘦有实热。非此项俱不能为功也。欲上升则用根以酒浸。欲中及下降则用梢。

恶（皂荚） 畏（女莞藜芦）

<目录>寒性药品

<篇名>前胡

内容：**【气味】**

苦微寒无毒。阳中之阴。降也。（凡用以刀刮去苍黑皮。甜竹沥浸令润。日中晒干用。）

入手足太阳阳明经。

**【主治】**

痰热喘嗽。痞膈呕逆。伤寒寒热。小儿疳气。有推旧致新之绩。降痰下气之功。恶（与柴胡同）畏（亦同）

<目录>寒性药品

<篇名>甘草

内容：**【气味】**

甘平无毒。可升可降。阴中阳也。入足太阴足厥阴足少阴三经。又甘能入脾。归其所喜。

**【主治】**

五脏六腑寒热邪气。温中下气。烦满短气。伤脏咳嗽。止渴通经脉。解百药毒。生用则气平。补脾胃不足而大泻内火。炙之则气温。补三焦元气而散表寒。除邪热。去咽痛。养阴血。大约热药得之缓其热。寒药得之缓其寒。寒热相杂者用之得其平。故附子理中汤用甘草。恐其僭上也。调胃承气汤用甘草。恐其速下也。小柴胡汤用之以和柴胡黄芩之寒。人参半夏之温。建中汤用之以补中而缓脾急。凤髓丹用之以生元气而缓肾急。若中满而用生甘草为之泻。能引诸药直至满所。

反（大戟 芫花 海藻 甘遂）恶（远志）忌（猪肉）

<目录>寒性药品

<篇名>黄连

内容：**【气味】**

苦寒无毒。可升可降。阴中阳也。入手少阴心经。为治火之主药。以布拭去肉毛。用浆水浸二伏时漉出。于柳木火焙干用。然生用之。则治本经火热。若以猪胆汁浸炒。则治肝胆之实火。以醋浸炒。则治肝胆之虚火。以酒炒则治上焦之火。以姜汁则治中焦之火。以盐水或朴硝。则治下焦之火。以茱萸汤浸炒。则治气分湿热之火。以干漆水炒。则治血分块中伏火。以黄土炒。则治食积之火。盖辛热能制其苦寒。咸寒能制其燥性。

**【主治】**

除热气目痛 伤泪出。明目。腹痛下痢。止烦渴。益胆。治小儿疳气。杀虫镇肝。治惊悸。润心肺。长肉止血。并疮疥盗汗。安蛔定吐。但其性苦寒。不宜偏胜。古人治痢香连丸。用黄连木香。姜连散用黄连干姜。变通丸用黄连茱萸。姜黄散用黄连生姜。治消渴用酒蒸黄连。治伏暑用酒煮黄连。治下血用黄连大蒜。治肝火用黄连茱萸。治口疮用黄连细辛。皆是一冷一热。一阴一阳。热因寒用。寒因热用。君臣阴阳相佐济。斯为良也。

恶（菊花 白藜皮 玄参 芫花 僵蚕 冷水）畏（款冬 牛膝）忌（冷水）

<目录>寒性药品

<篇名>黄芩

内容:【气味】

苦平无毒。可升可降阴也。又微苦而甘。为阴中微阳。入手太阴血分。又气凉。味苦甘。阳中微阴。入手少阳阳明经。

【主治】

泻肺经热。清上焦及皮肤积热。去诸热。妇人产后。养阴退阳。利胸中气。消膈上痰。除脾湿安胎疗喉中腥臭。故伤寒心下痞满泻心汤。仲景凡四方。皆用黄芩。以其主诸热利小肠故也。又太阳病下之痢不止。喘而汗出者。有葛根黄芩黄连汤。及妊娠安胎散。亦多用之。入小柴胡汤以治少阳症。入黄芩汤以治太阳少阳合病下利。入泻心汤以治少阳症下后心下满而不痛。总以黄芩之苦。可以发传邪之热。使寒能胜湿。折火之本也。若因饮食受寒腹中痛。及饮水心下悸。小便不利。而脉不数。则黄芩不可用。其热厥腹痛。肺热而小便不利者宜用之。若其人素多酒欲。病小腹绞痛。痛不可忍。黄芩宜急用之。若其感冒咳嗽既久。骨蒸发热。肤如火燎。值暑月烦渴。六脉浮洪。服柴胡麦门冬荆沥诸药不效。引饮而昼益甚。此热入气分。与肺气虚寒者不同。黄芩亦急用之。其制得酒上行。得浓朴黄连止腹痛。得五味子令人有子。得黄 疗鼠 。得猪胆汁除肝胆火。得柴胡除寒热。得芍药治下利。得桑白皮泻肺火。得白术安胎。

恶（牡丹皮 丹砂 藜芦）

<目录>寒性药品

<篇名>黄柏

内容:【气味】

苦寒无毒。沉而降阴也。入足少阴经为足太阳引经之药。

【主治】

五脏肠胃中结热。利下窍。泻伏火。救肾水。治冲脉气逆不渴。而小便不通。得知母滋阴降火。得苍术除湿清热。得细辛泻膀胱火。治口舌生疮。凡奉养太过。膏粱积热损伤肾水。致膀胱久而干涸。小便不化。火逆上而为呕哕者。难经所谓关则不得小便。格则吐逆者也。此宜以黄柏之苦寒泻燥以补水也。又热邪蓄于下焦血分。不渴而小便不通者。乃素问所谓无阴则阳无以生。无阳则阴无以化。膀胱为州都之官。津液之脏。火客于水。则阳气不升。此宜以黄柏之苦寒。抑火而升阳。而令阴阳互相生化也。故火有二。君火者。人火也。心火也。可以湿伏。可以水灭。可以直折。故谓知母黄柏之属。为滋阴降火之对剂。若相火者。天火也。龙雷之火也。阴火也。不可以水湿折之何也。龙雷之火。五六月而起发。九十月而归藏。盖冬时阳气在水土之下。龙雷就其火气而居于下。夏时阴气在下。龙雷不能安其身而出于上。若以黄柏之属降之。是欲括龙雷之势于浓阴骤雨之时也。可乎不可乎。唯太阳一照。火自消灭。此则得水而炽。得火而灭之明验也。近时虚损及纵欲之人。用补阴药往往

以知母黄柏二味为君。日日服饵。降令太过。脾胃受伤。真阳暗损。精气不暖。致生他病。岂知黄柏知母苦寒滑渗。久服有反从火犯之害。可不慎欤。明乎此而黄柏知母谓之降母以滋阴可也。若竟曰滋阴降火。则矛盾之甚矣。

<目录>寒性药品

<篇名>知母

内容：【气味】

苦寒无毒。沉而降。阴也。又云阴中微阳。入足阳明手太阴气分。

【主治】

泻肾经之火。作利小便之佐使。疗利疾重下痛。祛消渴及久疟。烦热。凡伤寒烦燥不得眠者。烦出于肺。燥出于肾。白虎汤君以石膏。佐以知母之苦寒。谓非大凉不能清肾之源也。然必缓之以甘草粳米之甘。使不速下。用者酌之。又热在下焦血分。烦扰懊。小便闭塞而不渴。乃真水不足。膀胱干涸。无阴而阳无以化。法当补肾与膀胱。使阴气行而阳气化。小便自通。知母苦寒。能直达肾与膀胱。清邪热以领正气。泻即补也。又热在上焦气分。肺中伏热不能生水。膀胱绝其化源。其病小便闭塞而渴。知母气薄味薄。泻肺火而清肺金。亦泻即是补也。后人不谙泻补之义。竟以知母黄柏为滋阴补肾之剂。祸及脾胃。中气致伤。则惑之甚也。用者慎之。

<目录>寒性药品

<篇名>干地黄

内容：（即生地之干也）

【气味】

甘寒无毒。沉而降。阴也。入手足少阴厥阴及手太阳之经。

【主治】

伤中。逐血。填骨髓。长肌肉。通血脉。益气力。除皮肤燥。去诸湿热。疗折跌绝筋。生地黄气味主治及所入经络。即与干地黄同。大约阴微阳盛。相火炽强。来乘阴位。口渐煎熬。为虚火之症。宜用此以滋阴退阳。故钱氏泻丙火与木通同用以导赤也。如血虚劳热。产后虚热。老人中虚燥热者。若与生干地黄。当虑太寒。

<目录>寒性药品

<篇名>熟地黄

内容：（即生干地黄择其沉实者。以陈酒煮小地黄汁。将地黄复入汁内。九蒸九晒。令其脂体柔润者是也。）

【气味】

甘微苦微温。阴中之阳。沉也。入手足少阴厥阴之经。

【主治】

益肾水真阴。和产后血气。去脐腹急痛。养阴退阳。壮水之源。仲景六味丸以之为诸药之首。天一所生之源也。汤液四物汤治藏血之脏以之为君者。癸乙同归一治也。又曰生地黄能生精血。用天门冬可引入所生之处。熟地黄能补精血。用麦门冬可引入所补之处。忌（萝卜 葱 诸血 蒜）

<目录>寒性药品

<篇名>（白赤）芍药

内容：【气味】

苦平无毒。升而微降。阳中阴也。为手足太阴行经本药。又入肝脾血分。

【主治】

安脾经。治腹痛。固胃气。止泻痢。和血脉。与白术同用则补脾。与川芎同用则补肝。与人参白术同用则补气。与防风同用则发痘疹。同姜枣用则温经散湿。以酒炒则补阴。生用之则疗后重。（色白者西方之象。能于土中泻水以益脾。色赤者南方之象。能行血中之滞以散邪。）

但言芍药而能缓中者。彼之味酸涩收敛。似不相侔。然能损其肝。即以调其血。血调而中自和

也。又言治伤寒多用白芍。以其主寒热。利小便。彼之味酸涩为收。本经何以言之。然能益阴滋湿而停津液。故金能生水。小便自利。非彼通利也。

<目录>寒性药品

<篇名>大黄

内容：【气味】

苦寒无毒。沉而降。阴中之阴也。（酒浸入太阳经。酒洗炒入阳明经。余经生用。）

【主治】

走而不守。泻诸实热。大肠不通。荡涤肠胃间热。除下焦湿。推陈致新。消宿食。破女子痼症。下痢赤白。里急腹痛。仲景泻心汤。专治心气不足。吐血衄血之症。或以为心气不足法当用补。反以苦寒泻之者何也。不知真心不足者。必不吐衄兼之吐血。此则本经之阳亢甚无辅。以致阴血妄行飞越。故宜用大黄以泻去亢甚之火。使之和平。则血归经而自安也。又言大黄泻心实。泻四经血分中之邪火者何义。盖少阴心经之阴气不足。则心火燔灼。邪气乘虚结于上焦。胃之上脘在于心。故曰泻心实泻脾胃也。又心之阴气。不足。渐渍既久。则肺与肝俱各受火而病作。用黄芩佐大黄以救肺。用黄连佐大黄以救肝。肺为阴之主。肝为阴之母。血之舍肝。肺之火既退。阴血自复其旧。故曰泻心实泻肝肺也。凡病在气分。及胃寒血虚并妊娠产后。慎勿轻用。轻用之恐伤元气。耗阴血。

<目录>寒性药品

<篇名>青皮

内容：【气味】

苦辛温无毒。沉而降。阴也。入厥阴少阳经。治肝胆之病。

【主治】

气滞。下食破积结。祛下焦诸湿。疗左肋肝经积气。小腹疝痛。消乳肿。青皮汤用之以治久疝热甚致结癖块之症。盖疏利肝邪。削其坚实也。但有滞气则破滞气。无滞气则损真气。不可不慎择而用之也。又曰青皮炒黑可入血分。青皮亦能发汗。有汗者不可用。

<目录>寒性药品

<篇名>枳壳

内容：【气味】

苦酸微寒无毒。沉也。阴也。

【主治】

通利关节。散留结胸膈痰滞。逐水消胀满。下气止呕逆。泄肺气。除胸痞。疗里急后重。或曰凡治痞宜用枳壳桔梗汤。而活人书云。当用桔梗枳壳汤于未痞之先。此何以说。盖枳壳非能治心下之痞也。果知病者误下。气将陷而成痞。故先用此以预杜之。使不致于成痞。若痞已成而用此。不惟不能消痞。反损胸中之气。先之一字。不可不细心玩味之也。或又曰。仲景束胎丸。内用枳术之属。详思胎壮则子有力而易生。令服枳壳之药。必致无力气弱。何以易达其胎也。盖高粱之家。奉养太过。其气必实。必实而用枳壳之属以耗其气。使之和平。此谓胎前无滞。则产后无虚。用枳壳为对症之剂。若气虚体弱之人。日以参 四物之剂。峻补气血。犹恐不贍。敢以枳壳为达生之妙剂乎。当于前贤立方之意外深求其理。为能神而明之也。

<目录>寒性药品

<篇名>枳实

内容：【气味】

苦寒无毒。浮而升微降。阴中阳也。（凡用取其至陈者。去穰核。以小麦麸炒焦。去麸用。气虚者忌之。）

【主治】

利五脏。除寒热结。破胀实。解伤寒结胸。去胃中湿热。盖枳实泻痰。能冲墙倒壁。故仲景治心下坚大如盘。水饮所作。以枳实白术汤。谓非枳实之大寒。不能滑窍而破气也。又云脾无积血。则心下不痞。洁古制枳术丸以调脾胃。非枳实能调脾也。泄气而除内热。令痞自消。则脾胃自得其天。而无壅积之患也。

<目录>寒性药品

<篇名>猪苓

内容：【气味】

甘平无毒。升而微降。阳中阴也。入足太阳足少阴经。

**【主治】**

症。利水道。解伤寒瘟疫大热。发汗。主肿胀满腹急痛。治渴除湿。去心中懊。泻膀胱。开腠理。故张仲景治消渴脉浮。小便不利微热者。猪苓散发其汗。病欲饮水而复吐。名为水逆。冬时寒嗽如疟状者。亦用猪苓。此即五苓散也。此皆苦以泄滞。甘以取阳。淡以利窍。功长于除湿利小便也。久服损人肾气。昏人眼目。用者忌之。

<目录>寒性药品

<篇名>泽泻

内容：**【气味】**

甘寒无毒。沉而降。阴中微阳。入足太阳少阴经。

**【主治】**

逐膀胱三焦停水。利五淋。宣通水道。长于行水。起阴气。止泄精消渴淋漓。但本经云泽泻久服令人耳目聪明。扁鹊又云多服令人目盲。此何以故。大凡脾胃积有湿热。则头重而目昏耳鸣。泽泻渗去其湿。

热亦随去。土得其令。清气上行。故其功长于养五脏益气力。治头旋。聪明耳目也。若久服则降令又复太过。清气不升。真阴潜耗。肾开窍于目。安得不令目盲耶。又庸医罔识。见仲景之治杂病心下有支饮苦冒者。以泽泻汤。治伤寒有大小泽泻汤。治泄泻有五苓散。遂谓泽泻之功泻肾居多。每遇泄精滑肾之症。辄不敢用。并妄为著作。曰仲景八味丸中有泽泻。接引

桂附归就肾经。反能泄肾。有删而去之之议。岂知八味丸中有地黄山萸肉茯苓牡丹皮皆肾经之药。附子官桂又原属右肾命门之药。不待泽泻之接引而自至其所。用泽泻者。诚以补药之中。必兼泻邪。邪去则补药得力。实泻中之补也。

<目录>寒性药品

<篇名>木通

内容：**【气味】**

辛平无毒。降也。为阳中之阴。手厥阴心包络手足太阳小肠膀胱之药。上能通心清肺。治头痛。利九窍。下能泄湿热。利小便。通大肠。疗遍身拘痛。及下乳通经。故古方导赤散用之。实泻南补北。扶西抑东之意也。

<目录>寒性药品

<篇名>栝蒌

内容：**【气味】**

苦寒无毒。（采得去壳皮草膜及油净用。）

**【主治】**

降火润肺燥。涤痰结。利咽喉。消痈肿疮毒。凡肺受火逼。失其降。下之令。则致胸中有痰。得栝蒌甘缓润下之助。则痰自降。又能洗涤胸膈中垢腻郁热。为治消渴之神药。故张仲景治胸脾痛引心背。咳唾喘息。及结胸满痛。皆用栝蒌实。实取其甘寒不犯胃气。逐上焦之火。使痰气下降也。

<目录>寒性药品

<篇名>桑白皮

内容:【**气味**】

甘寒无毒。可升可降。阳中阴也。入手太阴经。

【**主治**】

肺气喘满。虚劳客热。调中下气。泻肺。利大小肠。降气散血。盖桑白皮甘以固元气之不足而补虚。辛以泻肺气之有余而止嗽。此其功皆实则泻其子也。大抵为病脉气热盛。

咳

嗽而后喘。面肿身热。小水不利者宜之。谓泻邪所以补正也。若肺虚而小便自利者。桑皮之性不纯良。不宜多用。

<目录>寒性药品

<篇名>葶苈子

内容:【**气味**】

辛寒无毒。阴中阳也。

【**主治**】

通利水道。疗肺壅上气。止喘促。除胸中痰饮。但葶苈属火。性急善下。与大黄同功。病患稍涉虚者宜远之。

<目录>寒性药品

<篇名>滑石

内容:【**气味**】

甘寒无毒。入足太阳经。

【**主治**】

利小便。荡胃中积聚寒热。通九窍六腑津液。去留结止渴。盖滑石甘淡之味。先入于胃。渗走经络。游益津气。上输于肺。下通膀胱。肺主皮毛。为水之上源。膀胱司津液。

气化

则能出。滑石上能发表。下利水道。为荡热燥湿之剂。发表是荡上中之热。利水道是利中下之热。发表是燥上中之湿利水道是燥中下之湿。热散则三焦宁而表里和。湿去则阘门通而阴阳利。刘河间之用益元散。通治表里上下诸病。盖深明于此理也。

<目录>寒性药品

<篇名>薄荷

内容:【气味】

辛温无毒。浮而升。阳也。入手太阴足厥阴经。

【主治】

通关节。解劳乏。小儿风涎。发毒汗。清头目风热。能引诸药入荣卫。又治骨蒸热劳。搜肝气。又主肺盛。

<目录>寒性药品

<篇名>防风

内容:【气味】

甘温无毒。浮而升。阳也。入手足太阳经。又行足阳明太阴二经。为肝经气分之药。

【主治】

疗风通用。泻肺实如神。散头目中滞气。除上焦风邪。虽其分乃卒伍卑贱之职。然随所引而无不至。若补脾胃。非此导用不能行。凡脊痛项强不可回顾。腰似折。项似拔者。乃手足太阳症。非此不能散。凡疮在胸膈以上。虽无手足太阳症。而风结上部。非此不能宣。泻黄散中信用防风者。乃于土中泻木也。得葱白能行周身。得泽泻 本疗风。得当归芍药疗妇人子脏风。

恶（藜芦 干姜） 畏（萆 杀附子毒）

<目录>寒性药品

<篇名>天门冬

内容:【气味】

苦平无毒。阳中之阴入手太阴足少阴经气分之药。

【主治】

肺气喘息急促。除热。通肾气。镇心。润五脏。强骨髓。治血热侵肺。滋大小肠枯燥。凡病患五虚而热者。宜加用之。取其冷而能补也。患人脾胃虚寒者禁服之。为其性专泄而不专收。功只长于治肺热也。又其功长于血分者。为其保定肺气。使苦以泄滞血。甘以助元气。不使血热侵肺。而致血溢妄行也。

<目录>寒性药品

<篇名>麦门冬

内容:【气味】

甘平无毒。阳中微阴。降也。入手太阴经气分。

【主治】

身重目黄。心下支满。虚劳客热。口干燥渴。强阴益精。祛肺中伏火。补心气不足。脉者人之元气。孙真人生肺散用麦冬者。滋燥金而清水源也。佐以人参之甘寒泻热火。五味子之酸温泻丙火。故火盛气壮之人。麦门冬为补髓通肾气滑泽肌体之对剂也。气弱胃寒者不可过饵。

<目录>寒性药品

<篇名>牡丹皮

内容：（凡采得、以铜刀劈破、去骨、用酒拌蒸、日中晒干用。）

**【气味】**

辛寒无毒。阴中微阳。入手厥足少阴经。

**【主治】**

除症坚瘀血留舍肠胃。妇人冷热血气。排脓通经。凉骨蒸。丹者赤色火也。故能泻阴胞中之火。肾气丸用之。治神气之不足。犀角地黄汤用之。治肠胃之积血及吐血衄血。畏（贝母 大黄 菟丝子） 忌（胡荽 蒜）

<目录>寒性药品

<篇名>红蓝花

内容：**【气味】**

辛温无毒。

**【主治】**

产后血晕口噤。腹内恶血不尽绞痛。胎死腹中。多用破留血。少用养血。润燥止痛。散肿通经。凡血生于心包。藏于肝。属于冲任。红花与之同类。故能行男子血脉。通女子经水。其性苦温。为阴中之阳。故入心。佐当归生新血。又辛而甘。为肝经血分之药。

<目录>寒性药品

<篇名>苏木

内容：**【气味】**

甘咸平无毒。可升可降。阴中阳也。

**【主治】**

破血。产后血胀。消痈肿扑损瘀血心腹搅痛。及经络不通。乃三阴经血分药也。少用则和血。多用则破血。

<目录>寒性药品

<篇名>栀子

内容：**【气味】**

苦寒无毒。轻清上行。阳中阴也。入手太阴肺经。

### 【主治】

五内邪气。胃中热气。心中烦闷。除时疾热利五淋。通小便。治心烦懊 不得眠。泻三焦火。清胃脘血。治热厥心痛。解热郁。行结气。祛肝胆屈曲之火使之下行。凡心痛稍久。若温散之。反助火邪。梔子泻三焦之火。清胃脘之血。使邪易伏而病易退也。然本草不言梔子能吐。而仲景用为吐药何也。盖梔子本非吐药。因邪气在上拒格而不纳食。令上吐则邪因以出。所谓高者越之也。又梔子非利小便之药。而本草言能通利小便者何也。盖膀胱津液之府。气化则能出焉。梔子能导肺邪。肺清则化行。乃辛与庚合。又与丙合。又能泄戊先入中州故也。故仲景治伤寒发汗吐下后虚烦不得眠若剧者。又反复颠倒心中懊 。以梔子豉汤治之。因其虚。故不用大黄之寒而有毒。反用梔子之虽寒而无毒者。乃祛胃中之热气也。

<目录>寒性药品

<篇名>桃仁

内容:【气味】

苦甘平无毒。沉而降。阴中之阳。入手足厥阴经血分。

### 【主治】

热入血室。泄腹中滞血。除皮肤血热燥痒。行皮肤凝聚之血。伤寒八九日。内有蓄血。发热如狂。小腹满。小便自利者。又有当汗失汗。热毒深入。吐血及血结胸烦躁谵语者。仲景俱以抵当汤主之。与虻虫水蛭大黄同用。总以桃仁之苦可以泄滞。破血以生新血也。

<目录>寒性药品

<篇名>连翘

内容:【气味】

苦平无毒。轻清而浮升。阴中阳也。入手足少阳手阳明经。又入手少阴经。

### 【主治】

泻心经客热。去上焦诸热。为疮家圣药。疮疡瘤癭结核。治有神功者。以其状似人心两片合成。其中有仁甚香。乃少阴心经厥阴胞络气分主药也。

<目录>寒性药品

<篇名>地榆

内容:【气味】

苦微寒无毒。其体沉而降。阴中阳也。专主下焦血分。

### 【主治】

肠风下血。泻血下血。疗妇人乳疾七伤带下。治下部脓血水泻。白痢不可轻使。热血痢间多用之。

恶（麦门冬 雄黄 伏丹砂 硫黄）

<目录>寒性药品

<篇名>石膏

内容:【气味】

辛微寒无毒。沉而降。阴也。入足阳明手太阴少阴经气分。

【主治】

除胃热肺热。散阴邪。缓脾益气。止阳明经头痛发热恶寒。日晡潮热。大渴引饮。

中暑潮热牙痛。凡风喜伤阳。寒喜伤阴。荣卫阴阳为风寒所伤。则非轻剂所能独散。必须轻重之剂同散之。乃得去阴阳之邪。和荣卫之气。是以大青龙汤以石膏为之使。以苦甘散热而直达肌表也。又阳明经中热。发热恶寒。燥热。日晡潮热。肌肉壮热。小便浊赤。大渴引饮。自汗头痛。此邪在阳明。肺受火制。必用辛寒以清肺气。仲景之用白虎汤是也。若无以上诸症者。则多有血虚发热象白虎汤症。及脾胃虚劳形体病症。初得之时与此症亦同。俱不宜服之。若不识而误用。不可胜救也。立夏前多服白虎汤者。令人小便不禁。此乃降令太过。阳明津液不能上输于肺。肺之清气亦复下降故也。大抵非腹有极热者。不宜轻用。轻用之令人寒胃不食也。

<目录>寒性药品

<篇名>马兜铃

内容:【气味】

苦寒无毒。阴中微阳。入手太阴经。

【主治】

体轻而虚。熟则悬而四开有肺之象。故能入肺。味寒能清肺热。苦辛能降肺气。钱氏补肺阿胶散用之。非取其补肺。乃取其清热降气。邪去则肺自安也。其中佐以阿胶糯米。则正补肺之药也。汤剂中多用。亦能作吐。

<目录>寒性药品

<篇名>枇杷叶

内容:【气味】

苦平无毒。阳中阴也。(凡用采其叶之极大者、其气乃足、用粗布拭去毛、以甘草汤洗一遍、用绵再拭干、以蜜涂炙过方用。)

【主治】

呕哕不止。妇人产后口干。治肺气热嗽。及肺风疮。胸面上疮。和胃降气。清热解暑。大都枇杷叶气薄味浓。专入肺胃二经。而治病者取其功能下气。气下则火降痰顺。而逆者不逆。呕者不呕。渴者不渴。咳者不咳也。

<目录>寒性药品

<篇名>防己

内容：【气味】

辛平无毒。乃太阳本经药也。治风用木防己。治水用汉防己。大概通可去滞。通草防己之属是也。性大苦寒。能泻而中实热。亦能泻大肠补阴泻阳。凡十二经有湿热壅塞不通。及下注香港脚。除膀胱积热而庇其根本。非此不能治。然饮食劳倦阴虚生内热。元气谷食己

亏。若以防己泄大便则重亡其血。如人大渴引饮。是热在上焦肺经气分。只宜淡以渗泄。若用防己。则以下焦血分之药。逆疗其上。必为乱阶。又外伤风寒。邪传肺经。气分湿热。而小便黄赤乃至不通。此上焦气病。禁用血药。若以防己为能散结而误用之。必令人心身烦乱。饮食短少。

<目录>寒性药品

<篇名>海藻

内容：【气味】

苦咸寒无毒。纯阴而沉。

【主治】

癭瘤马刀诸疮坚而不溃。凡营气不调。外为浮肿。海藻咸能软坚。随各引经之药治之。可反夺以成其功。

<目录>寒性药品

<篇名>牡蛎

内容：【气味】

咸平微寒无毒。入足少阴经。

【主治】

化痰 坚。清热除湿。止心脾气痛。痢下赤白浊。消疝瘕积块癭疾结核。以柴胡引之能去胁下硬。以茶引之能去顶上结核。以大黄引之能消股间肿。以地黄引之能益精收涩止小便多。乃肾经血分之药也。故成无己云。牡蛎之咸。以消胸膈之满。以泄水气。又云牡蛎之主。以制阳光。则渴饮不思。故牡蛎又能止渴也。

<目录>寒性药品

<篇名>贝母

内容：【气味】

辛平无毒。乃肺金气分中药也。

【主治】

腹中结实。心下痞满。疗时疾黄胆。和砂糖丸含止嗽。烧灰油调敷人畜恶疮敛疮口。作末酒服。治产难及胞衣不出。与连翘同服主项下癭瘤。故伤寒寒实结胸。外无热症者。三物小陷胸汤主之。白散亦可。以其内有贝母也。俗以半夏有毒用贝母代之。不知贝母乃太

阴肺经之药。半夏乃太阴脾经阳明胃经之药。若虚劳咳嗽吐血咯血。肺痿肺痛。妇人乳痈痃疽。及诸郁之症。半夏乃所禁忌。贝母可为向导也。至于脾胃湿热。涎化为痰。久则生火。痰火上攻。昏愤僵仆蹇涩诸症。贝母切不可代。必用半夏。古人治人面疮须用贝母。其入气分灼然可见。

畏（秦艽）

<目录>寒性药品

<篇名>沙参

内容：【气味】

苦微寒无毒。入厥阴经。

【主治】

滋养肝木。除寒热。安五脏。疗久咳肺痿。其体轻虚专补肺气因而益脾与肾。补阴制阳。

反（漏芦） 恶（防己）

<目录>寒性药品

<篇名>玄参

内容：【气味】

苦微寒无毒（勿犯铜器。饵之能噎人喉。丧人目。）入足少阴肾经。

【主治】

心中懊 烦不得眠。心神颠倒欲绝。血滞。小便不利。凡肾水受伤。真阴失守。孤阳无根。发为火病。法宜壮水以制火。玄参治胸中氤氲之火。真圣剂也。

恶（黄 山萸肉 干姜 大枣） 反（藜芦）

<目录>寒性药品

<篇名>丹参

内容：【气味】

苦寒无毒。平而降。阴中之阳也。入手少阴厥阴之经。心与胞络血分之药也。

【主治】

破宿血。生新血。安生胎。下死胎。止血崩带下。调经脉不匀。排疮疡脓。止痛生肌长肉。定疝痛。

畏（盐水） 反（藜芦）

<目录>寒性药品

<篇名>桔梗

内容：【气味】

辛苦微温无毒。浮而升。阳也。入手太阴足少阴经。（去芦净米泔水浸一宿。焙干用。）

**【主治】**

肺热气奔促咳逆肺痈。排脓。开提气血。咽中痛。非此不能除。清利头目。破滞及积块。诸药有此不能下沉。谓之舟楫。

<目录>寒性药品

<篇名>犀角

内容：**【气味】**

苦酸咸寒无毒。阳中之阴也。入阳明经。（凡用磨汁服之。忌盐。妊娠勿服。能消胎气。）

**【主治】**

吐血衄血下血。及伤寒蓄血。发狂谵语。发黄。发斑。痘疮稠密。内热黑陷。或不结痂。泻肝凉心。清胃解毒。盖胃为水谷之海。饮食药物。必先受用。故犀角能解一切诸毒。又五脏六腑皆禀气于胃。风邪热毒必先干之。故犀角能疗诸血及惊狂斑痘之症。

<目录>寒性药品

<篇名>牛黄

内容：**【气味】**

苦平有小毒。

**【主治】**

小儿百病。诸惊痫寒热。口不开。大人癫狂。中风失音。清心化热。利痰凉惊。痘疮紫色。发狂谵语等症。盖牛之有黄。因其病在心及肝胆之间。凝结成黄也。故还能治心及肝胆之病。凡中风入脏者。必用牛雄脑麝之剂。入骨髓。透肌肤。以引风出。若风中于腑及血脉者忌用。恐反引风邪流入于骨髓。如油入面。莫之能出也。

<目录>寒性药品

<篇名>芦荟

内容：**【气味】**

苦寒无毒。乃厥阴药也。

**【主治】**

其功专于杀虫。清热明目。镇心。疗小儿癫痫惊风。祛五疳。杀三尸。研末敷齿甚妙。治湿癣出黄汗。

<目录>寒性药品

<篇名>郁金

内容：【气味】

辛苦寒无毒。属火与土有水。其性轻扬。上行入心及胞络。

【主治】

补血下气。生肌止血。破恶血。治阳毒。祛胃下血频痛。

<目录>寒性药品

<篇名>竹沥

内容：【气味】

甘大寒无毒。姜汁为之使。（凡取竹沥。宜用淡苦竹者佳。以竹截长五六寸。以瓶盛倒悬。下用一器承之。周遭以火逼之。其沥滴流于器内。）

【主治】

风痹。胸中大热。止烦闷。消渴劳复。养血清痰。风痰虚痰在膈胸。令人癫狂。痰在经络四肢及皮里膜外。非此不能达。治子冒风。解射罔毒。凡阴虚则发热。竹沥味甘性缓。能除阴虚之有大热者。寒而能补。与山药寒补义同。大寒言其功。非独言其气也。其性滑痰。非助以姜汁不能行。诸方治胎产金疮口噤。与血虚自汗。消渴小便多。皆是阴虚之病。无不用之。然寒湿胃虚滑肠之人。服之则反伤肠胃。

<目录>寒性药品

<篇名>常山

内容：【气味】

苦寒有毒。为治疟之最要。不可多进。凡无水不作痰。无痰不成疟。水在上焦则常山能吐之。水在胁下则常山能破其辟而下其水。但得行血药为佐助。功可收其十全也。又纯热

发疟。或蕴热内实之症。投以常山。大便点滴而下。大便似泄不泄者。佐以大黄泄利敷行。可获全愈也。

<目录>寒性药品

<篇名>乌梅

内容：【气味】

酸温平涩无毒。入脾肺二经血分。

【主治】

止渴调中。去痰治疟。敛肺涩肠。噎膈蛔厥蚀恶肉。仲景治蛔厥乌梅丸及虫方中用者。取虫得酸而即止之之义也。

<目录>寒性药品

<篇名>大戟

内容：【气味】

苦寒有小毒。阴中之微阳也。

【主治】

蛊毒十二水。腹满急痛。破症结。并甘遂同为泄水之重剂。盖水湿也。得气与火。则凝滞而为痰为涎为涕为癖。故入心迷窍则成癫病妄言妄见。入肺塞窍则成咳唾稠粘喘息背冷。入肝而留伏蓄聚则成胁痛干呕寒热往来。入经络则麻痹疼痛。入筋骨则颈项胸背腰肋手足牵引。三因方并以控涎丹主之。总以大戟能泄脏腑之水湿。善用之可奏奇功也。又钱氏谓肾为真水。有补无泻。而复云痘疮变黑归肾一症。乃用百祥膏下之以泻肾者也。盖非泻肾。是泻其腑而脏自不实也。然其性苦寒有毒。最损真气。须认症确审。方可言用。

<目录>寒性药品

<篇名>胡黄连

内容：【气味】

苦平无毒。

【主治】

补胆肝。明目。骨蒸劳热。妇人胎蒸。小儿惊痫。理腰肾。去阴汗。去果子积。性情功用与黄连同。

恶（菊花 白藓皮 玄参 芫花 姜蚕 冷水）畏（款冬 牛膝）

<目录>寒性药品

<篇名>荆芥

内容：【气味】

辛温无毒。浮而升。阳也。入足厥阴经气分。

【主治】

寒热鼠。瘰生疮。破结聚气。下瘀血。除湿疸。去邪。除劳渴冷风出汗。煮汁服之。捣烂醋和敷疗肿毒。治恶风贼风遍身痹。心虚忘事。益力添精。通利血脉。传送五脏不足气。助脾胃。主血劳风气壅满。背脊疼痛虚汗。理香港脚筋骨烦疼及阴阳毒。伤寒头

痛头旋目眩。手足筋急及发斑。盖荆芥入足厥阴经气分。其功长于祛风邪。散瘀血。破结气。消疮毒。盖厥阴乃风木也。主血而相火寄之。故风病血病疮病为要药。

反（驴肉 无鳞鱼 河豚）

<目录>寒性药品

<篇名>地骨皮

内容：（凡使根掘得、以东流水浸刷、去土、捶去心、以熟甘草汤浸一宿焙干。）

【气味】

苦寒。升也阴也。入足少阴手少阳经。

**【主治】**

细锉拌面煮熟吞之去肾家风良。又益精气。

去骨热消渴。解骨蒸肌热消渴。风湿痹。坚筋骨凉血。治在表无定之风邪。

传尸有汗之骨蒸。泻肾火。降肺中伏火

。去胞中火退热。补正气。治上膈吐血。煎汤漱口。止齿血。治骨槽风。又治金疮神验。去下焦肝肾虚热。

<目录>寒性药品

<篇名>琥珀

内容：（凡用须分红松脂。石珀。水珀。花珀。物象珀。 珀。琥珀。其红松脂如琥珀。只是浊大脆纹横。水珀多无红色。如浅黄多皱纹。石珀如石重。色黄不堪用。花珀纹似新马尾松心。纹一路赤。一路黄。物象珀其内自有物命入用神妙。 珀之象珀之长。琥珀如血色。以布拭热。吸得芥子者真也。琥珀拾芥。乃草芥即禾草也。言云芥子误矣。入药用水调侧柏子末安瓷锅中。置琥珀于内煮之。从巳至申。当有异光。捣粉筛用。）

**【气味】**

甘平无毒。

**【主治】**

安五脏。定魂魄。杀精魅邪鬼。消瘀血。通五淋。壮心明目。磨翳止心痛癩邪。疗蛊毒。破结痂。治产后血枕痛。止血生肌。合金疮。清肺利小肠。古方用为利小便以燥脾土有功。脾能运化。肺气下降。故小便可通。若血少不利者。反致其燥急之苦。

<目录>寒性药品

<篇名>水银

内容：**【气味】**

辛寒有毒。

**【主治】**

疮 疡白秃。杀皮肤中虱。堕胎。除热。杀金银铜锡毒。熔化还复为丹。以敷男子阴

。阴消无气。利水道。去热毒。主天行热疾。除风安神镇心。治恶疮 疥杀虫。催生下死胎。

（丹烧不成水银。积变又还成丹砂。其去凡草木远矣。金汞在九窍则死人为之不朽。水银入耳能食人脑至尽。入肉令百节挛缩。倒阴绝阳。人患疮疥。多以水银涂之。性滑重直入肉宜谨之。头疥切不可用。恐入经络。必缓筋骨。百药不治也。）

<目录>寒性药品

<篇名>朴硝

内容：（炼白如银。能寒能热。能滑能涩。能辛能苦。能咸能酸。入地千岁不变。色青白者佳。黄者伤人。赤者杀人。）

【气味】

苦辛寒无毒。又曰苦咸有小毒。得石苇为之使。

【主治】

百病。除寒热邪气。逐五脏积聚结固留癖。能化七十二种石。炼饵服之。轻身神仙。胃中饮食热结。破留血闭绝停痰痞满。推陈致新。疗热胀。养胃消谷。治腹胀大小便不通。女子月候不通。通泄五脏百病及症结。治天行热疾头痛。消肿毒。排脓润毛发。恶（麦句姜）畏（三棱）

<目录>寒性药品

<篇名>芒硝

内容：【气味】

辛苦大寒无毒。又曰咸有小毒。

【主治】

五脏积聚久热胃闭。除邪气。破留血。腹中痰实结搏。通经脉。利大小便及月水。破五淋。推陈致新。下瘰 黄胆病时疾壅热。能散恶血。堕胎。敷膝疮。

【马牙硝】

气味甘大寒无毒。又曰咸微甘。即英硝也。

【主治】

除五脏积热伏气。末筛点眼赤。去赤肿障翳涩泪痛。亦入点眼药中用。功同芒硝。内经曰。咸味下泄为阴。又云咸以 之。热淫于内。治以咸寒。气坚者以咸 之。热盛者以寒消之。故张仲景大陷胸汤。大承气汤。调胃承气汤。皆用芒硝以 坚去实。热结不至坚者不可用也。本草云朴硝味辛。是辛以润坚燥也。今人不用辛字。只用咸字。咸能 坚也。其义皆是。本草言芒硝利小便而堕胎。然伤寒妊娠可下者。用此兼大黄引之。直入大腹。润燥坚泻热。而母子俱安。经云有故无殒亦无殒也。此之谓欤。以在下言之。则便溺俱阴。以前后言之。则前气后血。以肾言之。总主大小便难。溺涩秘结。俱为水少火盛。经云热淫于内。治以咸寒。佐之以苦。故用芒硝大黄相须为使也。芒硝气薄味浓。沉而降阴也。其用有三。去实热一也。涤肠中宿垢二也。破坚积热块三也。孕妇惟三四月及七八月不可用。余皆无妨。朴硝澄下。硝之粗者也。其质重浊。芒硝牙硝结于上。硝之精者也。其质清明。甜硝风化硝。则又芒硝牙硝之去气味而甘缓轻爽者也。故朴硝只可施于卤莽之人及敷涂之药。若汤散服饵。必须芒硝牙硝为佳。张仲景伤寒论。只用芒硝。不用朴硝。正此义也。

<目录>寒性药品

<篇名>羚羊角

内容：（凡用有神羊角甚长。有二十四节。内有天生木胎。此角有神力抵下牛。凡使不可单用。须要不折元对。绳缚。铁锉锉细。重重密裹避风。以旋旋取用。捣筛极细。更研万匝入药。免刮人肠。）

**【气味】**

咸寒无毒。

**【主治】**

明目益气。起阴。去恶血注下。辟蛊毒恶鬼不祥。常不魇寐。除邪气惊梦狂越僻谬。疗伤寒时气寒热热在肌肤。湿风注毒伏在骨间。及食噎不通。久服强筋骨轻身。起阴益气。治中风筋挛附骨疼痛。作末蜜服。治卒热闷及热毒痢血疝气。摩水涂肿毒。治一切热毒风攻注。中恶毒风卒死。昏乱不识人。散产后恶血冲心烦闷。烧末酒服之。治小儿惊痫。治山瘴及噎塞。治惊悸烦闷。心胸恶气。瘰 恶疮溪毒。平肝舒筋。定风安魂。散血下气。辟恶解毒。治子痫痉疾。盖羊火畜也。而羚羊则属木。故其角入厥阴肝经甚捷。同气相求也。肝主木。开窍于目。其发病也。目暗障翳。而羚羊角能平之。肝主风。在合为筋。其发病也。小儿惊痫。妇人子痫。大人中风。搐搦及筋脉挛急历节掣痛。而羚羊角能舒之。魂者肝之神也。发病则惊骇不宁。狂越僻谬。魇寐卒使。而羚羊角能安之。血者肝之藏也。发病则瘀滞下注。疝痛毒痢。疮肿。产后血气。而羚羊能散之。相火寄于肝胆。在气为怒。病则烦懣气逆噎塞不通。寒热及伤寒伏热。而羚羊角能降之。羚之性灵。而筋骨之精在角。故又能辟邪恶而解诸毒。本经别录甚着其功。而近俗罕能发扬。惜哉。

<目录>寒性药品

<篇名>甘菊花

内容：（菊之品凡百种。自生茎叶花色。品品不同。性单叶花小而黄绿。叶色深小而薄。九月应候而开者是也。邓州白菊单叶者亦入药。余皆医经不用。其茎有株蔓紫赤青绿之殊。其叶有大小浓薄尖秃之异。其花有千叶单叶。有心无心。有子无子。黄白红紫间色深浅大小之别。其味有甘苦辛之辨。又有夏菊秋菊冬菊之分。大抵惟以单叶味甘者入药。菊谱所载甘菊、邓州黄、邓州白者是也。）

**【气味】**

苦平无毒。又苦甘寒。可升可降。阴中微阳也。黄者入金水阴分。白者入金水阳分。红者行妇人血分。盖其性属土与金有水与火。

**【主治】**

诸风头眩肿痛。目欲脱泪出。皮肤死肌。恶风湿痹。久服利血气。轻身耐老延年。补阴血而养目益肝木。祛身上一切游风。目脱泪出。盖补水所以制火。益金所以平木。木平则

损人胃气。即野菊花也。色  
黄而小。心如莲子。治痈肿疔毒瘰 眼 。

<目录>寒性药品

<篇名>射干

内容:【气味】

苦平有毒。阳中阴也。

【主治】

咳逆上气。喉痹咽痛。散结气。腹中邪逆。食饮大热。苦酒摩涂毒肿。治疰气。消  
瘀血。通女人月闭。消痰。破症结胸膈满腹胀气喘 癖。开胃下食。镇肝明目。治肺气喉痹  
为佳。射干属金有木与火。行太阴厥阴之积痰。使结核自消甚捷。又治湿气因疲劳而发。变  
为便毒。又能降火。故古方治喉咽痛为要药。仲景治咳而上气。喉中作水鸡声者。有射干麻  
黄汤。又治疰母有鳖甲煎丸亦用射干。皆取其降厥阴相火。火降则血散肿消。痰结自解。痼  
坚自破也。

<目录>寒性药品

<篇名>薏苡仁

内容:【气味】

甘微寒无毒。(采得以糯米同炒、去米用良。亦有以盐汤煮过者)

【主治】

筋急拘挛风湿痹。除筋骨邪气不仁。肺痿吐脓血。治干湿香港脚。疗肺痛心胸甲错。  
属土为阳明之药。故能健脾益胃。虚则补其母。故肺痿肺痛用之。筋骨之病。以治阳明为本  
。故拘挛筋急风痹者用之。土能胜水除湿。故泄痢水肿用之。

<目录>寒性药品

<篇名>车前子

内容:【气味】

甘寒无毒。

【主治】

气癃。止痛利水道。治肝中风热。冲目赤痛障翳。脑痛泪出。其叶通五淋治尿血。  
古驻景丸用车前以佐菟丝子良。以车前子能利小便而不走精气。与茯苓同功也。

<目录>寒性药品

<篇名>莲藕

内容:(其根藕。其实莲。其茎叶荷。)

【气味】

甘平涩无毒。

**【主治】**

补神益气力。除百疾。久服轻身耐老。不饥延年。主五脏不足伤中。益十二经脉血气。止渴去热。安心止痢。治腰痛及泄精。多食令人欢喜。止怒止泄消食。交心肾。浓肠胃。固精气。强筋骨。补虚损。利耳目。除寒湿。止脾泄久痢赤白浊女人带下崩中诸血病。捣碎和米作粥饭食。轻身益气。令人强健。安靖上下君相火邪。盖莲产于淤泥而不为泥染。居于水中而不为水没。根茎花实。凡品难同清净。济用群美兼得。自 而节。节生茎、生叶、生花、生藕。由菡萏而生蕊、生莲、生 、生蕙。其莲 则始而黄、黄而青、青而绿、绿而黑。中含白肉。内隐青心。石莲坚刚。可历永久。蕙藏生意。藕复萌芽。展转生生。造化不息。且莲之味甘气温而性涩。禀清芳之气。得稼穡之味。乃脾之果也。脾者黄宫。

所以交媾

水火。会合木金者也。土为元气之母。母气既和。津液相成。神乃自生。久视耐老。此其权舆也。昔人治心肾不交。劳伤白浊。有清心莲子饮。补心肾。益精血。

有瑞莲丸。皆得此理也。

<目录>寒性药品

<篇名>【藕节】

内容：气味涩平无毒。

**【主治】**

捣汁饮。主吐血不止。及口鼻出血。消瘀血。解热毒。产后血闷。和地黄研汁入热酒小便饮。能止咳血唾血血淋溺血下血血痢血崩。

<目录>寒性药品

<篇名>百部

内容：（一名野天门冬。其根多者百十连属如部伍然。故以名之。）

**【气味】**

甘微温无毒。

**【主治】**

传尸骨蒸劳。治瘡。杀蛔虫寸白蛲虫及一切树木蛀虫。炆之即死。杀虱及蝇蠊。作汤洗牛犬去虱。火炙酒浸。空腹饮之。治疥癬去虫蚕咬毒。百部亦天门冬之类。故皆治肺病杀虫。但百部气温而不寒。寒嗽宜之。天门冬性寒而不热。热嗽宜之。此为异耳。

<目录>寒性药品

<篇名>茵陈蒿

内容：**【气味】**

苦平微寒无毒。阴中微阳。入足太阳经又入足阳明经。

**【主治】**

风湿结热。通关节。去伏瘕。通身发黄成疸。小便不利。故茵陈栀子大黄汤治湿黄。栀子柏皮汤治燥黄。为阳黄之要药。茵陈附子汤治阴黄。为阴分之通剂。各随寒热而君主之也。

<目录>寒性药品

<篇名>瞿麦

内容：**【气味】**

苦寒无毒。阳中之阴也。

**【主治】**

关格诸癃结。小便不通。逐膀胱邪逆。主五淋月经不通。

<目录>寒性药品

<篇名>淫羊藿

内容：**【气味】**

辛寒无毒。（以夹刀夹去叶之四畔花枝。每一斤用羊脂四两拌炒。脂尽为度。）

**【主治】**

益精气。补筋骨。疗四肢不仁。驱一切冷风。乃手足阳明三焦命门之药也。真阳不足者宜之。

<目录>寒性药品

<篇名>茅根

内容：**【气味】**

甘寒无毒。

**【主治】**

劳伤虚羸。补中益气。除瘀血血闭寒热。利小便。下五淋。除客热在肠胃。止渴坚筋。妇人崩中。久服利人。主妇人月经不匀。通血脉淋漓。止吐衄诸血。伤寒嘔逆。肺热喘急。水肿黄疸。解酒毒。但茅根甘能除伏热。利小便。故能止诸血嘔逆喘急消渴。治黄疸水肿。乃良物也。世人因微而忽之。惟事苦寒之剂。致伤冲和之气。乌足知此哉。

<目录>寒性药品

<篇名>牵牛子

内容：（一名草金铃。此药始出田野人牵牛谢药。故以名之。近人隐其名为黑丑。白者为白丑。盖以丑属牛也。）

**【气味】**

苦寒有毒。

### 【主治】

下气疗脚满水肿。除风毒。利小便。治 癖气块。利大小便。除虚肿。落胎。治腰痛下冷脓泻蛊毒药。并一切气壅滞。和山茱萸服去水病。除气分湿热三焦壅结。逐痰消饮。通大肠气秘风秘。杀虫。达命门。牵牛乃感南方热火之化以生。若病湿极盛。湿气不得施化。致大小便不通。则宜用之。令湿去而气得周流可也。今人不问有湿无湿及湿之极与否。但遇伤食或有热症。即用牵牛克伐之药。暗蚀人之元气而不知耶。嗟夫。

<目录>寒性药品

<篇名>萱草

内容:【苗花】【气味】

甘凉无毒（萱属水性。下走阴分。）

### 【主治】

煮食治小便赤涩。身体烦热。除酒疸。消食利湿热。作菹利胸膈。安五脏。令好欢乐无忧。轻身明目。

### 【根】【主治】

沙淋。下水气。酒疸黄色遍身者捣汁服。大热衄血。研汁一大盏。和生姜汁半盏细呷之。吹乳乳痈肿痛。 酒服。以滓封之。

<目录>寒性药品

<篇名>香附子

内容:【气味】

甘微寒无毒。阳中之阴。血中之气药也。入足厥阴手少阳经。能兼行十二经八脉气分。（盐便酒醋各从本方制用。）

### 【主治】

一切气并霍乱吐泻腹痛。肾气膀胱冷。消食下气。本草不言治崩漏。方中用治之者。是益气而止血也。又能逐去凝血。乃以血药引至气分而生血。令阳生阴长之义也。

<目录>寒性药品

<篇名>侧柏叶

内容:（凡用 去两畔并心枝丫。用糯泔浸七日。以酒拌蒸一伏时。每一斤用黄精自然汁十二两浸焙。又浸又焙。待汁干用之。此服食治法也。常用或生或炒。各从本方。）

### 【气味】

苦微温无毒。

### 【主治】

吐血衄血痢血崩中赤白。轻身益气。令人耐寒暑。去湿痹生肌。治冷风历节疼痛。止尿血。灸 冻疮。烧取汁涂头黑润鬓发。敷汤火伤。止痛灭瘢。服之疗蛊痢。作汤常服。

杀五脏虫。益人。柏属阴与金善守。故采其叶随月建。方取其多得月令之气。此补阴之要药。

其性多燥。久服之。大益脾土。以滋其肺。柏性后凋而耐久。禀坚凝之质。乃多寿之木。所以可入服食。道家以之点汤常饮。元旦以之浸酒辟邪。皆有取于此也。

畏（羊蹄草 菊花）

<目录>寒性药品

<篇名>地肤子

内容：【气味】

苦寒无毒。

【主治】

膀胱热。利小便中益精气。久服耳目聪明。轻身耐老。去皮肤中热气。使人润泽。

散恶疮疔瘕。强阴。治阴卵 疾。去热风。可作汤沐浴。与阳起石同服。主丈夫阴痿不起。

补气益力。夫众病皆起于虚。虚而多热者。加地肤子甘草。

【苗叶】

【气味】

苦寒无毒。

【主治】

捣汁服。主赤白痢。烧灰亦善。煎水洗目。去热暗雀盲涩痛。主大肠泄泻。和气涩肠胃。解恶疮毒。煎水日服。治手足烦疼。利小便诸淋。

<目录>寒性药品

<篇名>山豆根

内容：（生剑南及宜州果州山谷。今广西亦有。以忠州万州者为佳。苗蔓如豆。叶青。经冬不凋。八月采根。广南者如小槐高尺余。石鼠食其根。故岭南人捕鼠取肠胃曝干。解毒攻热效。）

【气味】

甘寒无毒。（按沈括笔谈云。山豆根味极苦。本草言味甘大误矣。）

【主治】

解诸药毒。止痛。消疮肿毒发热咳嗽。治人及马急黄。杀小虫。含之咽汁。解咽喉肿

毒极妙。研末汤服五分。治腹胀喘满。酒服三钱。治女人血气腹胀。又下寸白诸虫。丸服止下痢。磨汁服止卒患热厥心腹痛。五种痔痛。研汁涂诸热肿秃疮蛇狗蜘蛛伤。

<目录>寒性药品

<篇名>白藓（根皮）

内容：【气味】

苦寒无毒。又气寒善行。味苦性燥。入足太阴阳明经。去湿热药也。兼入手太阴阳明。为诸黄风痹要药。世医只施之疮科浅矣。

【主治】

头风黄胆。咳逆淋漓。女子阴中肿痛。湿痹死肌。不可屈伸起止行步。疗四肢不安。时行腹中大热饮水。欲走大呼。小儿惊痫。妇人产后余痛。治一切热毒风。恶风风疮。疥癣赤烂。眉发脱落。皮肤急。壮热恶寒。解热黄酒黄急黄谷黄劳黄。通关节。利九窍及血脉。通小肠水气。天行时疾。头痛眼疼。其花同功。治肺嗽。

恶（螬蛸 桔梗 茯苓 葶）

<目录>寒性药品

<篇名>旋复花

内容：【气味】

咸温有小毒。入手太阴肺手阳明大肠经。

【主治】

其功只在行水下气通血脉而已。若病患涉虚者。此则走散太甚。不宜用之。恐冷利大肠也。治伤寒汗下后。心下痞坚。噫气不除。有七物旋复代赭汤。治妇人有三物旋复汤。治痰饮在两胁胀满。有旋复花丸。皆通泄之义也。用者详审之。

<目录>寒性药品

<篇名>昆布

内容：【气味】

咸寒滑无毒。

【主治】

十二种水肿。瘰疬聚结。去面肿。疗恶疮鼠。但昆布下气。久服瘦人。大抵海中菜皆能损人。不可多食。

<目录>寒性药品

<篇名>淡竹叶

内容：【气味】

甘寒无毒。

【主治】

【叶】去烦热。利小便清心。

【根】能堕胎催生。

<目录>寒性药品

<篇名>槐

内容：【槐实】【气味】

苦寒无毒。乃纯阴入肝经气分药也。

【主治】

五内邪气热。止涎唾。补绝伤火疮。妇人乳痃。子脏急痛。久服明目益气。

头不白

延年。治五痔疮。以七月七日取之。捣汁。铜器盛之。日煎令可丸如鼠屎纳窍中。日三易乃愈。又堕胎。治大热难产。杀虫去风。阴干煮饮。明目。除热泪头脑心胸间热。治丈夫女人阴疮湿痒。催生吞七粒。治口齿风。凉大肠。润肝燥。

【槐花】【气味】

苦平无毒。又曰味苦色黄气凉。入阳明厥阴血分药也。

【主治】

五痔心痛眼赤。杀腹脏虫。及皮肤风热。肠风泻血赤白痢。并炒研服。凉大肠。炒香频嚼。治失音及喉痹。又疗吐血衄崩中漏下。

<目录>寒性药品

<篇名>金箔

内容：【气味】

辛平有毒。（生者有毒。熟者无毒。古方不见用者。必须烹炼锻屑为薄。方可入药也。）

【主治】

镇精神。坚骨髓。通利五脏邪气。疗小儿惊伤五脏。风痫失志。镇心安魂魄。癫痫风热。上气咳嗽。伤寒肺损吐血。骨蒸劳极作渴。并以薄入丸散服。

<目录>寒性药品

<篇名>青黛

内容：（其本原从波斯国来。不可复得。今以中国靛花为之。否则以青布烧灰可代。以靛充用。恐有锻石。）

【气味】

咸寒无毒。

【主治】

解诸药毒。小儿诸热惊痫发热。同鸡子白大黄末敷疮痈蛇虺蜚毒。泻肝散五脏郁火。

<目录>寒性药品

<篇名>通草

内容：【气味】

甘淡寒无毒。阳中之阴。降也。

【主治】

色白而气寒。味淡而体轻。故入太阴肺经。引热下降而利小便。入阳明胃经。通气上达而下乳汁。

<目录>寒性药品

<篇名>龙胆草

内容：【气味】

苦涩大寒无毒。沉而降。阴也。入足厥阴气分。

【主治】

益肝胆气。止惊惕。明目止烦。小儿惊痫。除下部风湿，除湿热。脐以下至足肿痛。酒浸则能上行外行。为柴胡使。泄火而疗眼中疾。相火寄旺于肝胆。龙胆能泻肝胆之热邪。而泻即是补也。但大苦大寒。过服恐伤胃中生发之气。反助火邪。亦犹过服黄连反从火化之义。

恶（地黄）

<目录>寒性药品

<篇名>天花粉

内容：【气味】

苦寒无毒。阴也。

【主治】

解烦渴。行津液。心中枯涸者。非此不能除。与辛酸药为佐使。导肿气乳痈痔 疮疔。

<目录>寒性药品

<篇名>蔓荆子

内容：【气味】

苦微寒无毒。阳中之阴。入太阳经。胃虚人不可服。恐生痰疾。

【主治】

明目坚齿。利九窍。头痛脑鸣。目翳泪出。散风邪。凉诸经血。止目睛内痛。搜肝风。盖蔓荆实气清味辛。体轻而浮。上行而散。故所主皆头面风虚之症也。

<目录>寒性药品

<篇名>夏枯草

内容：【气味】

苦辛寒无毒。补养厥阴血脉之药。

**【主治】**

寒热瘰。鼠头疮。破症痕。散癭结气。脚肿湿痹。取其能解内热缓肝火也。

<目录>寒性药品

<篇名>灯心草

内容：**【气味】**

甘寒无毒。阳也。

**【主治】**

泻肺。治阴窍涩不利。行水。除喉风痹塞。燥灰涂乳上饲小儿夜啼。以粳米粉浆染过晒干研末。入水澄之。浮于水上者。是灯心也。降心火。通气散肿。祛衄血不止。

<目录>寒性药品

<篇名>天竹黄

内容：**【气味】**

甘寒无毒。

**【主治】**

小儿惊风天吊。去诸风热。镇心明目。滋养五脏。治中风卒坠。失音不语。大抵凉心经。去风热。其气味功用与竹沥同。而无寒滑之害也。

<目录>寒性药品

<篇名>青蒿（叶茎根子）

内容：**【气味】**

苦寒无毒。使子勿使叶。使根勿使茎。四件若同使。翻然成痼疾。得春木少阳之气最早。故所主之症。皆少阳厥阴血分之病。

**【主治】**

补中益气。疥瘙痂痒。治留热在骨节间。疟疾寒热往来。生捣汁捣敷金疮止血止疼。灰淋汁。和锻石疗恶毒疮效。

<目录>寒性药品

<篇名>秋石

内容：**【气味】**

咸寒无毒。

**【主治】**

虚劳冷疾。小便遗数。漏精白浊。滋肾水。养丹田。润三焦。消痰咳。退骨蒸。软坚块。

<目录>寒性药品

<篇名>茜根

内容：【气味】

苦寒无毒。阴中之阴也。

【主治】

色赤而气温。味微酸而带咸。色赤入荣。气温行滞。味酸入肝。咸走血。手足厥阴血分之对剂也。故专于行血活血。治女子经水不通。可为主药。

<目录>寒性药品

<篇名>漏芦

内容：【气味】

咸寒有毒。足阳明本经之药。

【主治】

下乳汁。消热毒。排脓止血生肌。杀虫。疗乳痈瘰。行痘疹热。古方治痈疽发以漏芦汤。尤其功之首称也。

<目录>寒性药品

<篇名>蝉蜕

内容：【气味】

咸甘寒无毒。

【主治】

小儿惊痫夜啼。寒热惊悸。妇人乳难。胞衣不出。杀疳虫。去壮热。治肠中幽幽作声。疮疹出不快利。治风热痘疹作痒。头风眩晕。破伤风及疗肿毒疮。除目昏障翳。盖蝉乃土木余气所化。饮风吸露。其气清虚。故其所主皆疗一切风热之症。古人用身。后人用蜕。大抵治脏腑经络当用蝉身。治皮肤疮疡风热当用蝉蜕。各从其类也。又主哑病夜啼者。取其昼鸣而夜息也。

<目录>寒性药品

<篇名>蟾蜍

内容：（凡蟾目赤腹无八字者不可用。）

【气味】

辛凉微毒。

【主治】

盖蟾蜍土之精也。上应月魄而性灵异。穴土食虫。又伏山精制蜈蚣。故能入阳明经。退虚热。行湿气。杀虫。而为疳病痈疽诸疮要药也。大抵此物能攻毒拔毒。钱氏治小儿

疳泻痼热如圣丸。用之为君妙甚。

<目录>寒性药品

<篇名>蜗牛

内容：（状类蛞蝓。但背另负壳也。）

**【气味】**

咸寒有小毒。

**【主治】**

小儿肿风撮口。利小便。消喉痹。研敷治蜈蚣蝎蚤毒。所主诸病。大抵有解热消毒之功也。蜗牛壳治一切疳疾。疗面上赤疮。鼻上酒渣。久利下脱肛。

<目录>寒性药品

<篇名>穿山甲

内容：**【气味】**

咸微寒有毒。入厥阴阳明经。

**【主治】**

除痰疰寒热风痺强直疼痛。通经脉。下乳汁。消痈肿。排脓血。通窍杀虫。疗蚊疮癩。及诸疰疾疥癣恶疮。此物穴山而居。寓水而食。出阴入阳。能窜经络达于病所。故山甲王不留。妇人食了乳长流。言其迅速也。中病即止。不可过服。

<目录>寒性药品

<篇名>象牙

内容：**【气味】**

甘寒无毒。

**【主治】**

风痫惊悸。一切邪魅精物。热疾骨蒸。及诸疮。并宜生屑入药。诸铁及杂物入肉。刮牙屑和水敷之立出。凡夏月合药。宜置象牙于傍。取其辟邪镇心。疗一切邪魅迷惑之疾也。

<目录>寒性药品

<篇名>甘遂

内容：**【气味】**

甘寒有毒。阳也。

**【主治】**

大腹肿满。泻十二种水气肿满。若水溢胸中。非此不能除。仲景治心下留饮与甘草同用。取其相反而立功也。又河间治水肿不全消者。以甘遂末涂腹绕脐令满。内服甘草水。

其肿便去。亦反治之义也。

<目录>寒性药品

<篇名>雄黄

内容:【气味】

苦平寒有毒。

【主治】

杀百毒。辟百邪。杀蛊毒。人佩之鬼神不敢近。入山林虎野狼伏。涉川水毒物不敢伤。佩入丛草即不畏蛇。大抵雄黄入肝经气分。故肝风肝气。惊痫痰涎。头痛眩晕。暑疰泄痢积聚诸病。用之有殊功。又能化血为水。有患者痂生于颊连齿辅车。外肿若覆瓿。内溃出脓血。痛楚难忍。以雄黄为君。佐之以石胆丹砂矾石磁石。烧之三日三夜。其烟上着。用鸡羽扫取以注疮。恶肉破而骨自尽出也。雄黄雌黄俱是同产。但以山阴山阳受气不同耳。服食家重雄黄。取其得纯阳之精也。雌黄则兼有阴气。大寒不入药饵。

<目录>寒性药品

<篇名>荞麦

内容:【气味】

甘平寒无毒。

【主治】

降气宽肠。压丹石毒。炼肠胃滓滞。而治浊带泄痢腹痛上气之疾。气盛有湿热者宜之。若脾胃虚寒人食之。则大脱元气而落须眉。

<目录>寒性药品

<篇名>山楂

内容:【气味】

酸冷无毒。

【主治】

消食积。补脾健胃。行结气。消肉积滞血痛胀。化血块气块。若胃中无食积。脾虚不能运化不思食。多服之则反克伐脾胃生发之气。

<目录>寒性药品

<篇名>漏蓝子

内容: (一名木鳖子。)

【气味】

苦辛有毒。

【主治】

恶痢冷漏疮恶疮疔风。凡漏疮年久者。复其元阳。当用漏蓝子辈加减用之。如不当用而轻用之。又恐热气乘虚变移结核。而为害尤甚也。按类编云。一人两足生疮。臭溃难近。夜宿五夫人祠下。梦神授方用漏蓝子一枚。生研为末。入膩粉少许。井水调涂。依法治之果愈。盖此物不堪服饵。只宜入疮科也。

<目录>热性药品

<篇名>附子

内容：【气味】

辛温有大毒。可升可降。阳中之阴。浮中之沉。无所不至。入手少阳足少阴三焦命门之剂。

【主治】

风寒咳逆。温中。散脏腑沉寒。拘挛膝痛。补虚散壅。脊强而厥。久病呕哕。反胃噎膈。痲疽不敛。下痢赤白。助阳退阴。凡伤寒传变三阴及中寒夹阴。虽身大热而脉沉者必用之。近世阴症伤寒。往往疑似。不敢遽用。直待阴极阳竭。而莫之救。则惑之甚也。岂知附子禀雄壮之质。有斩关夺将之功。能引补气药行十二经。以追复散失之元阳。引补血药入血分。以滋养不足之真阴。引发散药开腠理。以祛逐在表之风寒。引温暖药达下焦。以驱除在里之阴湿。功能退阴扶阳。起死回生。信不诬也。仲景八味丸用为少阴经之向导。又其性走而不守。健悍走下。以行地黄之滞。后人不审。相习为治风之药。并为补药。亦惑之甚也。又熟附配麻黄。发中有补。仲景麻黄附子细辛汤。麻黄附子甘草汤是也。又曰附子无干姜不热。得甘草则性缓。得桂则补命门真火。川乌头即生附子之母。气辛温。功同附子而稍缓。又曰川乌头性轻疏。温脾去风。又云服乌附药。并宜冷服。谓阴寒在下。虚阳上浮。治之以寒。则阴气益甚而病增。治之以热。则拒格而不纳。热药冷冻饮料。下啗之后。冷体既清。热

性便发。而病气随愈。不违其情。而致大益。此热因寒用。反治之妙也。天雄乃种附子而内中生者。又或附子中变换而出。其形长而不生子。故曰天雄。元素曰。非天雄不能补上焦之阳虚。但思上焦阳虚。即属心肺之分。当用参。不当用天雄。不知补下即所以益上。先贤非误认上尖为上药也。

<目录>热性药品

<篇名>干姜

内容：【气味】

辛温无毒。半浮半沉。可升可降。阳中之阴也。又云大辛大热。为阳中之阳。

【主治】

其用有四。通心助阳。去脏腑沉寒痲冷。发诸经之寒气。疗感寒腹痛。故肾中无阳

。

脉气欲绝。附子为引。名姜附汤。亦治中焦寒邪淫胜之症。又能补下焦。故四逆汤用之以治里寒。理中汤用之以回阳气。或言干姜为心脾二气分之药。则当补心气之不足。补脾胃之空虚。今理中汤用之不言泄不言补何也。盖辛热燥湿。泄脾中寒湿邪气。非泄正气也。邪去而正自升。只言其泄之功可也。又或云服干姜以治中者。恐其僭上。不可不知。何也。盖干姜入肺中利肺气。入肾中燥下湿。入肝经引血药生血。同补阴药亦能引血药入气分。然温肺必和之以五味。温胃必和之以人参。而概缓之以甘草之甘。庶不致壮火而食气也。久服令人目暗。孕妇不可食。恐令胎内消。炒黑为灰。能引血药入血分。引气药入气分。另有奇功。

<目录>热性药品

<篇名>草豆蔻

内容:【气味】

辛温涩无毒。纯阳而浮。入足太阴阳明经。

【主治】

风寒客邪。散滞气。利膈上痰。若身受寒邪。口食寒物。胃寒作痛。用之如鼓应桴。若热郁者。则不可用。恐其积温成热。有偏胜之患也。

<目录>热性药品

<篇名>白豆蔻

内容:【气味】

大温无毒。轻清而升。阳也浮也。入手太阴经。

【主治】

散肺中滞气。宽膈进饮食。温暖脾胃。感寒腹痛。止呕逆翻胃。去太阳经目内大红筋。别有清高之气。补上焦元气之不足。

<目录>热性药品

<篇名>肉豆蔻

内容:【气味】

辛温无毒。入手足阳明经。(采得。须以糯米粉和包裹。投灰火煨熟用。)

【主治】

宿食痰饮。积冷胸腹胀痛。霍乱呕逆。性属金而能上。可温中以补脾。又称其能下气者。以脾得补而善运化。气自下也。

<目录>热性药品

<篇名>缩砂仁

内容:【气味】

辛温涩无毒。阳也浮也。入手足太阴阳明太阳足少阴经。

### 【主治】

脾胃气结滞不散。虚劳冷泻。心腹痛。下气消食。其性属土。故能醒脾调胃。引诸药归宿丹田。得白蔻为使则入肺。得人参益智为使则入脾。得茯苓为使则入肾。与赤白石脂为使则入大小肠。得条芩白术为使则安胎。又冲和之气随所入而得其平也。

<目录>热性药品

<篇名>吴茱萸

内容:【气味】

辛温有小毒。阳中阴也。半浮半沉。入足太阴经血分。少阴厥阴经气分。

### 【主治】

温中下气。止心痛诸冷绞痛。利痰暖胃。通关节。开郁化滞。凡浊阴不降。厥阴上逆。咽膈不通。食则令人口开目瞪。阴寒膈塞。气不得下。此病不已。卒致寒中腹满膨胀下利。宜以吴茱萸之苦热泄其逆气也。故仲景吴茱萸汤当归四逆汤用之治厥阴病及温脾胃为对症之剂。然其为性。下气最速。肠虚之人。服之愈甚。又气上冲膈。多食冲眼。又脱人发。不可不知。

<目录>热性药品

<篇名>肉苁蓉

内容:【气味】

干微温无毒。(酒浸一宿。刷去砂土浮甲。劈破中心。去白膜一重如竹丝草样。复以甑蒸之。从午至酉。又用酥炙得所。方可入丸。)命门相火不足者。以此补之。乃肾经血分药也。

### 【主治】

五癆七伤。补中。除茎中寒热痛。强阴益精。女子带下阴痛。但属土而有水与火。虽能峻补精血。骤多用之。则反滑大肠。

<目录>热性药品

<篇名>生姜

内容:【气味】

辛微温无毒。浮而升。阳也。

### 【主治】

久服去臭气。通神明。其用有四。制浓朴半夏毒。发散风邪。温中去湿。益脾胃药中之佐。主伤寒头痛鼻塞。通四肢关节。开五脏六腑。与大枣同用。调和脾胃。与芍药同用。温经散寒。或问生姜辛温入肺。何以云入胃口。曰俗以心下为胃口者非也。咽门之下。受有形之物。及累之系。便是胃口。与肺系同行。故能入肺而开胃口也。又或问夜间勿食生姜。令人闭气何也。曰生姜辛温。主开发。夜则气本收敛。反开发之。则违天道。故夜不宜食。

也。凡早行山谷。口含少许。不犯雾露清湿之气。及山岚不正之邪。凡中风中暑中气中毒中恶干霍乱一切卒暴之病。用姜汁与童便服之。立可解散。不彻姜食。言可常食以通神明也。不多食。恐其太辛走气也。秋不食姜。令人泻气。以夏月火旺。宜汗散之。故食之不禁。秋则肺气宜收。所当禁也。去皮用则温。留皮则凉。

<目录>热性药品

<篇名>五味子

内容:【气味】

酸温无毒。可升可降。阴中微阳。入手太阴血分。足少阴气分。

【主治】

收散气止嗽。补元气不足。止泻痢。生津液。止渴壮水。镇阳强阴。益男子精。明目暖水脏。凡黄昏喘嗽。乃火气浮入肺中。不宜用凉药。唯五味子能敛而降之。或以其食之多致虚热者。辄云用治肺之虚寒。则更不取其除热之说。岂知其能收肺气。即是除热。补肾之功。即是暖水脏之功也。但有外邪者。不可骤用。恐闭其邪气。必先发散而后用之。乃为良耳。又五六月宜常服五味子汤。以益肺金之气。盖五味子之酸能泻丙火而益庚金也。仲景八味丸用此述类形象为肾气丸。总以五味悉具。酸咸入肝而补肾。辛苦入心而补肺。甘入中宫而益脾胃。在上则滋源。在下则益水也。

<目录>热性药品

<篇名>桂枝

内容:【气味】

辛温无毒。体轻而上行。浮而升阳也。入足太阳经。(即取木桂之最薄者。去其粗皮是也。)

【主治】

伤风头痛。开腠理。解表止烦发汗。去皮肤风湿。泄奔豚。散下焦蓄血。利肺气。疗痛风。横行手臂。或曰本草言桂枝能止烦出汗。故张仲景治伤寒有当发汗之症。凡数处皆用桂枝汤。此与本草之义甚相符合。又云无汗不得用桂枝。汗家不得重发汗。则桂枝又所禁用。而仲景伤寒有汗多之症。凡数处每用桂枝甘草汤。此又似用桂枝以闭汗也。其说何以辨之。盖太阳中风。阴弱而汗自出。此为卫实荣虚。故发热汗出也。又太阳病非中风。而发热汗出者。此为荣弱卫强。而阴虚阳必凑之也。皆用桂枝汤以发其汗。乃调其荣气。则卫气自和。风邪无所容。遂自汗而解。非桂枝能开腠理发出其汗也。然则桂枝汤下发汗之发字。当认作出字。汗自然发出。非若麻黄症。必以麻黄开发腠理而出其汗也。则凡仲景之用桂枝汤以发汗者。其症必皮肤疏泄。自汗脉浮缓。风邪干于卫气者。为对症之剂。其汗多而用桂枝甘草汤者。盖腠理不密。则津液外泄。而肺气自虚。虚则当补其母。用桂枝同甘草。外散风邪以救表。内伐肝木以防脾。佐以芍药。泄土中之木而固脾。使以姜枣以通行脾之津液。如是而荣卫无不调和矣。荣卫既和。则邪从汗出。而汗自止。非桂枝能闭汗孔也。明乎此。而

仲景之治伤寒有汗。用桂枝不令重发其汗者。是解肌之妙用也。若太阳中风。腠理致密。荣卫邪实。津液凝固。其脉浮紧。发热而汗不出者。则属麻黄症。不可以桂枝为能发散解肌利关节而误用之也。

<目录>热性药品

<篇名>肉桂

内容：【气味】

甘辛大热有小毒。阳中之阳浮也。去其外之粗皮。是为肉桂。入足少阴太阴经血分。

【主治】

补下焦不足。治沉寒痼冷之病。渗泄止渴。去荣卫中风寒。表虚自汗。春夏为禁药。

秋冬下部腹痛非此不能止。补命门不足。益火消阴。治寒痹风暗。阴盛失血。泻痢惊痫。故凡小儿惊风及泄泻。并用五苓散以泄丙火。渗土湿。内用肉桂者。抑肝风而扶脾土也。医录云。有人患赤眼肿痛。脾虚不能饮食。肝脉盛。用凉药治肝则脾愈虚。用暖药治脾则肝愈盛。但于温平药中倍加肉桂。杀肝而益脾也。

<目录>热性药品

<篇名>川芎

内容：【气味】

辛温无毒。浮而升阳也。少阳本经引经之药。又入手足厥阴气分。

【主治】

中风入脑头痛。面上游风。治一切面。一切气。一切血。破宿血。养新血。长肉诸疮疡及排脓。凡郁在中焦。须开提以升其气。解诸郁而通阴阳者。非川芎不为功。凡血痢已通而痛不止者。乃阴亏气郁也。若助清阳之气而能令气行血调者。非川芎而谁济。但单服过久。则辛喜归肺。肺气偏胜。恐金来贼木。故有暴亡之患。若配合得宜。定无此害。

<目录>热性药品

<篇名>续断

内容：【气味】

苦微寒无毒。

【主治】

伤寒。补不足。金疮痲折跌。续筋。妇人崩漏。子宫冷。腰痛。关节缓急。入平胃散治痢尤效。

<目录>热性药品

<篇名>白朮

内容:【气味】

甘温无毒。可升可降。阳中阴也。入手太阳少阴足太阴阳明少阴厥阴六经。(用乳汁润之。以制其性。脾病以陈壁土炒过。窃土气以助脾也。)

【主治】

温中去脾胃湿。除脾胃热。强脾胃气。进饮食。和脾胃以生津液。止肌热。治四肢困倦。目不能开。怠惰嗜卧。不思饮食。止渴安胎。凡中焦不受湿不能下利。必须白朮以逐水益脾。非白朮不能去湿。非枳实不能消痞。故枳朮丸以之为君。然脾恶湿。湿胜则气不得施化。津液何由而生。故曰膀胱津液之府。气化则能出焉。用白朮以除其湿。则气得周流。而津液自生矣。

<目录>热性药品

<篇名>益智仁

内容:【气味】

辛温无毒。

【主治】

客寒犯胃。和中益气。补肾虚滑沥。三焦命门气弱者宜之。盖心者脾之母。欲使食化。不必专于和脾。火能生土。当使心药入脾胃药中。益智仁能于土中益火也。然虽脾经本药。在集香丸则入肺。在四君汤则入脾。在大风髓丹则入肾。三脏各有子母相顾之义。盖随所引而相补一脏也。

<目录>热性药品

<篇名>麻黄

内容:【气味】

苦温无毒。轻清而浮升。阳也。入手太阴足太阳经。兼走手少阴阳明二经。

【主治】

中风伤寒头痛。发表出汗。通九窍。开毛孔。治咳逆上气。凡六淫有余之邪。客于阳分皮毛之间。腠理闭拒。荣卫气血不行。谓之表实。非麻黄之轻清。不可以散浊实。但太阳寒水之经。经脉循背下行。本寒而又受外寒。固宜发汗以泄表实。或饮食劳倦及杂病自汗表虚之症。用之则汗过亡阳。脱人元气。不可不禁。仲景治伤寒有汗用桂枝。无汗方用麻黄。伤寒伤风而咳嗽合用麻黄桂枝汤。其用意慎且重也。麻黄虽太阳发散重剂。为发散肺金火郁之药。其说何也。盖寒伤荣。荣血内涩。不能外通于卫。卫气闭固。津液不行。故无汗发热而憎寒。其症面赤怫郁。

<目录>热性药品

<篇名>乳香

内容：【气味】

微温无毒。纯阳入手少阴心经。

【主治】

活血定痛。疗风水毒肿瘾疹痒毒。止霍乱中恶。中邪气。托理护心。活血伸筋。治  
妇人产难折伤。盖乳香香窜能入心经。故内托护心散用之透彻疮孔中。使毒瓦斯外出。不致  
内  
攻也。

<目录>热性药品

<篇名>鹿茸

内容：【气味】

甘温无毒。（采得。不可以鼻嗅之。中有小白虫。视之不见。入人鼻则为虫颡。不  
可药也。）

【主治】

生精补髓。养血益阳。强筋健骨。补男子腰肾虚冷。脚膝无力。夜梦鬼交。精溢自  
出。女人崩中漏血。赤白带下。治一切虚损。耳聋目暗。眩晕虚痢。蜀中市上一道人货班龙  
丸。一名茸珠丹。大醉高歌曰。尾闾不禁沧海竭。九转灵丹都慢说。唯有班龙顶上珠。能补  
玉堂阙下穴。盖其方用鹿茸鹿角胶鹿角霜是也。

<目录>热性药品

<篇名>虎骨

内容：【气味】

辛微热无毒。

【主治】

筋骨毒风挛急屈伸不得。走注疼痛。治恶疮鼠。杀犬咬毒。初生小儿煎汤浴之。  
辟恶气。去疮疥惊痫鬼疰。长大无病。盖虎骨通可用。凡辟邪疰。治惊痫温症。疮疽头  
风。  
当用头骨。治腰背诸风。当用脊骨。治手足诸风。当用胫骨。各从其类也。但虎之一身筋节  
气力。皆出前足。故以胫骨为胜。

<目录>热性药品

<篇名>葶苈

内容：（凡使去挺用头。以醋浸一宿。焙干。以刀刮去皮栗子令净乃用。免伤人肺。令人上气  
。）

【气味】

辛大温无毒。阳也。浮也。入手足阳明经。然辛热耗散。能动脾肺之火。多用令人

目昏。

**【主治】**

温中下气。补腰脚。杀腥气。消食。除胃冷阴疝癖。霍乱冷气。心痛血气。水泻虚痢。呕逆醋心。产后泄痢。与阿魏和合良。得诃子人参桂心干姜。治脏腑虚冷肠鸣神效。治头痛鼻渊牙痛。但葶芨走肠胃冷气。呕吐心腹满痛者宜之。多服走泄真气。令人肠虚下重。

<目录>热性药品

<篇名>膈肭脐

内容：（一名海狗肾。用酒浸一日。纸裹炙香。锉捣。或于银器中以酒煎熟合药。以汉椒樟脑同收不坏。）

**【气味】**

咸大热无毒。

**【主治】**

男子宿症气块。积冷劳气。肾精衰损。多色成劳瘦悴。补中。益肾气。暖腰膝。助阳气。破症结。疗惊狂痲疾。五劳七伤。阳痿少力。肾虚。背膊劳闷。面黑精冷最良。和剂局方治诸虚损有膈肭脐丸。今之滋补丸药中多用之。精不足者补之以味也。大抵与苁蓉锁阳之功相近。亦可同糯米法面酿酒服。

<目录>热性药品

<篇名>天雄

内容：（乃种附子而生出。或变出。其形长而不生子。故曰天雄。其长而尖者。谓之天锥。象形也。）

**【气味】**

辛温有大毒。

**【主治】**

大风寒湿痹。节痛。拘挛缓急。破积聚邪气金疮。治一切风。一切气。助阳道。暖水脏。补腰膝。益精明目。通九窍。利皮肤。调血脉。四肢不遂。下胸膈水。破癖结。排脓止痛。续骨。消瘀血。背脊伛偻。霍乱转筋。发汗。止阴汗。炮含治喉痹。但乌附天雄。皆是补下焦。命门阳虚之药。补下所以益上也。若是上焦阳虚。即属心脾之分。当用参。不当用天雄也。且乌附天雄之尖。皆是向下生者。其气下行。其脐乃向上生苗之处。皆误认尖为上耳。

<目录>热性药品

<篇名>韭子

内容：（入药拣净。蒸熟晒干。簸去黑皮。炒黄用。）

**【气味】**

辛甘温无毒。阳也。

**【主治】**

梦中泄精溺血。暖腰膝。治鬼交甚效。补肝及命门。治小便频数遗尿。女人白淫白带。故三因方治下元虚冷。小便不禁。或成白浊。有家韭子丸。盖韭乃肝之菜。入足厥阴经。肾主闭藏。肝主疏泄。素问云。足厥阴病则遗尿。思想无穷。入房太甚。发为筋痿及为白淫。男随洩而下。女子绵绵而下。韭子之治遗精漏泄。小便频数。女人带下者。能入厥阴补下焦肝及命门之不足。命门者藏精之府。故同治云。

<目录>热性药品

<篇名>乌头

内容：（草乌头。或生用。或炮用。或以乌大豆同煮熟。去其毒用。）

**【气味】**

辛温有大毒。

**【主治】**

中风恶风洗洗出汗。除寒湿痹。咳逆上气。破积聚寒热。其汁煎之名射罔。杀禽兽。消胸上痰冷。食不下。心腹冷痰。脐间痛不可俯仰。目中痛不可久视。又堕胎。主恶风憎寒。冷痰包心。肠腹痛。癖气块。齿痛。益阳事强志。治头风喉痹。痈肿疔毒。但草乌头射罔乃至毒之药。若非风顽急疾。不可轻投。药性论言其益阳事。治男子肾气衰弱者。未可遽然也。此类只能搜风胜湿。开顽痰。治顽疮。以毒攻毒而已。岂有川乌头附子补右肾命门之功哉。

反（半夏 栝蒌 白芨 贝母 白蔹） 恶（藜芦） 伏（丹砂 砒石） 忌（豉汁） 畏（饴糖 黑豆 冷水能解其毒）

<目录>热性药品

<篇名>鹿角

内容：**【气味】**

咸温无毒。

**【主治】**

恶疮痈肿。逐邪恶气留血在阴也。除少腹血痛。腰脊痛。折伤恶血。盖鹿角生用则散热行血。消肿辟邪。熟用则益肾补虚。强精活血。炼霜熬膏。则专于滋阴也。

<目录>热性药品

<篇名>鹿角胶

内容：**【气味】**

甘平无毒。（修治之法。取全角锯断约二三寸。以物盛于急水中浸数十天或百日。取出。刮去筋膜净。以醋煮七日。旋旋添醋。勿令少歇。成时不用火。摅去角霜。复以文

火熬之成膏矣。)

**【主治】**

伤中劳绝。腰痛羸瘦。补中益气。妇人血闭无子。止痛安胎。男子四肢作痛。脏气  
损弱。长肌益髓。又治癆嗽。尿精。尿血。疮疡肿。

<目录>热性药品

<篇名>紫苏

内容：**【气味】**

辛温无毒。其味辛。则入气分。其色紫。则入血分。

**【主治】**

下气除寒。其子尤良。解肌发表。定喘安胎。泻肺实。随所引而各治一经之邪。久  
服之则泄人真气。脾胃寒弱之人。过服多致滑泻。)

<目录>热性药品

<篇名>豆

内容：**【气味】**

甘微温无毒。

**【主治】**

和中下气。补五脏。主呕逆。止泄痢。消暑。其性温平得乎中和。入太阴气分。通  
利三焦。能化清降浊。故专治中宫之病而除湿解毒也。

<目录>热性药品

<篇名>麝香

内容：**【气味】**

辛温无毒。(凡使以当门子方妙。不可近鼻。有白虫入脑患癩。久带其香透关。令  
人成异疾。)

**【主治】**

辟恶气。去三虫蛊毒及惊怖恍惚。疗鼻塞不通。解酒毒。消瓜果食积。治中风中气  
中恶痰厥。积聚症瘕。又疗蛇虫溪瘴毒。盖麝香走窜。能通诸窍之不利。开经络之壅遏。凡  
诸风诸气诸痛惊痫症瘕可用之为引导。若五脏之风。不可用之以泻卫气。口鼻出血。乃阴盛  
阳虚。有升无降。不可用之令阳不得补。阴不得抑。妇人以血为主。凡血海虚而寒热盗汗者  
宜补养之。不可用之以过散其液。

<目录>热性药品

<篇名>当归

内容：**【气味】**

苦温无毒。可升可降。阴中微阳。入手少阴足太阴厥阴经血分。头止血而上行。身养血而中守。稍破血而下流。全活血而不走。（凡用以酒洗净。晒干入药。）

**【主治】**

咳逆上气。温疟寒热。妇人漏下绝子。诸恶疮疡。温中止痛。补诸不足。和血补血。故脉者血之府。诸血皆属心。凡通脉必先补心益血。仲景治手足厥寒脉细欲绝者。以当归补助之。凡血受病。致壅而不流。乃致作痛。若散内寒。助心和血。使气血各有所归。以当归向导之。入手少阴。以其心生血也。入足太阴。以其脾裹血也。入足厥阴。以其肝藏血也。然

补气须同人参黄。行气须同大黄牵牛。引热须从桂附茱萸。引寒须从芒硝大黄。用本病宜酒制。有痰以姜制。导血归源以人参石脂为佐。血热以生地条芩为佐。古方四物汤。以当归为君。芍药为臣。地黄为佐。芎 为使。总之血药不可舍当归也。

<目录>热性药品

<篇名>山茱萸

内容：**【气味】**

酸涩无毒。阴中之阴。入足厥阴少阴经气分。

**【主治】**

温中。逐寒湿痹。强阴益精。疗耳鸣。补肾虚。兴阳道。添精髓。止老人尿不节。暖腰膝。助水脏。逐一切气。破症结温肝。仲景八味丸用之。取其味酸涩。可以秘精而收滑也。

<目录>热性药品

<篇名>秦椒

内容：**【气味】**

辛温有毒。

**【主治】**

除风邪气。温中去寒痹。坚齿发。明目。久服轻身好颜色耐老增年通神。疗喉痹吐逆疝瘕。去老血产后余疾腹痛。出汗。利五脏。上气咳嗽。久风湿痹。治恶风遍身四肢 痹。口齿浮肿摇动。女人月闭不通。产后恶血痢。多年痢。疗腹中冷痛。生毛发灭瘢。能下肿湿气。

恶（苦萋 防葵） 畏（雌黄）

<目录>热性药品

<篇名>蜀椒（即川椒。）

内容：**【气味】**

辛温有毒。椒乃纯阳之物。入手足太阴右肾命门气分之药。

### 【主治】

邪气咳逆。温中。逐骨节皮肤死肌。寒热痹痛。下气。除六腑寒冷。伤寒温疟。大风汗不出。宿食肠。下痢泄精。治水肿黄胆。杀虫鱼毒。久服开腠理。通血脉。坚齿发。明目。调关节。耐寒暑。可作膏药。治头风下泪。腰脚不遂。虚损留结。破血。治咳嗽腹内冷痛。除齿痛。破症结开胸。治天行时气。产后宿血。壮阳。疗阴汗。暖腰膝。缩小便。止呕逆。通神。去老益血。利五脏。下乳汁。灭瘢。生毛发。散寒除湿。解郁结。消宿食。通三焦。温脾胃。补右肾命门。杀蛔虫止泄泻。但椒红其味辛而麻。其气温以热。禀南方之阳。受西方之阴。故能入肺散寒也。

<目录>热性药品

<篇名>独活

内容:【气味】

苦甘平无毒。浮而升阳也。入手足太阳经行风药。入足厥阴少阴经气分。

### 【主治】

疗诸贼风百节痛。诸风湿冷。皮肤苦痒。手足挛痛。得细辛治头痛如神。两足寒痹不能动履。偕牛膝木瓜燥湿立效。

<目录>热性药品

<篇名>浓朴

内容:【气味】

苦温无毒。可升可降。阴中阳也。

### 【主治】

消痰下气。疗霍乱及腹痛胀满。胃中冷逆呕不止。泄痢淋露。盖浓朴气温。能泻胃中之实。故平胃散用之。佐以苍术。所以平胃土之太过。以致于中和也。然虚弱之人。胃气不实。误服脱人元气。又不可不斟酌为用也。

<目录>热性药品

<篇名>代赭石

内容:【气味】

苦寒无毒。乃肝与包络二经血分药也。

### 【主治】

女子赤沃漏下带下百病。产难胞不出。堕胎。养血气。除五脏血脉中热。血痹血瘀。大人小儿惊气入腹。及阴痿不起。安胎健脾。止反胃吐血鼻衄。月经不止。肠风痔。泻痢脱精。夜多遗溺。小儿惊痫疳疾。金疮长肉。辟鬼魅。故仲景治伤寒汗吐下后。心下痞硬。噫气不除者。旋复代赭汤主之。盖怯则气浮。唯重可以镇之。代赭之重。以镇虚逆也。

<目录>热性药品

<篇名>葫芦巴

内容：（一名苦豆。凡入药淘净。以酒浸一宿。晒干。蒸熟或炒过用。）

**【气味】**

苦大温无毒。

**【主治】**

五脏虚冷气。得附子硫黄治肾虚冷。腹胁胀满。面色青黑。得 香子桃仁治膀胱气甚效。治冷气疝瘕。寒湿香港脚。益右肾。暖丹田。

<目录>热性药品

<篇名>生卷柏

内容：（一名长生不死草。凡用以盐水煮半日。再以井水煮半日。晒干焙用。）

**【气味】**

辛平无毒。

**【主治】**

五脏邪气。女子阴中寒热痛。症瘕血闭绝子。久服轻身和颜色。止咳逆。治脱肛。结。头中风眩痿。强阴益精。通月经。镇心。除面 头风。暖水脏。生用破血。炙用止血。

<目录>热性药品

<篇名>菖蒲

内容：（采得。以铜刀刮去黄黑硬节皮。蒸熟曝干用。如泥菖夏菖二种不堪入药。）

**【气味】**

辛温无毒。其有五德。能配五行。叶青。花赤。节白。心黄。根黑。

**【主治】**

一切诸风。手足顽痹。瘫痪不遂。五劳七伤。坚骨髓。长精神。开胃和血。固齿明目。泽皮肤。去寒热。除三尸九虫。时疾瘴疫。开心孔。通九窍。唯石上生者为佳。

<目录>热性药品

<篇名>良姜

内容：（东壁土炒过。入药用。）

**【气味】**

辛大温无毒。纯阳而浮。入足太阴阳明经。

**【主治】**

胃中冷逆。霍乱腹痛。噫逆胃寒者宜之。人参茯苓佐之。解散胃中之风邪。

**【红豆蔻】**

**【气味】**

辛温无毒。阳而浮也。入手足太阴经。

**【主治】**

肠虚水泻。心腹绞痛。霍乱。呕吐酸水。解酒毒。冷气。消瘴雾毒瓦斯。去宿食。温腹肠吐泻痢疾。治噎膈反胃。虚疟寒胀。李东垣脾胃药中常用之。亦取其辛热芳香能醒脾。温肺散寒。燥湿消食之功尔。若脾肺素有伏火者。切不宜用。

<目录>热性药品

<篇名>丁香

内容：（鸡舌香与丁香同种。花实丛生。其中心最大者为鸡舌。击破有顺理而解为两向如鸡舌故名。乃是母丁香也。）

**【气味】**

辛温无毒。纯阳。入手太阴足少阴阳明经。（方中多用雌者力大。膏煎中若用雄须去丁。盖乳子发人背痛也。不可见火。）

**【主治】**

温脾胃。止霍乱壅胀。风毒诸肿。齿疳。能发诸香。风骨槽劳臭。杀虫。辟恶去邪。治奶头花。止五色毒痢五痔。治冷气冷劳。反胃鬼疰蛊毒。杀酒毒。消癖。疗肾气奔豚气阴痛腹痛。壮阳暖腰膝。疗呕逆甚验。去胃寒。理元气。气血盛者勿服。治虚啜。小儿吐泻。痘疮胃虚灰白不发等症。必运气在寒水司天之际。又值严冬郁遏阳气。故用大辛热之剂发之者也。若不分气血虚实寒热经络。一概骤用。其杀人也必矣。

**【鸡舌香】**

**【气味】**

辛微温无毒。

**【主治】**

风水毒肿。霍乱心痛。去恶热。吹鼻杀脑疳。入诸香中令人身香。同姜汁涂拔去白须。孔中即生黑者异常。

<目录>热性药品

<篇名>畏（郁金）

内容：石硫黄

（硫黄秉纯阳火石之精气而结成。性质通硫。色赋中黄。故名硫黄。含其猛毒为七十二石之将。故药品中号为将军。外家谓之阳侯。亦曰黄牙。又曰黄砂。）

**【气味】**

酸温有毒。

**【主治】**

除头秃。能化金银铜铁奇物。下部 疮。杀疥虫。古方未有服饵硫黄者。本经所用。只于治疮蚀。攻积聚冷气脚弱等。而近世遂火炼。治为常服丸散。观其冶炼服食之法。殊无本源。非若乳石之有论议。故服之其效虽紧。而其患更速。可不戒之。土硫黄辛热腥臭。只可治疥杀虫。不可服也。

<目录>热性药品

<篇名>灵砂

内容：（庚辛玉册云。灵砂者至神之物也。硫汞制而成形。谓之丹基。夺天地造化之功。窃阴阳

不测之妙。可以变化五行。炼成九还。其未升鼎者谓之青金丹头。已升鼎者乃曰灵砂。灵砂有三。以一伏时周天火而成者。谓之九转灵砂。以地数三十日炒炼而成者。谓之医家老火灵砂。并宜桑灰淋。醋煮伏过用乃良。）

【气味】

甘温无毒。

【主治】

五脏百病。养神安魂魄。益气明目。通血脉。止烦满。益精神。杀精魅恶鬼气。久服通神明不老。轻身神仙。令人心灵。主上盛下虚。痰涎壅盛头旋。吐逆霍乱。反胃心腹冷痛。升降阴阳。既济水火。调和五脏。辅助元气。研末。糯糊为丸。枣汤服。最能镇坠神丹也。故时珍曰。硫黄阳精也。水银阴精也。以之相配夫妇之道。纯阴纯阳。二体合璧。故能合造化之妙。而升降阴阳。既济水火。为扶危拯急之神丹。但不可久服耳。苏东坡言此药治久患反胃及一切吐逆。小儿惊吐。其效如神。有配合阴阳之妙故也。时珍常以阴阳水送之尤妙。

<目录>热性药品

<篇名>荜澄茄

内容：（生南海诸国。向阴者为澄茄。向阳者为胡椒。凡采得去柄及皱皮子用。酒浸蒸之从巳至酉。杵细晒干。入药用。）

【气味】

辛温无毒。

【主治】

下气消食。去皮肤风。心腹间气胀。令人能食。疗鬼气。能染发及香身。治一切冷气痰癖。并霍乱吐泻肚腹痛。肾气膀胱冷。暖脾胃。止呕吐逆。

<目录>热性药品

<篇名>蓬莪术

内容：（凡便于砂盆中以醋磨令尽。然后于火畔 干。重筛过用。此物极坚硬难捣治。用时

热灰火中煨令透。乘热捣之即碎如粉。今人多以醋炒或煮熟入药。取其引入血分也。）

**【气味】**

苦辛温无毒。

**【主治】**

心腹痛。中恶霍乱冷气。吐酸水。解毒。食饮不消。酒研服之。又疗妇人血气结积。丈夫奔豚。破癖冷气。以酒醋磨服。治一切气。开胃消食。通月经。消瘀血。止扑损痛下血及内损恶血。通肝经聚血。

<目录>热性药品

<篇名>檀香

内容：**【白旃檀】**

**【气味】**

辛温无毒。阳中微阴。入手太阴足少阴。通行阳明之经也。

**【主治】**

消风热肿毒。治中恶鬼气。杀虫。煎服止心腹痛霍乱。肾气痛。水磨涂外肾并腰痛

痛。散冷气。引胃气上升进饮食。噎膈吐食。又面生黑子。每夜以浆水洗拭令赤。磨汁涂之甚良。白旃檀调气。引芳香之物上至极高之分。最宜橙橘之属。佐以姜枣。辅以葛根缩砂益智豆蔻。通行阳明之经。在胸膈之上处。咽喉之间。为理气之要药也。楞严经云。白旃檀涂身能除一切热恼。故西南诸番。皆用诸香涂身。取此义也。隋有寿禅师妙医术。作五香饮济人。沉香饮。檀香饮。丁香饮。泽兰饮。甘松饮。皆以香为主。更加别药。有味而止渴兼补益人。道书檀香谓之浴香。不可烧供上真。

**【紫檀】**

**【气味】**

咸寒无毒。

**【主治】**

摩涂恶毒风毒。刮末敷金枪止血止痛疗淋。醋磨敷一切卒肿。其白檀辛温气分之药也。故能理卫气而调脾肺。利胸膈。紫檀咸寒血分之药也。故能和营气而消肿毒。治金疮。

<目录>热性药品

<篇名>米醋

内容：（惟米醋方可入药。极陈者方妙。）

**【气味】**

酸苦温无毒。（不宜多食。多食损筋骨。不益男子。损人颜色。醋发诸药。不可同食。）

**【主治】**

消痈肿。散水气。杀邪毒。理诸药消毒。治产后血晕。除症块坚积。

消食。杀恶毒。破结气心中酸水痰饮。下气除烦。治妇人心痛血气。并产后及伤损金疮出血昏晕。杀一切鱼肉菜毒。醋磨青木香。止卒心痛血气痛。浸黄柏含之治口疮。调大黄末涂肿毒。煎生大黄服治 癖甚良。散瘀血。治黄胆黄汗。产妇房中常以火炭沃醋气为佳。酸益血也。大抵醋治诸疮肿积块。心腹疼痛。痰水血病。杀鱼肉菜及诸虫毒瓦斯。无非取其酸收之义

。而又有散瘀解毒之功也。

<目录>热性药品

<篇名>五灵脂

内容：（寒号虫屎也。此物多夹沙石。绝难修治。凡用。研为细末。以酒飞去沙石。晒干收用。）

【气味】

甘温无毒。入足厥阴肝经。又气味俱浓。阴中之阴。入血分药也。

【主治】

血分。肝主血。诸痛皆属于木。诸虫皆生于风。故此药能治血病。散血和血。而止诸痛。治惊痫。除疟痢。消积化痰。疔疳杀虫。治血痹血眼诸症皆属肝经也。失笑散不独治妇人心痛血痛。凡男女老幼一切心腹肋肋少腹痛疝气。并胎前产后血气作痛。及血崩经溢。百药不效者。俱能奏功。屡用屡验。真近世神方也。

恶（人参）

<目录>热性药品

<篇名>骐竭

内容：（即血竭。凡使。先研作粉筛过。入丸散中用。若同众药捣。则化作尘飞矣。）

【气味】

甘咸平无毒。

【主治】

心腹卒痛。金疮血出。破积血止痛生肉。去五脏邪气。伤折打损。一切疼痛。血气搅刺。内伤血聚。补虚。并宜酒服。补心包络肝血不足。益阳精。消阴滞气。敷一切恶疮疥癣久不合。性急不可多使。却引脓。散滞血诸痛。妇人血气。小儿螭。时珍曰。骐 竭乃木之脂液也。如人之膏血。其味甘咸而走血。盖手足厥阴药也。肝与心包皆主血故尔。河间刘氏云。血竭除血痛为和血之圣药是矣。乳香没药虽主血病而兼入气分。此则专于血分者也。

<目录>热性药品

<篇名>白花蛇

内容：（诸蛇鼻向下。独此鼻向上。背有方胜花纹。以此得名。头尾各一尺有大毒不可用。去皮骨。换酒浸三日。火炙去尽皮骨。此物甚毒。不可不防。炙过收之则不蛀。其骨刺须远弃之。伤人。毒与生者同也。）

**【气味】**

甘咸温有毒。（得酒良。）

**【主治】**

中风湿痹不仁。筋脉拘急。口面斜。半身不遂。骨节疼痛。脚弱不能久立。暴风瘙痒。大风疥癣。治肺风鼻塞。浮风瘾疹。身上白癫风 疥斑点。通治诸风。破伤风。小儿风热急慢惊风搐搦。瘰 漏疾。杨梅疮。痘疮倒陷。蛇性窜。能引药至于有风疾处。故能治风。而花蛇又食石南。所以能透骨搜风。截惊定搐。为风痹惊搐癩癖恶疮要药。取其内走脏腑。外彻皮肤。无处不到。凡服蛇酒药。切忌见风。

<目录>热性药品

<篇名>乌梢蛇

内容：（其身乌而光。头圆尾尖。眼有赤光。至枯死眼不陷如活者。称之重七钱至一两者为上。十两至一镒者为中。粗大者力弥灭也。作伪者用他蛇熏黑。亦能乱真。但眼不光耳。采得去头及皮鳞。带子。锉断。苦酒浸一宿。漉出。柳木炭火炙干。再以酥炙于屋下。已。地上掘坑埋一夜。再炙干用。或以酒煮干用亦可。）

**【气味】**

甘平无毒。又曰有小毒。

**【主治】**

诸风顽痹皮肤不仁。风瘙隐疹疥癣。热毒风皮肤生癩。眉髭脱落。疥等疮。功与白花蛇同。而性善无毒。

<目录>热性药品

<篇名>乌药

内容：**【气味】**

辛温无毒。气浓于味。阳也。入足阳明少阴经。

**【主治】**

中恶心腹痛。蛊毒主忤鬼气。宿食不消。天行疫瘴。膀胱肾间冷气攻冲背脊。妇人血气小儿腹中诸虫。除一切冷霍乱。反胃吐食泻痢。痈疔疥厉。并解冷热。其功不可悉载。猫鼠百病并可磨服。理元气。中气香港脚疝气。气厥头痛。肿胀喘息。止小便频数及白浊。但乌药辛温香窜。能散诸气。故惠民和剂局万治中风中气诸症。用乌药顺气散者。先疏其气。气顺则风散也。严用和济生方治七情郁结上气喘急用四磨汤者。降中兼升。泻中带补也。其方以人参乌药沉香槟榔各磨浓汁七分合煎。细细咽之。

<目录>热性药品

<篇名>禹余粮

内容：（石中有细粉如面故曰余粮。凡用。研水取汁澄之。勿令有沙土。）

**【气味】**

甘寒无毒。入手足阳明血分重剂也。

**【主治】**

咳逆寒热烦满。下赤白。血闭症瘕大热。炼饵服之不饥。轻身延年。疗小腹痛结烦疼。主崩中。治邪气及骨节疼四肢不仁痔等疾。久服耐寒暑。催生固大肠。夫重可去怯。禹余粮之重为镇固之剂。其性涩又主下焦前后诸病。

<目录>热性药品

<篇名>鲫鱼

内容：（和蒜食少热。同沙糖食生疔虫。同芥菜食成肿疾。同猪肝鸡肉雉肉鹿肉猴肉食生疔疽。同麦门冬食害人。）

**【气味】**

甘温无毒。

**【主治】**

合五味煮食主虚羸。温中下气。止下痢肠痔（夏月热痢有益。冬月不宜。）合 作羹主胃弱不下食。调中益五脏。合菱首作羹。主丹石发热。生捣涂恶核肿毒不散及 疮。同小豆捣涂丹毒。烧灰和酱汁涂诸疮十年不瘥者。以猪脂煎灰服治肠痛。合小豆煮汁服消水肿。炙油涂妇人阴疔诸疮杀虫止痛。酿白矾烧研饮服治肠风血痢。酿硫黄 研酿五倍子 研酒服并治下血。酿茗叶煨服治消渴。酿胡蒜煨研饮服治膈气。酿绿矾 研饮服治反胃。酿盐花烧研掺齿痛。酿当归烧研揩牙乌髭止血。酿砒烧研治急疔疮。酿白盐煨研搽骨疽。酿附子炙焦同油涂头疮白秃。凡诸鱼属火。独鲫属土。有调胃实肠之功。若多食亦能动火。

<目录>热性药品

<篇名>巴豆

内容：（最能泻人。新者佳。用之去皮心膜熬令黄黑。捣如膏。乃和丸散。有用仁者。用壳者。用油者。有生用者。麸炒者。醋煮者。烧存性者。有研烂以纸包压去油者。谓之巴豆霜。）

**【气味】**

辛温有毒。又曰生温熟寒。有大毒。其性热味苦。气薄味浓。体重而沉降阴也。又性热味辛有大毒。浮也。阳中阳也。又生猛熟缓。能吐能下。能止能行。可升可降。

**【主治】**

伤寒温症寒热。破症瘕结聚。坚积留饮。痰癖大腹。荡练五脏六腑。开通闭塞。利

水谷道。去恶肉。除鬼毒蛊主邪物。杀虫鱼。金疮脓血不利丈夫。杀斑蝥蛇虺毒。治十种水腫痿痹。落胎。通宣一切病。泄壅滞。除风破血。排脓消肿毒。杀腹脏虫。及疥癩疗肿。治泻痢惊痫。心腹痛疝气。风耳聋。喉痹牙痛。利关窍。古人云。巴豆乃斩关夺门之将。不可轻用。若峻用则有戡乱劫病之功。微用亦有抚绥调中之妙。譬之萧曹绛灌。乃勇猛武夫。而用之为相。亦能辅治太平。王海藏言其可以通肠。可以止泻。此发千古之秘也。

<目录>热性药品

<篇名>沉香

内容：（木之心节。置水则沉。故名沉水。亦曰水沉。半沉者为栈香。不沉者为黄熟香。凡使沉香。须要不枯。如牛角硬重沉于水下为上。半沉者次之。不可见火。欲入丸散。以纸裹置怀中待燥研之。或入乳钵以水磨粉晒干亦可。若入煎剂。惟磨汁临时入之。）

【气味】

辛微温无毒。阳也。有升有降。（咀嚼香甜者性平。辛辣者性热。）

【主治】

风水毒肿。去恶气。主心腹痛霍乱。中恶邪鬼疰气。清人神。并宜酒煮服之。诸疮肿宜入膏中。调中。补五脏。益精壮阳。暖腰膝。止转筋吐泻冷气。破症癖冷风麻痹骨节不任风湿皮肤瘙痒。气痢。补右肾命门。补脾胃及痰涎血出于脾。益气和神。治上热下寒。气逆喘急。大肠虚闭。小便气淋。男子精冷。

<目录>热性药品

<篇名>橘皮

内容：【气味】

苦辛温无毒。又气薄味浓。阳中之阴也。可升可降。

【主治】

橘皮苦能泻能燥。辛能散能温。能补能和。化痰治嗽。顺气理中。调脾快膈。通五淋。疗酒病。其功当在诸药之上。皆是取其理气燥湿之功。同补药则补。同泻药则泻。同升药则升。同降药则降。脾乃元气之母。肺乃摄气之仓。故橘皮为二经气分之药。但随所配而补泻升降也。故洁古张氏云。陈皮枳壳利其气而痰自下。盖此义也。同杏仁治大肠气。同桃仁治大肠血。皆取其通滞也。

<目录>热性药品

<篇名>锁阳

内容：【气味】

甘温无毒。

【主治】

大补阴气。益精血。利大便。虚人大便燥结者。啖之可代苁蓉。不燥结者勿用。

<目录>热性药品

<篇名>桂心

内容：（用紫色浓桂。去其内外之皮。取中间味辛者用之是也。）

【气味】

苦辛无毒。阳中之阳浮也。入手少阴经血分。

【主治】

一切风气。补五癆七伤。通九窍。利关节。益精明目。暖腰膝。治风痹骨节挛缩。续筋骨。生肌肉。消瘀血。破 癖症瘕。内托痈疽痘疮。能引血化汗化脓。解蛇蝮毒。

<目录>热性药品

<篇名>米酒

内容：【气味】

苦甘辛大热有毒。

【主治】

行药势。杀百邪恶毒瓦斯。通血脉。浓肠胃。润皮肤。养脾扶肝。止腰膝疼痛。但其味辛者能散。苦者能下。甘者能居中而缓。用为导引。可以通行一身。而能达极高之分。淡者则利小便而速下。然少饮则能和血气。壮神御寒。消愁遣兴。痛饮则伤神耗血。北人嗜饮生痰动火。醉卧当风。则成癩风。醉浴冷水。则成痛痹。服丹砂饮酒。则引药气入四肢。滞血化为痈疽。酒后食芥。缓人筋骨。酒后饮茶。伤肾脏。腰脚重坠。膀胱冷痛。兼患痰饮水肿消渴挛痛之疾。一切毒药因酒得者难治。酒浆照人无影不可饮。祭酒自耗不可饮。酒得咸而解者。以水制火。酒性上而咸润下也。得葛花绿豆粉而解者寒胜湿也。

<目录>热性药品

<篇名>烧酒

内容：【气味】

辛甘大热有大毒。

【主治】

辛甘则能升扬发散。其气燥烈。胜湿祛寒。则能开怫郁而消沉积。通膈噎而散痰饮。治泄痢而止腹痛。辛先入肺。则能调水道而通小便。热能生火铄金。大肠受刑。则令大肠燥结。暑月饮之。则膈快而胸畅。赤目洗之。则泪出而肿消赤散。此皆从治之法。盖所以劫之之剂也。但性甚燥烈若过饮不节。则败胃伤胆焚心。嗜饮之人甚多。近之市沽。又加以砒石草乌辣灰。升阳热燥助而引之。是在善于摄生者谨而节之也。

<目录>温性药品

<篇名>谷精草

内容：【气味】

辛温无毒。浮而升。上行阳明。

【主治】

头风痛。目盲翳膜。痘后生翳。止血。功在菊花上。

<目录>温性药品

<篇名>白芥子

内容：【气味】

辛温无毒。

【主治】

胸膈痰冷上气。醋研敷射工毒。辛能入肺。温能发散。有利气豁痰。温中开胃。散痛消肿辟恶之功。凡痰在肋下皮里膜外者。非此不能达。古方控涎丹用之。执此义也。

<目录>温性药品

<篇名>木香

内容：【气味】

辛温无毒。沉而降。阴中阳也。乃三焦气分之药。（凡入理气药。只宜生用。不可见火。若实大肠宜面煨熟用。）

【主治】

心腹一切气。膀胱冷痛。呕逆反胃。积年冷气。温疟蛊毒。女人血气刺心。和胃泄肺。行肝经气。但其性辛劣。最能上升。如气郁不达者宜之。若阴火冲上者。则反助火邪。不宜用也。凡诸气郁。皆属于肺。上焦气滞用之者。乃金郁则泄之也。中气不运。皆属于脾。中焦气滞用之者。脾胃喜其芳香也。大肠气滞而后重。膀胱气不化而癃淋。肝气郁则为痛。下焦气滞而用之者。乃塞者通之也。

<目录>温性药品

<篇名>半夏

内容：【气味】

辛平有毒。沉而降。阴中阳也。入手阳明太阴少阴三经。（凡采得以白芥子为末二两。酽醋三两。搅浊投半夏于内。浸洗去涎。涎若不尽。令人气逆。肝气怒满。又造曲法云。以半夏为主。入姜汁白矾。加以干面和搅作面。入楮叶包置篮中。候生黄衣。日干。久贮听用。极为良品。）

【主治】

寒痰及形寒饮冷伤肺而咳嗽。脾胃湿。益脾胃之气。消肿散结。渴则忌之。但今人惟知半夏去痰不能益脾。孰知脾恶湿。湿则濡困。困则不能治水。半夏之性辛而能润。可使脾无留湿。湿去而土自燥。痰乃不生。其功之益脾何如也。又丹溪以二陈汤治一身之痰。庸

医执之。概以有痰者。即以此方为对症之剂。岂知二陈汤唯风寒湿食之痰用之。乃宜至于劳痰失血用之。反能燥血。其所当禁用又何如也。又俗以半夏性燥有毒。多以贝母代之。岂知贝母乃太阴肺经之药。唯咳嗽吐痰。虚劳吐血。或痰中见血。诸郁咽痛喉痹。肺痈肺痿痈疽。妇人乳痈等症。此则宜以贝母为之向导。若涎者脾之液。美味膏粱炙爆。皆能生脾胃湿热。令涎化为痰。久则痰火上攻。使人昏愤口噤偏废僵仆蹇涩不语。自非半夏何以行湿利窍。通大便而泄小便。使脾为生痰之源。肺为贮痰之器。各得滑泽自安也。又俗言半夏入方药中。能泄痰之标。不能泄痰之本。岂知肾主五液化为五湿。自入为唾。入肝为泣。入心为汗。入脾为痰。入肺为涕。半夏能流湿润燥。无形之咳。有形之痰。悉能荡涤必清。其泄肾非泄痰之本乎。又俗言半夏之辛。只能入肺散气。岂知止呕吐为足阳明。除痰为足太阴之剂。如柴胡汤中用之。虽为止呕。亦能助柴胡黄芩之清凉。主寒热之往来。是又非足少阳阳明之对剂乎。然热痰佐以黄芩。风痰佐以南星。寒痰佐以干姜。痰痞佐以陈皮白术。多用则泻脾胃。诸血证及口渴者则禁用。是又在驱使者之得宜也。

<目录>温性药品

<篇名>苍术

内容:【气味】

苦温无毒。又甘辛。可升可降。阴中阳也。入足太阴阳明太阳之经。

【主治】

风寒湿痹。消痰水。暖胃消谷嗜食。瘟疫山岚瘴气。以其有雄壮上行之气。故能除湿。下安太阴。使邪气不传入脾。以其经痞浸火炒。故能出汗。与白术止汗特异。用者不可以此代彼。盖有止发之别。其余主治则同。脾精不禁。小便漏浊淋不止。腰背酸痛。宜用苍术以敛脾精。精生于谷故也。随经援引。务在驱使得宜。

<目录>温性药品

<篇名>山药

内容:【气味】

甘平温无毒。入手足太阴经。

【主治】

伤中。补虚羸。益气力。长肌肉。强筋骨。补五劳七伤。心气不足。泄精健忘。仲景八味丸用之。取其凉而善补。强阴益阳也。皮肤干燥者。亦此滋润之。

<目录>温性药品

<篇名>阿胶

内容:【气味】

甘平无毒。浮而升。阳也。入手少阴足少阴厥阴经。

【主治】

吐血衄血。血淋尿血。女人血痛血枯。经水不调。崩中带下。胎前产后诸疾。男妇一切咳嗽喘急。肺痿及痈疽肿毒。滋阴润燥。化痰清肺。利小便。调大肠。大抵阴不足者。补之以味。阿胶之甘以补阴血也。

<目录>温性药品

<篇名>莱菔子

内容：【气味】

辛甘平无毒。

【主治】

生能升。熟能降。升则吐风痰。散风寒。发疮疹。降则定痰喘咳嗽。调下痢后重。止内痛。利气治痰。有推墙倒壁之功。莱菔属土有金与水。大抵入阳明少阳气分太阴气分。下气之功居多。久服则渗人血。故与地黄何首乌同服。则令髭发皆白矣。

<目录>温性药品

<篇名>威灵仙

内容：【气味】

苦温无毒。可升可降。阳中阴也。

【主治】

宣通五脏。去腹内冷滞心膈痰水。推新旧积。散皮肤大肠风邪。祛久积痼症 癖。膀胱宿脓恶水。威灵仙属木。乃治痛风之要药。其性好走。亦可横行腰肾脚膝。积聚肠内诸冷病。服之无不立效。然久服恐损真气。须知其性太疏利也。

<目录>温性药品

<篇名>细辛

内容：【气味】

辛温无毒。轻清上浮而升。阴中阳也。入足厥阴少阴血分。为手少阴引经之药。（入煎剂不可过一钱。多则令人气闷。）

【主治】

散咳逆头痛风湿痹痛。温中下气。益肝胆明目。利九窍。治恶风头风。止迎风泪下。除齿痛。故水停心下不行。则肾气燥。宜细辛之辛。以行水气而润燥。邪气自里之表。则胆气不足。用麻黄附子细辛汤以清少阴之症。  
恶（山茱萸 黄） 忌（生菜） 畏（滑石） 反（藜芦）

<目录>温性药品

<篇名>艾

内容：【气味】

微温无毒。可升可降。阳也。入足太阴厥阴少阴三经。

**【主治】**

灸百病。利阴气。生肌肉。辟风寒。止腹痛安胎。妇人带下。逐冷除湿。入火灸则气下行。入药服则气上行。艾附丸治心腹小腹诸痛。调女人诸病。胶艾汤治虚痢及妊娠产后下血。老人丹田气弱。脐腹畏冷者。以熟艾入布袋兜其脐腹。寒湿香港脚。以此夹入袜内。俱有奇功。或言其辛热久服火生。不知妄意求嗣之人。以辛热过剂。投以艾料。不谓诸药太辛。归咎于艾。夫岂艾之为罪耶。

<目录>温性药品

<篇名>延胡索

内容：**【气味】**

辛温无毒。可升可降。阴中阳也。入手足太阴经。

**【主治】**

破产后恶血。行血中滞气。气中血滞。故疗心气小腹痛有神。达肾气。通经络立效。止下痢绞痛。妙不可述。

<目录>温性药品

<篇名>白芷

内容：**【气味】**

辛温无毒。阳也。为阳明经引经本药。通行手足阳明经。亦入手太阴经。

**【主治】**

风邪。止渴呕吐。头风侵目。迎风泪出。头眩目痒。目赤肉。治疮痍疥癣。排脓长肌肉。

恶（旋复花）

<目录>温性药品

<篇名>骨碎补

内容：**【气味】**

苦平温无毒。入足少阴经。

**【主治】**

破血止血。补伤折骨中毒瓦斯。耳鸣及肾虚久泄。兼疗牙疼。

<目录>温性药品

<篇名>羌活

内容：**【气味】**

苦辛无毒。浮而升。阳也。入手足太阳风药。

### 【主治】

贼风多痒血癩。手足不遂。口面斜。遍身痹。赤目疼痛。故大无不通。小无不入。头痛之症。巨阳从头走足。惟厥阴与督脉会于颠。逆而上行。诸阳不得下。乃令头痛。泻青丸用羌活。以其气雄能入太阳而和厥阴也。

<目录>温性药品

<篇名>木瓜

内容：【气味】

酸温无毒。入手足太阴血分。

### 【主治】

湿痹香港脚。霍乱大吐下。转筋不止。调荣卫。助谷气。去湿和胃。滋脾益肺。气脱能收。气滞能和。寇氏云。木瓜得木之正气。酸以入肝。故益筋与血。腰肾脚膝为病无力。皆不可缺也。或曰木瓜所主霍乱吐利转筋香港脚。皆脾胃病。而云肝病何也。盖寒湿之气。袭

伤脾胃而筋转。必起于足腓。腓及宗筋皆属阳明。用木瓜之酸温以收脾肺之耗散。而藉其走筋以平肝邪。乃土中泻木以助金也。木平则土得令而金受其荫。得非因治肝以及脾胃乎。

<目录>温性药品

<篇名>仙茅

内容：【气味】

辛温有毒。（采得以新水洗刮去皮毛。用铜刀切如豆许大。稀布袋盛贮。投乌豆水中浸一宿。取出用酒拌湿蒸之。从巳至亥。晒干出毒。庶无妨损。忌铁器及牛乳。）

### 【主治】

开胃消食下气。益房事不倦。补三焦命门之火。阳弱精寒。禀赋素怯者宜之。

<目录>温性药品

<篇名>何首乌

内容：（采深山重大者佳。以竹刀刮去粗皮。米泔水浸一夜。切片。用黑豆以水泡过。砂锅内铺豆一层。首乌一层。层层铺尽。蒸之豆熟取出。去豆晒干。如此九次乃用。）

### 【气味】

苦涩微温无毒。足厥阴少阴药也。

### 【主治】

益血气。黑髭发。悦颜色。久服长筋骨。益精髓。延年不老。白者入气分。赤者入血分。凡肾主闭藏。肝主疏泄。此物气温味苦涩。苦补肾。温补肝。能收敛精气。所以能养血益肝。固精益肾。不寒不燥。为滋补良药。久服令人有子。

忌（诸血 无鳞鱼 萝卜 地黄 葱 蒜 铁器）

<目录>温性药品

<篇名>苏子

内容:【气味】

辛温无毒。

【主治】

肺气喘急。除寒温中。益五脏。破症结。消膈宽肠。发散风气。与叶同功。亦不宜过服。

<目录>温性药品

<篇名>淡豆豉

内容:【气味】

苦寒无毒。阴中之阴也。

【主治】

伤寒头痛。懊 不眠。烦躁满闷。虚劳喘吸。下气调中。兼时疾瘟毒。发 呕逆。盖豆性平。作豉则温。故能升能散。得葱而发汗。得盐而能吐。得酒而治风。得薤而治痢。得蒜而止血。炒熟又能止汗也。

<目录>温性药品

<篇名>香

内容:【气味】

辛平无毒。阳也浮也。

【主治】

香本治膀胱之药。以其先丙。故入小肠而润丙燥。以其先戊。故从丙至壬。又手足少阴二药。以开上下经之通道。所以壬与丙交也。又曰小 香性平。理气开胃。大 香性热。暖丹田补命门不足。俱入手足太阳少阴经。

<目录>温性药品

<篇名>麻仁

内容:【气味】

甘平无毒。入手阳明足太阳之药。

【主治】

润五脏。利大肠风热结燥及热淋。其阳明病。汗多。胃热。便难。三者皆属于燥。用之可以通润。脾苦急。食甘以缓之。麻仁之甘。以缓脾润燥。

<目录>温性药品

<篇名>黄

内容:【气味】

甘微温无毒。可升可降。阴中阳也。入手少阳足太阴足少阴命门之剂。

【主治】

补诸虚不足。益元气。去肌热疮疡。排脓止痛。壮脾胃。去诸经之痛。除虚热。得防风其功愈大。护周身皮毛腠理间虚。无汗则发之。有汗则敛之。为表药。补三焦。实胃气。治伤寒尺脉不至为里药。故凡内伤其饮食。脾胃胀满。发热恶寒。吐泻怠卧。神短脉微者。当以人参为君。黄 为臣。表虚自汗。亡阳溃疡。痘疹阴疮。则当以黄 为君。人参为臣。

恶（白藓皮 鳖甲）

<目录>温性药品

<篇名>菟丝子

内容:（凡用以温水淘去沙泥。酒浸一宿。曝干捣之。如不尽者。再浸曝捣。）

【气味】

辛甘平无毒。

【主治】

续绝伤。补不足。益气力。养肌强阴。主茎中寒。精自出。溺有余沥。明目轻身延年。补肝脏风虚。稟中和凝正阳之气。一茎从树感枝而成。从中脊上阳结实。故专补人卫气。助人筋脉。明目去风。肾部之要剂也。

<目录>温性药品

<篇名>杏仁

内容:【气味】

甘苦温有小毒。两仁者杀人。可以毒狗。沉而降。阴也。入手太阴经。

【主治】

咳逆上气。润肺消食积。散滞结。王氏治伤寒气上逆喘者。麻黄汤内加杏仁陈皮。若气不上喘逆者。减杏仁陈皮。明乎其泻肺也。又东垣云。杏仁下喘。用以治气。桃仁止狂。用以治血。二仁虽俱治大便之秘。然昼之难。便属阳气之不和。夜之难。便属阴血之不润。又当知杏仁之专行气分也。又脉浮在气。用杏仁而佐以陈皮。脉浮在血。用桃仁而佐以陈皮。俱用陈皮者。以其手阳明病与手太阴俱为表里也。贲门上主往来。魄门下主收闭。故王氏言肺与大肠为通道也。

<目录>温性药品

<篇名>秦艽

内容:（以布拭去黄白毛。用童便浸一宿。晒干用。）

**【气味】**

苦平无毒。性又微温。阴中微阳。可升可降。入手阳明经。

**【主治】**

养血荣筋。除本经风湿口噤。肠风泻血。通身挛急。肢节引痛。  
畏（牛乳）

<目录>温性药品

<篇名>槟榔

内容：**【气味】**

苦辛温涩无毒。沉而降。阴中阳也。

**【主治】**

消谷逐水。除痰。逐三尸寸白。治腹胀。利水道。疗泻痢后重心腹诸痛。大小便闭。御瘴疠。大抵苦以破滞。辛以散邪。槟榔能泻胸中至高之气使之下行。如铁石之沉重。能

坠诸药至于下极。故治诸气后重如神也。岭表之俗。多食槟榔。取其能祛瘴疠。但有瘴则宜服之。南方人亦相习而食。宁不损正气而有开门延寇之祸乎。凡入药亦宜慎重。不可僭用。

<目录>温性药品

<篇名>杜仲

内容：（凡用削去粗皮。用酥油和蜜涂炙。细锉用。）

**【气味】**

辛平无毒。沉而降。阴也。

**【主治】**

腰膝痛。益精气。坚筋骨。除阴下痒湿。小便余沥。脚心酸痛。不欲践地。润肝燥。补肝经风虚。盖肝主筋。肾主骨。肾充则骨强。肝充则筋健。屈伸利用。皆属于筋。杜仲色紫而润。味甘微辛。甘温则能补。微辛则能润。故能入肝而补肾。子能令母实也。

恶（玄参）

<目录>温性药品

<篇名>姜黄

内容：**【气味】**

辛苦大寒无毒。入心治血兼入脾。

**【主治】**

祛症瘕血块痲肿。通月经消肿毒。五痹汤用之以治风寒湿气手臂痛。此又兼理血中之气也。

<目录>温性药品

<篇名>石钟乳

内容:【气味】

甘温无毒。又曰有大毒。

【主治】

乃阳明经气分之药。但石钟乳为剽悍之剂。内经云。石药之气悍。仁哉言也。凡药气之偏者。可用于暂。而不可久。夫石药又偏之甚者也。自唐时太平日久。膏粱之家。惑于方士服食致长生之说。以石药体浓气浓。习以成俗。迨宋至今犹未已也。斯民何辜。受此气悍之祸。而莫之能救。哀哉。本草赞其久服延年之功。柳子浓又从而述美之。予不得不深言也。

<目录>温性药品

<篇名>青盐

内容:【气味】

咸寒无毒。

【主治】

明目。目痛。益气。坚肌骨。去毒蛊。其功在却血入肾。治目中瘀赤色昏愤。助水脏。益精气。疗齿舌血出。秘精固齿。功同食盐。不经煎炼而味咸带甘。入药似胜。

<目录>温性药品

<篇名>赤石脂

内容:【气味】

甘酸辛大温无毒。降也。阳中阴也。

【主治】

养心气。明目益精。疗腹痛肠癖下痢赤白。小便利。及痈疽疮痔女子崩中漏下。产难

胞衣不出。久服补髓好颜色。益智不饥。轻身延年。补五脏虚乏。补心血。生肌肉。浓肠胃。除水湿。收脱肛。

<目录>温性药品

<篇名>白石脂

内容:【气味】

甘酸平无毒。

【主治】

养肺气。浓肠。补骨髓。疗五脏惊悸不足。心下烦。止腹痛。下水。小肠热溲便脓血。女子崩中漏下赤白沃。排痈疽疮痔。久服安心不饥。轻身延年。涩大肠。五色石脂本

经疗体亦相似。别录分条具载。今俗惟用赤白二脂断下痢耳。其用有三。固肠胃有收敛之能。下胎衣无推荡之峻。涩可去脱。石脂为收敛之剂。赤入丙。白入庚。二石脂皆手足阳明药也。其味甘。其气温。其体重。其性涩。涩而重。故能收湿止血而固下。甘而温。故能益气生肌而调中。中者肠胃肌肉惊悸黄胆是也。下者肠泄痢崩带失精是也。五种主疗。大抵相同。故本经不分条目。但云各随五色补五脏。别录虽分五种。而性味主治。亦不甚相远。但以五味配五色为异。亦是强分耳。赤白二种。一入气分。一入血分。故时用上之。张仲景用桃仁汤。治下痢便脓血。取赤石脂之重涩。入下焦血分而固脱。干姜之辛温暖下焦气分而补虚。粳米之甘温。佐石脂干姜而润肠胃也。

赤畏（芫花） 恶（大黄 松脂） 白畏（黄芩 甘草 黄连） 恶（松脂）

<目录>温性药品

<篇名>阳起石

内容：（凡入药烧后水用之。凝白者佳。亦有用烧酒浸过。同樟脑入罐升炼取粉用者。）

【气味】

咸微温无毒。

【主治】

男子妇人下部虚冷。肾气乏绝。子脏久寒。右肾命门气分药也。下焦虚寒者宜用之。须水飞用之。凡石药冷热皆有有毒。务宜斟酌。即用亦非久服之药。

<目录>温性药品

<篇名>紫菀

内容：（凡使先去须。有白如练色者。号白羊须草。自然不同。去头及土用。东流水洗净。以蜜浸一宿。至明拴火上焙干用。一两用蜜二分。）

【气味】

苦温无毒。

【主治】

咳逆上气。胸中寒热结气。至虫毒痿。安五脏。疗咳吐脓血。止喘悸五劳体虚。补不足。小儿惊痫。治尸疰。补虚下气。劳气虚热。百邪鬼魅。调中消痰。止渴润肌肤。添骨髓。益脉气。主息贲。

恶（天雄 瞿麦 本 雷丸 远志） 畏（茵陈）

<目录>温性药品

<篇名>苍耳子

内容：（入药炒熟捣去刺用。或酒拌蒸过用。）

【气味】

甘温有小毒。又曰甘无毒。

**【主治】**

风头寒痛。风湿周痹。四肢拘挛痛。恶肉死肌。膝痛。久服益气。治肝热明目。治一切风气。填髓。暖腰脚。治瘰 疮疥及瘙痒。炒香浸酒服。去风补益。

忌（猪肉 马肉 米泔害人）

<目录>温性药品

<篇名>刘寄奴

内容：（凡采得去茎叶只用实。以布拭去薄壳令净。拌酒蒸从巳至申。曝干用。）

**【气味】**

苦温无毒。

**【主治】**

破血下胀。多服令人下痢。下血止痛。治产后余疾。止金疮血极效。心腹痛。下气。水胀血气。通妇人经脉症结。止霍乱水泻。小儿尿血。新者研末服。

<目录>温性药品

<篇名>豆蔻

内容：（即草果。）

**【气味】**

辛温涩无毒。又大辛热。阳也。浮也。入足太阴阳明经。

**【主治】**

温中。心腹痛呕吐。去口臭气。下气。止霍乱一切冷气。消酒毒。调中补胃。健脾消食。去客寒心与胃痛。治瘴疠寒症。伤暑吐下。泄痢。噎膈。反胃。痞满。吐酸痰饮积聚。妇人恶阻带下。除寒燥湿。开郁破气。杀鱼肉毒。制丹砂。然豆蔻治病。取其辛热浮散。能入太阴阳明。除寒燥湿。开郁化食之力而已。南地卑下。山岚烟瘴。饮啖酸咸。脾胃常多寒湿郁滞之病。故食料必用与之相宜。然过多亦能助脾热伤肺损目。或云与知母同用。治瘴疠寒热。取其一阴一阳无偏胜之害。盖草果治太阴独胜之寒。知母治阳明独胜之火。

<目录>温性药品

<篇名>款冬花

内容：**【气味】**

辛温无毒。

**【主治】**

咳逆上气。善喘喉痹。诸惊痫寒邪邪气。消渴喘息呼吸。疗肺气心促急热劳咳连连不绝。涕唾稠粘。肺痿肺痛吐脓血。润心肺。益五脏。除烦消痰。洗肝明目。及中风等疾。本经主咳。古方用为温肺治嗽之最。

恶（皂荚 硝石 玄参） 畏（贝母 辛夷 麻黄 黄芩 连翘 青葙）

<目录>温性药品

<篇名>本

内容:【气味】

辛温无毒。气浓味薄。升也阳也。足太阳本经药。

【主治】

妇人疝瘕。阴中寒肿痛。腹中急。除风头痛。长肌肤。悦颜色。辟雾露。润泽。疗风邪 曳金疮。可作沐药面脂。治一百六十种恶风鬼疰。流入腰痛冷。能化小便。通血。去头风。治皮肤疵 酒 粉刺痼疾。治太阳头痛巅顶痛。大寒犯脑。痛连齿颊。头面身体皮肤风湿。督脉为病。脊强而厥。治痲疽。排脓。内塞。夫 本乃太阳经风药。其气雄壮。寒气郁于本经头痛必用之药。颠顶痛非此不能除。与木香同用。治雾露之清邪中于上焦。与白芷同作面脂。既治风又治湿。亦各从其类也。

恶（茹） 畏（青箱子）

<目录>温性药品

<篇名>补骨脂

内容:（俗名为破故纸。）

【气味】

辛大温无毒。

【主治】

五癆七伤。男子腰疼。时冷。妇人血气。堕胎。兴阳事。明耳目。治肾泄。通命门。敛精神。其性属火。收敛神明。能使心胞络之火。与命门之火相通。故元阳坚固。骨髓充实。涩以治脱之义也。然又言故纸能补脾者。非补脾也。凡人肾气虚弱。则阳气衰劣。不能熏蒸脾胃。脾胃气寒。则令人胸膈痞塞。不进饮食。迟于运化。遂或腹胁虚胀。或呕吐痰涎。或肠鸣泄泻。譬如鼎釜之物。若无火力。虽终日不熟。济生二神丸。治脾胃虚寒。用破故纸补肾。肉豆蔻补脾。脾肾互交。故纸补肾即所以补脾也。

<目录>温性药品

<篇名>忍冬

内容:（即金银花。）

【气味】

甘温无毒。

【主治】

止气下 热毒血痢水泄。一切风湿气。及诸肿毒痲疽疥癬杨梅。茎叶及花功用皆同。昔人称其治风湿胀。解痢逐尸为要药。而后世不复知用。后世称其消肿散毒治疮为要药。

而昔人并未言及。古今之理。固不一辙。而推究各极其妙。古今之揆一也。

<目录>温性药品

<篇名>使君子

内容:【气味】

甘温无毒。

【主治】

小儿五疳小便白浊。杀虫。疗泻痢。健脾胃。除虚热。诸药杀虫者。多是辛苦。唯使君子榧子甘而杀虫。俗谓杀虫殆尽无消食。孰知树有蠹。屋有蚁。国有盗。福耶祸耶。(服之忌饮热茶。)

<目录>温性药品

<篇名>五倍子

内容:【气味】

酸咸平无毒。乃虫食之津液结成者。其味酸咸。

【主治】

能敛肺止血。化痰止渴收汗。其气寒。能散热毒疮肿。其性收。能除泄痢湿烂。凡黄昏咳嗽。乃火气浮入肺中。不宜用凉剂。唯五味五倍能敛而降之也。百药煎其功与五倍子不异。但经酿过。其体轻虚。其性浮收。且味带余甘。治上焦心肺咳嗽痰饮热渴诸病。

<目录>温性药品

<篇名>诃子

内容:(梵言诃黎勒。凡用以酒浸后蒸一伏时。刀削去皮。取肉锉焙。用核则去肉。)

【气味】

苦温无毒。又苦酸平苦重酸轻味浓。阴也降也。

【主治】

冷气心腹胀满。下食。破胸膈结气。通利津液。止水道。黑髭发。下宿物。止肠久泄。赤白痢。消痰下气。化食开胃除烦。治水调中。止呕吐霍乱。心腹虚痛。奔豚肾气。肺气喘急。五膈气。肠风泻血。崩中带下。怀孕漏胎。及胎动欲生。胀闷气喘。并患痢人肛门急痛。产妇阴痛。和蜡烧烟熏之及煎汤熏洗。治痰嗽咽喉不利。含三数枚殊胜。实大肠。敛肺降火。诃子同乌枚五倍子用则收敛。同橘皮浓朴用则下气。同人参用则能补肺治咳嗽。东垣云。嗽药不用者非矣。但咳嗽未久者不可骤用。

<目录>温性药品

<篇名>芫花

内容：【气味】

苦温有大毒。

【主治】

凡人饮有五。症由内啜水浆。外受湿气。郁蓄而为留饮。流于肺则为支饮。令人喘咳寒热。吐沫背寒。流于肝则为悬饮。令人咳唾痛引缺盆两胁。流于心下则为伏饮。令人胸满呕吐。寒热眩晕。流于肠胃则为痰饮。令人腹鸣吐水。胸胁支满。或作泄泻。忽肥忽瘦。流于经络则为溢饮。令人沉重注痛。或作水气臃肿。芫花之性。逐水泄湿。能直达水饮窠囊隐僻之处。经所谓开鬼门洁净府之法也。但其性甚猛捷。不可轻用损人真元也。

<目录>温性药品

<篇名>益母草

内容：（根茎花叶。）

【气味】

微苦甘。俱可入药同用。白花者入气分。紫花者入血分。

【主治】

明目益精。调经益产。肿毒疮疡。胎漏产难。胎衣不下。但根茎花叶专于行血。而子则行中有补也。

<目录>温性药品

<篇名>紫石英

内容：（凡入丸散用火醋淬七次。碾末。水飞过。晒干入药。）

【气味】

甘温无毒。入手少阴足厥阴血分药也。

【主治】

心腹咳逆邪气。补不足。女子风寒在子宫绝孕。十年无子。久服温中。轻身延年。疗上气心腹痛。寒热邪气结气。补心气不足。定惊悸。安魂魄。填下焦。止消渴。除胃中久寒。散痈肿。令人悦泽。养肺气。治惊痫蚀脓。紫石英上能镇心重以去怯也。下能益肝。湿以去枯也。心生血。肝藏血。其性暖而补。故心神不安。肝血不足。及女子血海虚寒不孕者宜之。别录言其补心气。甄权言其养肺者。殊昧气阳血阴营卫之别。惟本经所言诸证甚得此理。

畏（扁青 附子） 恶（甲 黄连）

<目录>温性药品

<篇名>橘核仁

内容：（凡用须以新瓦焙香。去壳取仁。研碎入药。）

【气味】

苦平无毒。

**【主治】**

橘核入足厥阴与青皮同功。故治腰痛溃疝在下之病。不独取象于核。和济局方。治诸疝痛及内溃卵肿偏坠。或硬如石。或肿至溃。有橘核丸用之有效。

<目录>温性药品

<篇名>金樱子

内容：**【气味】**

咸涩平无毒。

**【主治】**

脾泄下痢。止小便利。涩精气。久服令人耐寒轻身。又止遗泄。取其温且涩也。世人待红熟时。取汁熬膏。味甘全断涩味。都全失本性。大误也。惟当取半黄者。干捣末用之。若无故而服之以取快欲则不可。若精气不固者。服之何咎之有。

<目录>温性药品

<篇名>大蓟根

内容：**【气味】**

甘温无毒。又曰有毒。

**【主治】**

女子赤白沃。安胎。止吐血鼻衄。令人肥健。捣根绞汁服半升。主崩中血下立瘥。叶治肠痛腹脏瘀血。作运扑损。生研酒并小便任服。又恶疮疥癣同盐研之。

<目录>温性药品

<篇名>小蓟根

内容：**【气味】**

甘温无毒。

**【主治】**

养精保血。破宿血。生新血。暴下血血崩。金疮出血呕血等。绞取汁温服。作煎和糖。合金疮及蜘蛛蛇蝎毒。服之亦佳。治热毒风并胸膈烦闷。开胃下食。退热补虚损。苗去烦热。生研汁服。作菜食除风热。夏月热烦不止。捣汁半升服之瘥。小蓟力微。只可退热。不似大蓟能健养下气也。大小蓟皆能破血。但大蓟兼疗痈肿。而小蓟专主血。不能消肿也。

<目录>温性药品

<篇名>莪术

内容：（酒醋浸过。面包煨熟用良。）

**【气味】**

辛温无毒。其色黑。能破气中之血。入气药中发诸香。

**【主治】**

虽为泄剂。亦能益气。所以大小七香丸集香丸散。皆因之以治气短不相接续也。

<目录>温性药品

<篇名>狗脊

内容：**【气味】**

苦平无毒。

**【主治】**

腰脊强。关机缓急周痹。寒湿膝痛。颇利老人。疔失溺不节。男女脚弱腰痛。风邪淋露。少气目暗。竖脊利俯仰。女子伤中关节重。男子女人毒风软脚。肾气虚弱。续筋骨。补益男子。强肝肾。治风虚。

<目录>温性药品

<篇名>蠹实

内容：（即马蔺子。凡入药。炒过用。治疔则以醋拌炒之。）

**【气味】**

甘平无毒。

**【主治】**

皮肤寒热。胃中热气。风寒湿痹坚筋骨。令人嗜食。久服轻身。止心烦满。利大小便。长肌肤肥大。疔金疮血内流痛肿有效。妇人血气烦闷。产后血晕。并经脉不止。崩中带下。消一切疮疖。止鼻衄吐血。通小肠。消酒毒。治黄病。杀蕈毒。敷蛇虫咬。治小腹疝痛。腹内冷积水痢诸病。

**【花实及根叶】**

**【主治】**

去白虫。疔喉痹。多服令人溏泄。主疔疽恶疮。

<目录>温性药品

<篇名>海带

内容：**【气味】**

寒咸无毒。

**【主治】**

妇人病及疔风下水。亦可催生。治瘰疬结核功同海藻。

<目录>温性药品

<篇名>晚蚕砂

内容：（晒干淘净再晒。可久收不坏。）

**【气味】**

甘辛温无毒。

**【主治】**

肠鸣。热中消渴。风痹瘾疹。炒黄袋盛浸酒。去风缓诸节不随。皮肤顽痹。冷血瘀血。腰脚冷疼。及妇人血崩头风风赤眼。去风除湿。盖蚕属火。其性燥。燥能胜风去湿。故主疗风湿之病也。

<目录>温性药品

<篇名>全蝎

内容：**【气味】**

甘辛平有毒。

**【主治】**

蝎产于东方。色青属木。足厥阴经药也。故治厥阴诸病。诸风掉眩。搐掣疟疾。寒热耳聋无闻。皆属厥阴风木。故东垣云。凡疝气带下。皆属于风。蝎乃活风要药。俱宜加而用之。

<目录>温性药品

<篇名>郁李仁

内容：（先以汤浸去皮尖用。生蜜浸一宿。漉出阴干。研如膏用之。）

**【气味】**

酸平无毒。阴中之阳。脾经气分药也。

**【主治】**

大腹水肿。面目四肢浮肿。利小便水道。肠中结气。关格不通。泄五脏膀胱急痛。宣腰胯冷脓。消宿食。下气破癖气。下四肢水。酒服四十九粒。能泻结气。破血润燥。专治大肠气滞燥涩不通。研和龙脑点赤眼。盖郁李仁又甘苦而润。其性降。故能下气利水。

<目录>温性药品

<篇名>麦

内容：（一名麦芽。）

**【气味】**

咸温无毒。

**【主治】**

消食和中。破冷气。去心腹胀满。开胃。止霍乱。除烦闷。消痰饮。破症结。能催生落胎。补脾胃虚。宽肠下气。腹鸣者用之。麦 谷芽粟 皆能消化一切米面诸果食积。其麦芽神曲二药。胃气虚人宜服之。以代戊己腐熟水谷。豆蔻缩砂乌梅木瓜芍药五味子为之使

。但有积者能消化。无积而久服。则消人元气也。不可不知。若久服者。须同白术诸药兼用。则无害矣。

<目录>温性药品

<篇名>谷

内容：（一名谷芽。）

**【气味】**

甘温无毒。

**【主治】**

快脾开胃。下气和中。消食化积。

<目录>温性药品

<篇名>蜈蚣

内容：（采得真者。去头足并尾。以薄荷叶包。火煨用之。犯蜈蚣毒。以乌鸡粪或大蒜涂之立效。或以火气熏之亦效。或以蜘蛛吸之亦效。或以蛭螭捣敷之亦效。）

**【气味】**

辛温有毒。

**【主治】**

蛊毒。啖诸蛇虫鱼毒。疗心腹寒热积聚。治症癖。小儿惊痫脐风口噤。丹毒秃疮瘰。盖行而疾者。唯风与蛇。蜈蚣能制蛇。故亦能截风。盖厥阴经药也。故所主诸症多属厥阴。凡用取身扁而长。黑头赤足者为良。千足虫与蜈蚣相似。但头上有白肉。面并嘴俱尖。若误用并犯其腥臭气。入脑致死。不可不慎。重选择之。

<目录>温性药品

<篇名>炉甘石

内容：（此物点化为神药绝妙。九天三清俱尊之曰炉先生。非小药也。凡用以炭火红。童子小便淬七次。水洗净。研粉水飞过晒用。）

**【气味】**

甘温无毒。

**【主治】**

止血消肿毒。生肌明目。去翳退赤。收湿除烂。同龙脑点治目中一切诸病。炉甘石阳明经药也。受金银之气。故治目病为要药。

<目录>温性药品

<篇名>阳起石

内容：（凡入药烧后水用之。凝白者佳。又用火中赤。酒淬七次。研细水飞过日干。亦

有用烧酒浸过。同樟脑入罐升炼取粉用者。)

**【气味】**

咸微温无毒。

**【主治】**

崩中漏下。破子脏中血症瘀结气。寒热腹痛。无子。阴痿不起。补不足。疗男子茎头寒。阴下湿痒。去臭汗。消水肿。久服不饥。令人有子。补肾气。精乏腰疼。膝冷湿痹。子宫久冷。冷症寒痼。止月水不定。治带下温疫冷气。补五劳七伤。补命门不足。散诸热肿。

<目录>温性药品

<篇名>桃花石

内容：(出申州钟山县。似赤石脂。但舐之不着舌者是也。)

**【气味】**

甘温无毒。

**【主治】**

大肠中冷脓血痢。久服令人肥悦能食。

<目录>温性药品

<篇名>麦饭石

内容：(此石碎如棋子。炭火烧赤。投米醋中浸之。如此十次。研末筛细。入乳钵内用数入更碾五七日。要细腻如面极细方有效。若不细。涂之即极痛也。)

**【气味】**

甘温无毒。

**【主治】**

一切痈疽发背。

<目录>温性药品

<篇名>玄精石

内容：**【气味】**

咸温无毒。

**【主治】**

玄精石禀太阴之精。与盐同性。其气寒而不温。其味甘咸而降。同硫黄硝石。治上盛下虚。救阴助阳。有扶危拯逆之功。故铁瓮申先生来复丹用之。正取其寒以配硝硫之热。开宝本草。言其性温误矣。故古方不见用。近世补药及伤寒多用之。其着者治伤寒正阳丹出汗也。

<目录>温性药品

<篇名>硼砂

内容：【气味】

苦辛暖无毒。

【主治】

硼砂味甘微咸而气凉。色白而质轻。故能去胸膈上焦之热。素问云。热淫于内。治以咸寒。以甘缓之是也。其性能柔五金而去垢腻。故治噎膈积聚骨硬结核恶肉阴溃用之者。取其柔物也。治痰热眼目障翳用之者。取其去垢也。

<目录>温性药品

<篇名>玄明粉

内容：【气味】

辛甘无毒。沉也阴也。

【主治】

心热烦躁。并五脏宿滞症结。明目。退膈上虚热。消肿毒。大抵玄明粉其用有二。去胃中之实热。荡肠中之宿垢。用此以代盆硝耳。神农本草言朴硝炼饵服之。轻身神仙。玄明传云。阴中有阳。能除一百二十种疾。盖因方士窜入之言。后人因此制为玄明粉。炼多偏。佐以甘草。去其咸寒之毒。遇有三焦肠胃实热积滞。少年气壮者。量与服之。亦有速效。若脾胃虚冷。及阴虚火动者。服之是速其咎矣。

<目录>温性药品

<篇名>蟾酥

内容：【气味】

甘辛温微毒。即蟾蜍眉间之白汁也。以油单纸裹眉裂之。酥出纸上。阴干用。真者轻浮。入口味甜。其汁不可入人目。令人赤肿目盲。急以紫草汁洗点即消。

【主治】

小儿疳积脑疳。治腰肾冷。并助阳气及疗虫牙齿缝出血。拔发背疔疮一切恶肿。

<目录>温性药品

<篇名>石硫黄

内容：【气味】

酸温有毒。

【主治】

古方未有服饵硫黄者。本经所用。只于治疮蚀。攻积聚冷气脚弱等。而近世遂火炼治为常服丸散。观其冶炼服食之法。殊无本源。非若乳石之有论议节度。故服之其效虽紧。而其患更速。可不戒之。土硫黄辛热腥臭。只可治疥杀虫。不可服。

<目录>温性药品

<篇名>长松根

内容:【气味】

甘温无毒。

【主治】

风血冷气宿疾。温中去风。治大风恶疾。眉发堕落。百骸腐溃。每以一两入甘草少许。水煎服旬日即愈。又解诸虫毒。补益长年。

<目录>温性药品

<篇名>白头翁

内容: (一名野丈人。花子茎叶同。)

【气味】

苦温无毒。气浓味薄。可升可降。阴中阳也。

【主治】

温疟狂。寒热症瘕积聚瘕气。逐血止腹痛。疗金疮鼻衄。止毒痢赤痢。腹痛。百节骨痛。项下瘤。一切风气。暖腰膝。明目消赘。

<目录>温性药品

<篇名>山慈菇

内容:【气味】

甘微辛有小毒。

【主治】

痈肿疮 瘰 结核等。醋磨敷之。亦剥人面皮。除。主疗肿。攻毒。破皮。解诸毒蛊毒蛇虫狂犬咬。

<目录>温性药品

<篇名>石蒜

内容: (一名一枝箭。蒜以根状名。箭以茎状名。又曰金灯花根。)

【气味】

辛甘有小毒。

【主治】

敷贴肿毒。疗疮恶核。可水煎服取汗及捣敷之。及中溪毒者。酒煎半升服。取吐良。

<目录>温性药品

<篇名>杜衡

内容：（即土细辛。）

【气味】

辛温无毒。

【主治】

风寒咳逆。作浴汤香人衣体。止气奔喘促。消痰饮。破留血项间癭瘤之疾。下气杀虫。古方吐药往往用杜衡者。非杜衡也。乃及已也。及已似细辛而有毒吐人。昔人多以及已当杜衡。杜衡当细辛。故尔错误也。杜衡则无毒不吐人。功虽不及细辛。而亦能散风寒。下气消痰行水破血也。

<目录>温性药品

<篇名>三七根

内容：（一名金不换。）

【气味】

甘微苦温无毒。

【主治】

止血散血定痛。金刃箭伤跌扑杖疮血出不止者。嚼烂涂或为末掺之。其血即止。亦主吐血衄血。下血血痢。崩中经水不止。产后恶血不下。血晕血痛。赤目痛肿。虎咬蛇伤诸病。此药近时始出。南人军中用为金疮要药。云有奇功。又云凡杖扑伤损瘀血淋漓者。随即嚼烂罨之即止。青肿者即消散。若受杖时。先服一二钱。则血不冲心。杖后尤宜服之。产后服亦良。大抵此药气温味甘微苦。乃阳明厥阴血分之药。故能治一切血病。与驩 竭紫 相同。

<目录>温性药品

<篇名>列当

内容：（一名草苳蓉根。与肉苳蓉极相类。刮去花。压扁以代肉者。功力殊劣。即列当。）

【气味】

甘温无毒。

【主治】

男子五劳七伤。补腰肾。令人有子。去风血。煮酒浸酒服之。

<目录>温性药品

<篇名>藜蘼

内容：（一名蘼 。其叶似当归。其香似白 。故有蘼 江藜之名。藜草生江中。故又曰江藜。）

【气味】

辛温无毒。

**【主治】**

咳逆。定惊气。辟邪恶。除蛊毒鬼疰。去三虫。久服通神。主身中老风。头中久风。风眩。作饮止泄泻。

**【花】【主治】**

入面脂用。

<目录>温性药品

<篇名>藿香叶

内容：**【气味】**

辛微温无毒。浮而升。阳也。可升可降。入手足太阴经。

**【主治】**

风水毒肿。去恶气。止霍乱心腹痛。脾胃吐逆为要药。助胃气。开胃口。进饮食。温中快气。肺虚有寒。上焦壅热。饮酒口臭煎汤漱。芳香之气助脾胃。故藿香能止呕逆进饮食。乃手足太阴之药。故入顺气乌药散则补肺。入黄 四君子汤则补脾也。

<目录>温性药品

<篇名>山柰根

内容：**【气味】**

辛温无毒。

**【主治】**

暖中。辟瘴疠恶气。治心腹冷气痛。寒湿霍乱。风虫牙痛。入合诸香用。

<目录>温性药品

<篇名>排草香

内容：**【气味】**

辛温无毒。

**【主治】**

辟臭。去邪恶气。

<目录>温性药品

<篇名>野菊

内容：（一名苦蕒。生泽畔。茎如马兰。花如菊。菊甘而蕒苦。处处原野极多。与菊无异。但叶薄而尖。多花小而蕊多如蜂巢状。）

**【根叶茎花】【气味】**

苦辛温有小毒。

**【主治】**

痈肿疔毒瘰 眼息。

<目录>温性药品

<篇名>泽兰

内容：（凡用大小泽兰。细锉。以绢袋盛悬于屋南畔角上令干用。）

**【气味】**

苦微温无毒。

**【主治】**

金疮痈肿疮脓。兰草泽兰气。香而温。味辛而散。阴中之阳。足太阴厥阴经药也。

脾喜芳香。肝宜辛散。脾气舒。则三焦通利而正气和。肝郁散。则荣卫流行而病邪解。兰草走气道。故能利水道。除痰癖。杀蛊辟恶。而为消渴良药。泽兰走血分。故能治水肿。涂痈毒。破瘀血。消症瘕。而为妇人要药。虽是一类。而功用稍殊。正如赤白茯苓芍药补泻皆不同也。

<目录>温性药品

<篇名>水苏

内容：（一名龙脑薄荷。）

**【茎叶】【气味】**

辛微温无毒。

**【主治】**

水苏之功。专于理血下气。清肺辟恶消谷。故太平和济局方。治吐血衄血唾血咳血下血血淋口臭口苦口甜喉腥邪热诸病。有龙脑薄荷丸。方药多不录。用治血病果有殊效。

<目录>温性药品

<篇名>由跋

内容：（是虎掌新根。大干半夏一二倍。四畔未有子牙。其宿根即虎掌也。）

**【气味】**

辛苦温有毒。

**【主治】**

毒肿结热。

<目录>温性药品

<篇名>凤仙

内容：（一名急性子。）

**【子】【气味】**

微苦温有小毒。

**【主治】**

产难积块噎膈。下骨哽。透骨通窍。凤仙子其性急速。故能透骨软坚。庖人烹鱼肉。硬者投数粒即易软烂。是其验也。缘其透骨。最能损齿。与玉簪根同。凡服者不可着齿。多用亦戟人咽。

<目录>温性药品

<篇名>木藜芦

内容：**【气味】**

苦平温有毒。

**【主治】**

疥癣杀虫。

<目录>温性药品

<篇名>木鳖子仁

内容：**【气味】**

甘温无毒。

**【主治】**

折伤。消结肿恶疮。生肌止腰痛。除粉刺。妇人乳痛。肛门肿痛。醋磨消肿毒。治疔积痞块。利大肠泻痢痔瘤瘰。

<目录>温性药品

<篇名>降真香

内容：**【气味】**

辛温无毒。

**【主治】**

烧之辟天行时气宅舍怪异。小儿带之。辟邪恶气。疗折伤金疮。止血定痛。消肿生肌。

<目录>温性药品

<篇名>樟脑

内容：（释名韶脑。）

**【气味】**

辛热无毒。

**【主治】**

通关窍。利滞气。治中恶邪气。霍乱心腹痛。寒湿香港脚。疥癣风瘙龋齿。杀虫辟毒

。着鞋中去香港脚。盖樟脑纯阳。与焰硝同性。水中生火。其焰益炽。今丹炉及烟火家多用之

。辛热香窜。禀龙火之气。去湿杀虫。此其所长。故烧烟熏衣筐席篔。能辟壁虱虫蛀。

<目录>温性药品

<篇名>阿芙蓉

内容：（俗作鸦片。）

**【气味】**

酸涩温微毒。

**【主治】**

泻痢脱肛不止。能涩丈夫精气。今人房中术用之。京师售一粒金丹。云通治百病。

皆方伎家之术耳。

<目录>温性药品

<篇名>曲

内容：**【小麦曲】****【气味】**

甘温无毒。

**【主治】**

消谷止痢。平胃气。消食痔。治小儿食痢。调中下气。开胃。疗脏腑中风寒。主霍乱心膈气痰逆。除烦破症结。补虚去冷气。除肠胃中塞不下食。令人有颜色。落胎并下鬼胎。止河鱼之疾。

**【大麦曲】****【气味】**

同前。

**【主治】**

消食和中。下生胎。破血。取五升。以水一斗煮三沸。分五服。其子如糜。令母肥盛。

**【面曲米曲】****【气味】**

同前。

**【主治】**

消食积酒积糯米积。研末酒服立愈。余功同小麦曲。

<目录>温性药品

<篇名>饴糖

内容：（释名饴音徐。糖之清者曰饴。稠者曰饧。色紫类琥珀者。方中谓之胶饴。干枯者名饧。方家用饴。乃云胶饴。是湿糖如浓蜜者。其宁结及牵白者饧糖不入药用。）

**【气味】**

甘大温无毒入太阴经。

**【主治】**

补虚乏。止渴去血。补虚冷。益气力。止肠鸣咽痛。治吐血。消痰润肺止嗽。健脾胃。补中。打损瘀血者熬焦酒服能下恶血。又伤寒大毒嗽。于蔓菁薤汁中煮一沸。顿服之良。  
脾弱不思食人。少用能和胃气。亦用和药。解附子草为头毒。古方建中汤多用之。糖与酒皆用米。而饴居上品。酒居中品。是糖以和润为优。酒以醺乱为劣。脾欲缓。急食甘以缓之。饴之甘以缓中也。饴乃脾经气分药也。甘能补脾之不足。

<目录>温性药品

<篇名>血余

内容：（头上曰发。属足少阴阳明。耳前曰鬓。属手足少阳。目上曰眉。属手足阳明。唇上曰髭。属手阳明。颔下曰须。属足少阴阳明。两颊曰髯。属足少阳。其经气血盛则美而长。气多血少则美而短。气少血多。则少而恶。气血俱少。则其处不生。气血俱热。则黄而赤。气血俱衰。则白而落。

**【气味】**

苦微温无毒。

**【主治】**

咳嗽五淋大小便不通。小儿惊痫。止血。鼻衄烧灰吹之立已。烧灰疗转胞小便不通。赤白痢。哽噎。痈肿。疗肿骨疽杂疮。消瘀血。补阴甚捷。发乃血余。故能治血病。补阴。疗惊痫。去心窍之血。

<目录>平性药品

<篇名>天麻

内容：**【气味】**

辛温无毒。乃肝经气分之药。阴中之阳也。

**【主治】**

风痰眩晕头痛。疗小儿风痫惊悸。麻痹不仁。

<目录>平性药品

<篇名>草决明

内容：**【气味】**

咸平无毒。

**【主治】**

青盲目淫。赤白膜翳。助肝益精。解蛇毒。止鼻红。作枕治头风。利五脏。

石斛

**【气味】**

甘平无毒。短而中实如金钗者良。阴中之阳。降也。乃足太阴脾足少阴右肾之药。

**【主治】**

强阴益精。浓肠胃。男子腰脚软弱。发热自汗。痈疽排脓内塞。胃中虚热。清肺补脾。尤有殊功。

<目录>平性药品

<篇名>朱砂

内容：**【气味】**

甘微寒无毒。

**【主治】**

镇心安魂魄。通神明。主尸疰抽风。解惊痫胎毒痘毒。盖朱砂生于炎方。秉离火之气而成。体阳而性阴。故外显丹色。内含真汞。其气不热而寒。离中有阴也。其味不苦而甘。火中有土也。故可以养心。可以明目。可以安胎。可以解毒。可以发汗。随佐使而见功。无所往而不可。若有人自觉本形忽若为二。并行并卧不辨真假者。魂离魄也。用辰砂为君。人参茯苓为佐。浓煎日饮。则真者气爽。假者自化。又或夜多恶梦。通宵不寐。佩之以箭簇辰砂。神魂安静。此皆辟恶安魂之验也。但宜生使。若炼服。恐窜入经络骨髓。流而为痈瘤疽毒也。又小儿初生。以朱砂轻粉白蜜黄连之属。欲下胎毒。不知轻粉下痰损心。朱砂下涎损神。儿实者服之软弱。弱者服之易伤变生诸病也。

<目录>平性药品

<篇名>木贼草

内容：**【气味】**

甘微苦无毒。空而轻。阳中之阴。升也浮也。

**【主治】**

目疾。退翳膜。益肝胆。解肌止泪。与麻黄同形同性。亦能散火郁风湿而发汗。

<目录>平性药品

<篇名>覆盆子

内容：**【气味】**

甘平无毒。

**【主治】**

益气轻身。补虚续绝。养肝明目。阴痿能令坚长。女子食之有子。其补益与桑椹同功。

<目录>平性药品

<篇名>牛膝

内容:【气味】

苦酸平无毒。乃足厥阴少阴所主之药。

【主治】

寒湿痿痹。四肢拘挛膝痛不可屈伸。堕胎。男子阴消。老人失溺。妇人月水不通。

补肾填精。逐恶血留结。助十二经脉。壮阳道。大抵得酒则能补肾肝。生用则能去恶血。最能引诸药下至于足。又云春夏用茎叶。秋冬用根。而叶汁之效尤速。

<目录>平性药品

<篇名>龙骨

内容:【气味】

甘平无毒。阳中之阴。入手足少阴厥阴经。

【主治】

益肾镇惊。止阴症。收湿气。疗多寐泄精。小便自泄。生肌敛疮。盖涩可去脱。龙骨能收敛浮越之正气。固大肠而镇惊。又主带脉为病。

<目录>平性药品

<篇名>人参

内容:【气味】

甘微寒无毒。浮而升阳也。入手太阴经而能补阴火。用本脏药相佐使。随所引而相补一脏入脾亦归其所喜。

【主治】

止渴生津液。安精神。定魂魄。止惊悸。安胃和中。除邪气霍乱吐逆。止消渴。通血脉。得升麻为引。用补上焦之元气。泻肺中之火。得茯苓为引用。补下焦之元气。泻肾中之火。得麦门冬则生脉。得干姜则补气。凡人面白面黄面青黧悴者。皆脾肺肾气不足可用也。面赤面黑者。为气壮神强。不可用也。脉之浮而芤濡虚大迟缓无力。沉而迟涩弱细结代无力者。皆虚而不足可用也。脉弦长紧实滑数有力者。皆火郁内实不可用也。喘嗽勿用者。谓痰实气壅。不可用之以益其实也。若肾虚气短而促者急用之。肺寒而咳。则寒束热邪。壅滞在肺。固宜禁用。若自汗恶寒而咳。中气不调急用之。久病而郁热在肺。则火抑于内。宜发不宜补。忌用之。若肺虚火旺。气短自汗。非人参为之君。何以补肺之阳。泻肺之阴。诸痛不可骤用者。乃邪气方锐。宜散而不宜补也。若里虚吐利。及久病胃弱虚痛喜按者。非人参为之君。何以升中气之阳。降中气之阴。故古人治肺寒以温肺汤。治肺热以清肺汤。治中满以分消汤。合血虚以养荣汤。皆有人参在焉。所谓邪之所踬。其气必虚。养正则邪自除。阳旺则阴血生。至理所在。贵于配合得宜。

反（漏芦） 恶（山楂 溲疏 卤咸） 忌（铁器）

<目录>平性药品

<篇名>蒺藜

内容：【气味】

苦温无毒。

【主治】

明目轻身。咳逆肺痿诸风 痲。补肾。治腰痛泄精。虚损劳乏。古方补肾治风。皆用白蒺藜。补肾益精。则用沙苑蒺藜。然究之其性宣通。久服不冷而无壅热。肾水自得其天。功用俱同一也。（白者炒研去茨用。沙苑者酒蒸晒干。）

<目录>平性药品

<篇名>天南星

内容：（造胆星法。以生南星研末。腊月取黄牯牛胆汁和剂纳入胆中。系悬风处干之。年久者弥佳。）

【气味】

苦温有大毒。阴中之阳。可升可降。乃手足太阴脾肺之药。

【主治】

性辛而麻。故能治风散血。气温而燥。故能胜湿除涎。紧而毒。故能攻积拔肿。而治口 舌糜。然得防风则不麻。得牛胆则不燥。得火炮则不毒。

<目录>平性药品

<篇名>蛤蚧

内容：（凡用须炙令黄色熟捣。口含少许。奔走不喘息者、乃为真也。可入丸散。其毒在眼。须去眼及甲上尾上腹上肉毛。雄为蛤。雌为蚧。身长四五寸。尾与身等。药力在尾。尾不全者不效。）

【气味】

咸平有小毒。

【主治】

积久咳嗽。肺痿咯血。肺痲急。通水道。昔人言补可去弱。人参羊肉之属。蛤蚧补肺气。定喘止渴。功同人参。益阴血。助精扶羸。功同羊肉。

<目录>平性药品

<篇名>桑寄生

内容：【气味】

苦平无毒。

**【主治】**

腰痛小儿背强痲肿。去女子崩中不足。安胎及产后余疾。下乳汁。助筋骨。益血脉。

<目录>平性药品

<篇名>枣仁

内容：**【气味】**

酸平无毒。

**【主治】**

心腹寒热邪结气聚。四肢酸痛湿痹。安五脏。疗心烦不得眠。补中益肝气。泄虚汗烦渴。其子肉味酸。食之使不思睡。核中仁服之。疗不得眠。正如麻黄发汗。根节能止汗也。大抵酸枣实生用之味酸性收。专主肝病寒热结气。酸痹久泄。脐下满痛之症。其仁炒熟用。则甘而润。故疗胆虚不得眠。烦渴虚汗之症。皆足厥阴少阳药也。今人专以枣仁为心家之药。则不明此理矣。盖木为心之母。谓虚则益其母可也。

<目录>平性药品

<篇名>远志

内容：**【气味】**

苦温无毒。（须去心。仍用甘草汤浸一宿。焙干用。肾经气分之药也。）

**【主治】**

咳逆伤中。补不足。除邪气。利九窍。益智慧。强志倍力。妇人血噤失音。小儿客忤。肾积奔豚。治一切痲疽。但远志入足少阴肾经。非心经之药。其功专于强志益精。令不健忘。盖精与志。皆肾经之所藏。肾精不足。则志气衰不能上通于心。故迷惑而善忘也。三因方云。远志酒治痲疽有奇功。盖亦补肾之功也。

<目录>平性药品

<篇名>没药

内容：**【气味】**

苦平无毒。

**【主治】**

破血止痛。疗金疮杖疮诸恶疮痔漏。卒下血。破症瘕宿血。损伤瘀血。消肿定痛生肌。大概乳香活血。没药散旧而生新。皆能止痛消肿。故方药中每相兼而用之也。

<目录>平性药品

<篇名>茯神

内容：**【气味】**

甘平无毒。

**【主治】**

五劳口干。止惊悸。疗风眩风虚。开心益智。安魂魄。养精神。补劳乏。主心下急痛坚满。人虚而小肠不利。加而用之。神木即茯神心内木。疗毒风筋挛。心神惊掣。治香港脚痹痛。

<目录>平性药品

<篇名>（白赤）茯苓

内容：**【气味】**

甘平无毒。浮而升。阳也。白者入手太阴足太阳经气分。赤者入足太阴手少阴太阳气分。

**【主治】**

心下结痛。寒热烦满。咳逆。口焦舌干。利小便。止消渴。大腹淋漓。膈中痰水。开胸肺。调脏气。伐肾邪。长阴益气力。开胃止呕逆。安心神。主肺痿痰壅。小儿惊痫。女人热淋。暖腰膝。安胎。除湿益燥。缓脾生津。导气平火。开腠理。泄膀胱。疗肾积奔豚。赤茯苓主治。破结气。泻心小肠膀胱湿热。利窍行水。盖茯苓之白入壬癸。赤者入丙丁。味甘而淡又降也。为阳中之阴。服食至要云。茯苓通神而至灵。和魂而炼魄。利窍而益肌。浓肠而开心。调荣而理卫。大抵得松之余气孕毓而成。属金之质。小便多能止之。小便涩能利之。止之者何。茯苓多益心脾。性美。下能接引诸温暖药归就肾经。肾得真火而真气固。故八味丸之不离茯苓者是也。利之者何。凡饮食入胃。游溢精气。上输于肺。通调水道。下输膀胱。茯苓淡渗而色白为金之象。金之令上行而下降。金能生水。涩者有不利之乎。然本草言茯苓利小便。伐肾邪。有降而下之之功。而丹溪又言阴虚者不宜用。似亦相反何也。盖肺虚心虚胞热厥阴病者皆虚热也。其人必上热下寒。脉虚而弱。法当用升阳之药。以升水降火。膀胱不约。下焦虚者。乃火投于水。水泉不藏。脱阳之症。其人必肢冷脉迟。法当用温暖之药。峻补其下。交济坎离。二症皆非茯苓淡渗之药所能益其元气。朱氏之谓阴虚不可用者。此之谓也。素问云。心虚则少气遗溺。下焦虚则遗溺。胞遗热于膀胱则遗溺。膀胱不利为癃。不约为遗。厥阴病则遗溺闭癃。朱氏之不欲骤用者。其深明于此理也。若肺气盛者实热也。其人必气壮脉强。寒淫所胜。素问所云肺气盛则便数而欠。非茯苓之淡渗。何以分阴阳而导湿。本草之必用以伐肾邪者。此之谓也。

<目录>平性药品

<篇名>小麦

内容：【气味】

甘微寒无毒。入少阴太阳之经。

【主治】

养心及肝。其功除烦止渴。收汗利溲止血。新者性热。陈者平和。浮者主治虚汗。

麦麸性凉而热。凡人身体疼痛及疮疡肿烂沾渍。或小儿暑月痘疮烂溃。不能着席睡卧者。并用夹褥盛麸缝合。藉卧为良。

<目录>平性药品

<篇名>白附子

内容：【气味】

辛甘大温有大毒。入阳明经能引药势上行。

【主治】

中风失音。一切冷风气。面 癍疵。小儿毒暑入心。痰塞心孔。昏迷搐搦。非瞑眩之剂。不能伐之。三生丸君白附子。此之谓也。

<目录>平性药品

<篇名>紫河车

内容：（采得投长流水洗净血污。蒸捣入药为良。筋膜乃初结真气。不可剔去。）

【气味】

甘咸无毒。

【主治】

血气羸瘦。男女一切虚损劳极。癫痫失志恍惚。安心养血。益气补精。

<目录>平性药品

<篇名>大枣

内容：【气味】

甘平无毒。

【主治】

属土而有火。味甘性缓。甘先入脾。为脾经血分之药。仲景治奔豚用大枣

汤。滋脾土以平肾气也。治水饮胁痛有十枣汤。益土而胜水也。方药中用姜枣作引。温以补不足。甘以缓阴血也。有齿病疳病患不宜啖枣。小儿尤不宜食。令齿黄生。与葱同食。令人五脏不和。与鱼同食。令人腰腹痛。

<目录>平性药品

<篇名>龟甲

内容：（凡使锯去四边。石上磨净。炭火炮过。醋涂酥炙。或以酒炙用。）

**【气味】**

甘平有毒。

**【主治】**

血滞麻痹。久嗽虚疟。属金水。功长于补阴。治血治劳。盖龟鹿皆灵而有寿。龟首常藏向腹。能通任脉。故取其版以补心补肾补血以养阴也。鹿鼻常反向尾。能通督脉。故取其角以补命补精补气以养阳也。古人制龟鹿二仙膏见神工之能事矣。龟下甲治漏下赤白。破症瘕。去瘀血。止血痢。续筋骨。疗劳倦。四肢无力。腰脚酸痛。

<目录>平性药品

<篇名>神曲

内容：（凡用炒黄以助土气。陈久者良。）

**【气味】**

甘辛温无毒。阳中之阳也。入足阳明经。

**【主治】**

化水谷宿食症结宿滞。健脾暖胃。霍乱泄痢。炒研酒服。回产妇乳。

<目录>平性药品

<篇名>五加皮

内容：**【气味】**

辛温无毒。五加者五车星之精也。水应五湖。人应五德。位应五方。物应五车。故青精入茎。则有东方之液。白气入节。则有西方之津。赤气入花。则有南方之光。玄精入根。则有北方之。黄烟入皮。则有戊己之灵。五神镇生。相转育成。饵之者真仙。服之者反婴。

**【主治】**

风湿痿痹。壮筋骨。顺气化痰。添精补髓。男子阴痿囊下湿。小便余沥。女人阴痒及腰瘠痛弱。酿酒饮治四肢拘挛。去皮肤风湿。

<目录>平性药品

<篇名>僵蚕

内容：**【气味】**

咸辛平无毒。浮而升。阳中之阳也。入厥阴阳明之药。

**【主治】**

小儿惊痫夜啼。去三虫。男子阴痿。女子崩中赤白。产后腹痛。灭诸疮癩痕。疗一切金疮疗肿风痔。盖僵蚕属火兼土与金。木老得金。气僵而不化。治喉痹者。取其清化之气。从治相火者。取其散浊结滞之痰。因其气相感。而以意使之者也。有枸杞蚕一种。生枸杞树上。取之曝干晒用。主治益阳道填精。炙黄入地黄丸。功长于补肾。治肾家风虚。

恶（桑螵蛸 桔梗 茯苓 茯神 葶）

<目录>平性药品

<篇名>百合

内容：【气味】

甘平无毒。

【主治】

补中益气。止涕泪。除心下急满。润肺止嗽。仲景治百合病。有百合知母汤。百合滑石代赭汤。百合鸡子汤。百合地黄汤。凡四方病名百合。而用百合治之。不知何义。

<目录>平性药品

<篇名>阿魏

内容：（臭而止臭者。乃为真。验法有三。一以半铢安熟铜器中一宿。至明沾阿魏处白如银汞。无赤色。一以一铢置五斛草自然汁中一夜。至明如鲜血色。一以一铢安于柚树上树立干。便是真者。）

【气味】

辛平无毒。

【主治】

杀诸小虫。去臭气。破症积。除邪鬼蛊毒。解自死牛羊马肉诸毒。消肉积。祛传尸冷气。辟温治疟。

<目录>平性药品

<篇名>龙眼肉

内容：【气味】

甘平无毒。

【主治】

五脏邪气。安志。除蛊毒。去三尸虫。久服强魄聪明。开胃益脾。性味和平。严用和归脾汤。治思虑劳伤。用龙眼肉取甘味归脾。能益人之智。通神明也。

<目录>平性药品

<篇名>鼠粘子

内容：【气味】

辛平无毒。阳中之阴。升也。

【主治】

其用有四。治风温瘾疹咽喉风热。散诸肿疮疡之毒。利凝滞腰膝之气。

<目录>平性药品

<篇名>蓖麻子

内容:【气味】

甘辛平有小毒。阴也。

【主治】

性善收能追脓。取毒。又能出有形之滞物。故取胎产胞衣刺骨。胶血者用之。

<目录>平性药品

<篇名>礞石

内容:【气味】

甘咸平无毒。其性下行。阴也沉也。乃足厥阴之药。

【主治】

肝经病。故宜以礞石之重坠。疏快其滞。使木平气下。而痰积通利也。然只可用之救急。若气弱脾虚者不宜僭服。

<目录>平性药品

<篇名>白前

内容:【气味】

甘微寒无毒。

【主治】

肺逆气。胸逆气。呼吸欲绝。降气下痰。手太阴也。然长于降气。肺气壅实而有痰者宜之。若虚而兀兀硬气。则不可用之以泄化源。

<目录>平性药品

<篇名>钩藤

内容:【气味】

甘平微寒无毒。入手足厥阴经。足厥阴主风。手厥阴主火。

【主治】

惊痫眩晕。皆肝风相火之病。钩藤通心包于肝木。风静火熄。则诸症自除。大人头旋目眩。亦可兼疗。

<目录>平性药品

<篇名>巴戟天

内容: (以连珠多肉浓者为胜。用枸杞子煎汤浸一宿。漉出。再酒浸一伏时。漉出。同菊花熬煎黄。去菊花。以布拭干用。)

【气味】

辛甘微温无毒。

**【主治】**

大风邪气。阴痿不起。强筋骨。安五脏。疗头面游风。小腹及阴中相引痛。乃肾经血分药也。

<目录>平性药品

<篇名>枸杞子

内容：**【气味】**

甘平无毒。

**【主治】**

坚筋骨。除风去虚劳。补精气。滋肾润肺。益阳事。祛下焦肝肾虚热。盖枸杞之苗。乃天之精

。苦甘而凉。上焦心肺客热者宜之。枸杞之根乃地骨皮。甘淡而寒。下焦肝肾虚热者宜之。是皆三焦气分之药。所谓热淫于内。佐以甘寒也。至于子则甘平而润。性滋而补。专能补肾润肺。生精益气。所谓精不足者补之以味也。

<目录>平性药品

<篇名>密蒙花

内容：（凡使拣净。酒浸一宿。漉出候干。拌蜜蒸三次入用。）

**【气味】**

甘平微寒无毒。

**【主治】**

青盲肤翳赤肿。多眵泪。消目中赤脉。小儿疳口及疔气攻眼。羞明怕日。入肝经气血分。润肝燥。

<目录>平性药品

<篇名>茺蔚

内容：（益母草子。）

**【气味】**

辛甘微寒无毒。阴中微阳。入手足厥阴经。

**【主治】**

能活血行气。有补阴之功。故能明目益精。调经殊功。东垣言瞳子散大者禁用茺蔚子。意谓目得血而能视。茺蔚子行血甚捷。瞳子散大则白不足故禁之。非助火也。然血滞病目。此则宜之。

<目录>平性药品

<篇名>葳蕤

内容：（采得以竹刀刮去节皮洗净。用蜜水浸一宿。蒸焙干用。）

**【气味】**

甘平无毒。能升能降。阳中阴也。

**【主治】**

风淫四末。两目泪烂。男子湿注腰痛。女子面生黑。疗风温自汗。身重语言难出。虚劳寒热痞症及一切不足之症。用代参。不热不燥。大有殊功。

<目录>平性药品

<篇名>三棱

内容：**【气味】**

苦平无毒。阴中之阳也。

**【主治】**

老癖症瘕。产后恶血。破积气。消扑损瘀血。真气虚者勿用。

<目录>平性药品

<篇名>萆

内容：**【气味】**

苦平无毒。足阳明厥阴经药也。

**【主治】**

厥阴主筋属风。阳明主肉属湿。萆之功长于去风湿。所以能治缓弱 痹遗浊恶疮诸

病。故萆 厘清饮。以之治真元不足。下焦虚寒。小便频数。白浊如膏之症。又人饮酒过伤。或不饮酒而过食辛热荤膩之物。又或因房劳过度。以致小便频数而痛。与淋症涩而作痛者不同。宜用萆 以逐除积毒。去浊而厘清也。

<目录>平性药品

<篇名>土茯苓

内容：**【气味】**

甘淡平无毒。

**【主治】**

健脾胃。去风湿。利关节。疗拘挛骨痛恶疮臃肿。解汞粉银朱毒。近世有风流之人。多病杨梅毒疮者。希求速效。每用轻粉银朱等药愈而复发。其毒结于阳明厥阴二经而兼乎他经。以致邪之所在则先发出。如兼少阳太阴。则发于咽喉。兼太阳少阴。则发于头耳。总以相火寄位于厥阴。肌肉属乎阳明。水银轻粉之燥烈。虽能劫脾胃之痰。使诸火上升。俾毒疮顿愈。不知毒瓦斯窜入经络筋骨之间。莫之能出。痰涎虽出。血液旋耗。筋失所养。荣卫

不

从。变为痢漏。唯土茯苓气平味甘而淡。为阳明本药。能健脾胃去风湿。脾胃健而荣卫从。风湿去而筋骨利。此亦古人未言之秘也。

<目录>平性药品

<篇名>茺萸

内容:【气味】

辛平无毒。

【主治】

五内邪气。逐寸白虫。散肠中喘息。主积冷气。心腹症痛。疗妇人子宫风虚。孩子疳泻冷痢。

<目录>平性药品

<篇名>藿香

内容:【气味】

辛微温无毒。可升可降。阳也。入手足太阴经。

【主治】

风水毒肿。去恶气。止霍乱。脾胃吐逆。温中快气。上焦壅热。饮酒口臭。并汤嗽之。

<目录>平性药品

<篇名>香薷

内容:【气味】

辛微温无毒。属金与水。有彻上彻下之功。

【主治】

解暑利小便。又治水甚捷。肺得之而清化行也。但饮食不节。劳役作苦之人。倘患伤暑。而致大热大渴。汗泄如雨。烦躁喘促。或泻或吐。须益元气以降火。不可概用以重虚其表。唯夏月乘凉饮冷。致阳气为阴邪所遏。患头痛发热恶寒。烦躁口渴。或吐或泻。或霍乱者。宜用之以发越阳气。散水和脾。俗人用代茶汤。谓能解暑。误之甚也。又其性温不可热饮。反致吐逆。

<目录>平性药品

<篇名>葱茎白

内容:【气味】

辛平。叶温。根须平。俱无毒。升也阳也。入手太阴足阳明经。

【主治】

发散以通上下阳气。故活人书治伤寒头痛如破。用连须葱白汤主之。仲景治少阴病下利清谷。里寒外热。厥逆脉微者。白通汤主之。内用葱白。若面色赤者。四逆汤加葱白。腹中痛者去葱白。总以肾恶燥。急食辛以润之。葱白之辛温。以通阳气也。又葱管吹盐入玉茎内。治小便不通及转脬危急之症。但白冷青热。伤寒汤中不得用青。又春食生葱。令人面上起游风。生葱同蜜食作下利。烧葱同蜜食壅气杀人。生葱合枣食令人病。合犬雉肉同食。令人病血。

<目录>平性药品

<篇名>粳米

内容：（粳音庚。粳乃谷稻之总名也。有早中晚三收。诸本草独以晚稻为粳者非矣。）

**【气味】**

甘苦平无毒。（生者寒。燔者热。北粳凉。南粳温。赤粳热。白粳凉。晚白粳寒。新粳热。陈粳凉。新米乍食动风气。陈者下气。病患尤宜。常食干粳饭。令人热中唇口干。不可同马肉食发痼疾。不可和苍耳食。令人卒心痛。急烧仓米灰和蜜浆服之。不尔即死。）

**【主治】**

益气止烦。止渴止泄。温中和胃气。长肌肉。补中壮筋骨益肠胃。煮汁主心痛。止渴。断热毒下痢。合芡实作粥食。益精强志。聪耳明目。通五脏。好颜色。常食干粳饭。令人不噎。粳有早中晚三收。以晚白米为第一。得天地中和之气。同造化生育之功。非他物可比。本草言粳米益脾胃。而张仲景白虎汤用之入肺。以味甘为阳明之经。色白为西方之象。而气寒入手太阴也。桃花汤用之以补少阴之正气。竹叶石膏汤用之以益不足。

<目录>平性药品

<篇名>砂

内容：（音饶。一名透骨将军。其性毒。服之使人乱。故曰砂。本草云性透物。五金籍之以为先锋。故号为透骨将军。凡用须水飞过。去尘秽。入瓷器中重汤煮干。则杀其毒。今时人多用水飞净。醋煮干如霜。刮下用之。又一法治用黄丹锻石作柜赤使用。并无毒。）

**【气味】**

咸苦辛温有毒。（中其毒者。生绿豆研汁饮一二升解之。）

**【主治】**

砂大热有毒之物。噎膈反胃。积块内症之病。用之则有神功。盖此疾皆起于七情饮食所致。痰气郁结。遂成有形。妨碍道路。吐食痛胀。非此物化消。岂能去之。其性善烂金银铜锡。庖人煮硬肉。入砂少许即烂。可以类推矣。所谓化人心为血者。亦甚言其不可多服耳。若被刀刃所伤。以之罨傅。当时生痂。

畏（浆水一切酸） 忌（羊血）

<目录>平性药品

<篇名>芡实

内容：（一名鸡头。）

**【气味】**

甘平涩无毒。

**【主治】**

湿痹腰脊膝痛。补中除暴疾。益精气。强志。令耳目聪明。久服轻身不饥耐老。开胃助气。止渴益肾。治小便不禁遗精白浊带下。小儿多食令不长。生食多动风冷气。食多不益脾胃。兼难消化。作粉食益人胜于 也。

<目录>平性药品

<篇名>茗茶

内容：**【气味】**

苦甘微寒无毒。乃阴中之阳。可升可降。入手足厥阴经

**【主治】**

疮。利小便。止渴消食。去痰热。上行能清头目。并能消暑解酒食毒。凡膏粱炙诸浓味啜之为良。但久啜无度。伤营伤精。血不华色。正如茶序所云。解滞消壅。一日之利暂佳。侵精瘠气。终身之累殊大。不可不慎。

<目录>平性药品

<篇名>大麦

内容：**【气味】**

咸温微寒无毒。为五谷长。令人多肥。

**【主治】**

消渴止热。益气调中。补虚劣。壮血脉。益颜色。实五脏。化谷食止泄。不动风气。久食令人肥白。滑肌肤。为面胜于小麦。无燥热。面平胃。止渴消食。疗胀满。久食头发不白。和针砂没石子等染发黑色。宽胸下气。凉血消积进食。大麦性平凉滑腻。有人患缠喉风食不能下。用此面作稀糊令咽以助胃气。炒食有火。能生热病。作饭食飧而有益。生则损人。

<目录>平性药品

<篇名>蒲黄

内容：（凡使勿用松黄并黄蒿。其二件全似。只是味 及吐人。真蒲黄须隔三重纸焙令色黄。蒸半日。却再焙干用方妙。破血消肿者生用之。补血止血者炒用之。）

**【气味】**

甘平无毒。

### 【主治】

心腹膀胱寒热。利小便。止血消瘀血。久服轻身益气力延年。治痢血鼻衄吐血尿血  
泻血。利水道。通经络。止女子崩中。妇人带下月候不匀。血气心腹痛。妊妇下血坠胎。血运  
血症。儿枕气痛。颠扑血闷。排脓疮疖游风肿毒。下乳汁。止泄精。凉血活血。止心腹诸痛  
。蒲黄乃手足厥阴血分药也。故能治血治痛。生则能行。熟则能止。与五灵脂同用。能治一  
切心腹诸痛。

<目录>平性药品

<篇名>商陆

内容：（取花白者根。铜刀刮去皮。薄切。以东流水浸两宿。漉出架甑蒸。以黑豆叶一重。商  
陆一重。如此蒸之。从午至亥。取出去豆叶。暴干锉用。无豆叶以豆代之。）

### 【气味】

辛平有毒。沉也降也阴也。

### 【主治】

水肿疝瘕痹。熨除痈肿。杀鬼精物。疗胸中邪气。水肿痿痹。腹满洪。直疏五脏。  
散水气。泻十种水病。喉痹不通。薄切醋炒。涂喉外良。通大小肠。泻蛊毒。堕胎。肿毒  
。敷恶疮。但其性下行。专于行水。与大戟甘遂盖异性而同功。胃气虚弱者不可用。其赤者  
只可贴肿。服之伤人。痢血不已杀人。令人见鬼神。不可不慎。

<目录>平性药品

<篇名>甘松

内容：【气味】

甘温无毒。

### 【主治】

恶气。卒心痛满。下气。黑皮 风疳齿 野鸡痔得白芷附子良。理元气。去气郁  
。香港脚膝浮。煎汤淋洗。甘松芳香。能开脾郁。少加入脾胃药中。甚醒脾气。

<目录>平性药品

<篇名>无食子

内容：（即没石子。凡使勿犯铜铁并被火惊。用颗小无 米者妙。用浆水于砂盆中研令尽  
。焙干再研如乌犀色入药。）

### 【气味】

苦温无毒。

### 【主治】

赤白痢。滑肠生肌肉。肠虚冷痢。益血生精。和气安神。乌髭发。治阴毒痿。烧灰

用。温中。治阴疮阴汗。小儿疳。冷滑不禁。

<目录>平性药品

<篇名>皂荚

内容：（凡用要赤肥并不蛀者。以新汲水浸一宿。用铜刀削去粗皮。以酥反复炙透。槌去子弦用。每荚一两。用酥五钱。又有蜜炙酥炙绞汁烧灰之异。各依方法。）

**【气味】**

辛咸温有小毒。

**【主治】**

皂荚属金。入手太阴阳明之经。金胜木。燥胜风。故兼入足厥阴治风木之病。其味辛而性燥。气浮而散。吹之导之。则通上下诸窍。服之则治风湿痰喘肿满杀虫。涂之则散肿消毒。搜风治疮。

恶（麦门冬）畏（空青 人参 苦参）伏（丹砂 粉霜 硫黄 砂）

**【子】**

（拣取圆满坚硬不蛀者。以瓶煮熟。剥去硬皮一重。取向里白肉两片去黄。以铜刀切晒用。其黄消人肾气。）

**【气味】**

辛温无毒。

**【主治】**

炒春去赤皮。以水浸软。煮熟糖渍食之。疏导五脏风热壅。核中白肉。入治肺药。核中黄心嚼食。治膈痰吞酸。仁和血润肠。治风热大肠虚秘。瘰 肿毒疮癣。又核烧存性。治大便燥结。其性得湿则滑。滑则燥结自通也。

**【刺】**

（一名天丁。）

**【气味】**

辛温无毒。

**【主治】**

米醋熬嫩刺作煎。涂疮癣有奇效。治痈肿妒乳。风疔恶疮。胎衣不下。杀虫。但皂荚刺能引诸药性上行。治上焦病。又能引至痈疽溃处更验。

<目录>平性药品

<篇名>蒲公英

内容：**【气味】**

甘平无毒。入足少阴肾经君药。

**【主治】**

妇人乳痈水肿。散滞气。化热毒。擦牙乌须发。壮筋骨。亦可入阳明太阴经。凡治

乳痈。以忍冬藤同煎汤入酒佐服。服罢欲睡。睡觉微汗。是其效也。

<目录>平性药品

<篇名>桑螵蛸

内容:【气味】

咸甘平无毒。

【主治】

伤中疝瘕阴痿。益精生子。女子血闭腰痛。通五淋。利小便水道。乃肝肾命药也。

凡男子身衰精自出。及小便自利者加用之。又小便如稠胶米泔。心神恍惚瘦食减。得之女劳者。以桑螵蛸为君。佐以远志菖蒲人参茯神之属。无不效。如无桑上者。即用他树所生。佐以炙桑白皮。亦可行水以接螵归就肾经。

<目录>平性药品

<篇名>椿樗皮

内容: (香者名椿。臭者名樗。椿樗二树形相似。樗木疏。椿木实。凡使椿根不近西头者为上。采出拌生葱蒸半日。锉细。以袋盛挂屋南畔。阴干用。)

【气味】

苦温无毒。樗根有小毒。

【主治】

椿根白皮性凉而能涩血。凡湿热为病。泻痢浊带精滑梦遗诸证。无不用之。有燥下湿。及去肺胃陈痰之功。治泄泻有除湿实肠之力。但痢疾滞气未尽者。不可遽用。宜入丸散。亦可煎服。不见有害。椿皮色赤而香。樗皮色白而臭。椿皮入血分而性涩。樗皮入气分而性利。不可不辨。其主治之功虽同。而涩利之效则异。凡血分受病不足者宜用椿皮。气分受病有郁者宜用樗皮。此心得之微也。

<目录>平性药品

<篇名>柏子仁

内容: (凡使先以酒浸一宿。至明漉出晒干。用黄精自然汁于日中煎之。缓火煮成膏为度。每煎柏子仁三两。用酒五两浸。此法是服食家用者。寻常用只蒸熟曝烈。舂簸取仁。炒研入药。)

【气味】

甘平无毒。乃肝经气分药。

【主治】

惊悸。益气。除风湿。安五脏。久服令人润泽美色。耳目聪明。不饥不老。轻身延年。疗恍惚虚损吸吸。历节腰中重痛。益血止汗。治头风腰肾中冷。膀胱冷浓宿水。兴阳道益寿。去百邪鬼魅。小儿惊痫。润肝。养心气。润肾燥。安魂定魄。益智宁神。烧沥泽头发

。治疥癬。又润肾。古方十精丸用之。其性平而不寒不燥。味甘而补。辛而能润。其气清香。能透心肾。益脾胃。盖仙家上品药也。宜乎滋养之剂用之。列仙传云。赤松子食柏实齿落更生。行及奔马。谅非虚语也。

<目录>平性药品

<篇名>安息香

内容：（或言烧之能集鼠者为真。）

**【气味】**

辛苦无毒。

**【主治】**

心腹恶气鬼疰。邪气魍魉鬼胎血邪。辟蛊毒。霍乱风痛。男子遗精。暖肾气。妇人血噤并产后血运。妇人夜梦鬼交。同臭黄烧熏丹穴永断。烧之去鬼来神。治中恶魔寐劳瘵传尸。

<目录>平性药品

<篇名>黄土

内容：（三尺以上曰粪。三尺以下曰土。凡用当去上恶物。勿令入客水。）

**【气味】**

甘平无毒。

**【主治】**

泄痢冷热赤白。腹内热毒绞结痛下血。取干土水煮三五沸。绞去滓。暖服一二升。又解诸药毒。中肉毒。合口椒毒。野菌毒。

<目录>平性药品

<篇名>太阳土

内容：**【气味】**

甘平无毒。

**【主治】**

人家动土犯禁。主小儿病气喘。但按九宫看太阳在何宫。取其土煎汤饮之。喘即定。

<目录>平性药品

<篇名>道中热土

内容：**【气味】**

甘平无毒。

**【主治】**

夏月死。以土积心口。少冷即易。气通则苏。亦可以热土围脐旁。令人尿脐中。仍用热土大蒜等分。捣水去滓。灌之即活。

<目录>平性药品

<篇名>大腹子

内容：**【气味】**

辛涩温无毒。

**【主治】**

与槟榔同功。

<目录>平性药品

<篇名>**【皮】**

内容：（鸬鸟多集槟榔树上。凡用槟榔皮。宜先以酒洗。后以大豆汁再洗过。晒干。入灰火烧煨切用。）

**【气味】**

辛微温无毒。

**【主治】**

冷热气攻心腹大肠。蛊毒痰膈醋心。并以姜盐同煎。入疏气药用之良。下一切气。止霍乱。通大小肠。健脾开胃调中。降逆气。消饥肤中水气浮肿。香港脚壅逆。瘴疰痞满。胎气恶阻胀闷。

<目录>平性药品

<篇名>冬瓜仁

内容：（八月采之。）

**【气味】**

甘平无毒。

**【主治】**

令人悦泽好颜色。益气不饥。久服轻身耐老。除烦满不乐。可作面脂。去皮肤风及黑。润肌肤。治肠痈。

<目录>平性药品

<篇名>赤小豆

内容：（俗呼红豆。以紧小而赤黯色者入药。其稍大而鲜红淡红色者并不治病。）

**【气味】**

甘酸平无毒。

**【主治】**

赤小豆而色赤心之谷也。其性下行。通乎小肠。能入阴分。治有形之病。故行津液。利小便。消胀除肿。止吐而治下痢肠。解酒病。除寒热痈肿。排脓散血而通乳汁。下胞衣产难。皆病之有形者久服则降令太过。津血渗泄。所以令人肌瘦身重也。其吹鼻瓜蒂散及辟瘟疫用之。亦取其通气除湿散热耳。水气香港脚最为急用。今之治水者。惟知治水。而不知补胃则失之壅滞。赤小豆消水通气而健脾胃乃其药也。

<目录>平性药品

<篇名>铜青

内容：（即铜绿。）

**【气味】**

酸平微毒。

**【主治】**

妇人血气心痛。合金疮止血。明目。去肤赤息肉。主风烂眼泪出。治恶疮疔疮。吐风痰杀虫。盖铜青乃铜之液气所结。酸而有小毒。能入肝胆。故吐利风痰。明目杀疔。皆肝胆之病也。

<目录>平性药品

<篇名>密陀僧

内容：**【气味】**

咸辛平有小毒。

**【主治】**

久痢五痔金疮。面上癩。面膏药用之。杀虫消积。治诸疮。消肿毒。除狐臭。染鬣发。密陀僧感铅银之气。其性重坠下沉。直走下焦。故能坠痰止吐。消积定惊痫。治疟痢。止消渴。疗疮肿。

<目录>平性药品

<篇名>珊瑚

内容：**【气味】**

甘平无毒。

**【主治】**

去目中翳。消宿血。为末吹鼻。止鼻衄。明目镇心。止惊痫。点眼去飞丝。

<目录>平性药品

<篇名>石楠叶

内容：**【气味】**

辛苦平有毒。

**【主治】**

养肾气。内伤阴衰。利筋骨皮毛。疗脚弱。五脏邪气。除热。女子不可久服令思男。能添肾气。治软脚烦闷疼。杀虫逐诸风。浸酒饮治头风。古方为治风痹肾弱要药。今人绝不知用。识者亦少。盖由甄氏药性论有令阴痿之说也。殊不知服此药者。能令肾强。嗜欲之人。籍此放恣。以致痿弱。归咎于药。良可慨也。

<目录>平性药品

<篇名>鳖甲

内容：（凡使要绿色九肋多裙。重七两者为上。）

**【气味】**

咸平无毒。

**【主治】**

鳖甲乃厥阴肝经血分之药。肝主血也。试常思之。龟鳖之属。功各有所主。鳖色青入肝。故所主者疰劳寒热。瘕惊痫。经水痛肿阴疮。皆厥阴血分之病也。玳瑁色赤入心。故所主者心风惊热。伤寒狂乱。痘毒肿毒。皆少阴血分之病也。秦龟色黄入脾。故所主者顽风湿痹。身重蛊毒。皆太阴血分之病也。水龟色黑入肾。故所主者阴虚精弱。腰脚酸痿。阴瘕泄痢。皆少阴血分之病也。介虫阴类。故并主阴经血分之病。各从其类。

<目录>平性药品

<篇名>石膏

内容：（一名扁青。）

**【气味】**

甘平无毒。

**【主治】**

目痛。明目。折跌痛肿。金疮不瘳。破积聚。解毒瓦斯。利精神。久服轻身不老。去寒热风痹。及丈夫茎中百病。益精。治丈夫内绝。令人有子。吐风痰。癩病。平肝。

<目录>平性药品

<篇名>花乳石

内容：（一名花蕊石。凡入丸散。以罐固济顶。火过。出火毒。研细水飞。晒干用。）

**【气味】**

酸涩平无毒。

**【主治】**

金疮出血。刮末敷之即合。仍不作脓。又疗妇人血运恶血。治一切失血伤损内漏目翳。古方未用此者。近世以合硫黄同研末敷金疮。其效如神。人有仓卒中金刃。不及治

者。但刮末敷之亦效。花蕊石旧无气味。今尝试之。其气平。其味涩而酸。盖厥阴经血分药也。其功专于止血。能使血化为水。酸以收之也。而又能下死胎。落胞衣。去恶血。恶血化。则胎与胞无阻滞之患矣。东垣所谓胞衣不出。涩剂可以下之。故赤石脂亦能下胞胎。与此同义。葛可久治吐血出升斗有花蕊石散。和剂局方治诸血及损伤金疮胎产亦花蕊石散。皆云能化血为水。则此石之功。盖非寻常草木之比也。

<目录>平性药品

<篇名>白芨根

内容:【气味】

苦平无毒。又苦甘微寒性涩。阳中之阴也。

【主治】

痈肿恶疮败疽伤阴死肌。胃中邪气。贼风鬼击。痒缓不收。除白癣疥虫。结热不消。阴下痿。面上。令人肌滑。止惊邪。血邪。血痢。痢疾。风痹。赤眼。症结。温热疟疾。发背。瘰。肠风。痔。扑损刀箭疮。汤火疮。生肌止痛。止肺血。恶（理石）畏（李核 杏仁）反（乌头）

<目录>平性药品

<篇名>黄精

内容:【气味】

甘平无毒。

【主治】

补中益气。除风湿。安五脏。久服轻身延年不饥。补五劳七伤。助筋骨。耐寒暑。益脾胃。润心肺。单服九蒸九曝食之驻颜断谷。补诸虚。止寒热。填精髓。下三尸虫。时珍曰。黄精受戊己之淳气。故为补黄宫之胜品者。万物之母。母得其养。则水火既济。木金交合而诸邪自去。百病不生矣。

<目录>平性药品

<篇名>蛇床子

内容:（凡使。须用浓蓝汁。并百部草根自然汁。同浸一伏时。漉出。日干。却用生地黄汁相拌蒸之。从巳至亥。取出日干用。凡服食 去皮壳。取仁微炒。杀毒即不辣也。作汤洗浴。则生用之。）

【气味】

苦平无毒。

【主治】

男子阴痿湿痒。妇人阴中肿痛。除痹气。利关节。癩痢恶疮。久服轻身好颜色。温中下气。令妇人子脏热。男子阴强。久服令人有子。治男子女人虚湿痹毒风 痛。去男子腰

痛。浴男子阴。去风冷。大益阳事。暖丈夫阳气。女人阴气。治腰胯酸疼。四肢顽痹。缩小便。去阴汗湿癬齿痛。赤白带下。小儿惊痫。扑损瘀血。煎汤浴大风身痒。盖蛇床乃右肾命门少阳三焦气分之药。神农列之上品。不独补助男子。而又有益妇人。世人舍此而求补药。于远域。岂非贱目贵耳乎。

<目录>平性药品

<篇名>白茅香

内容:【气味】

甘平无毒。

【主治】

恶气。令人身香。煮汤服治腹内冷。小儿遍身疮。合桃叶煎汤浴之。

<目录>平性药品

<篇名>兜纳香

内容:【气味】

辛平无毒。

【主治】

温中除暴冷。恶疮肿。止痛生肌。并入膏用。烧之辟远近恶气。带之夜行壮胆安神。与茅香柳枝煎汤浴小儿易长。

<目录>平性药品

<篇名>草犀

内容:（独茎对叶而生如灯台草。根若细辛。）

【气味】

辛平无毒。

【主治】

解一切毒瓦斯。虎野狼虫虺所伤。溪毒野蛊恶刺等毒。并宜烧研服之。临死者亦得活。天行疰瘴。寒热咳嗽痰壅。飞尸喉痹疮肿。小儿寒热丹毒。中恶注忤痢血等病。煮汁服之。岭南及睦婺间中毒者。以此及千金藤并解之。

<目录>平性药品

<篇名>吉利草

内容:【气味】

苦平无毒。

【主治】

解蛊毒极验。

<目录>平性药品

<篇名>百两金

内容:【**气味**】

苦平无毒。

【**主治**】

壅热咽喉肿痛。合一寸咽津。又治风涎。

<目录>平性药品

<篇名>锦地罗

内容:【**气味**】

微苦平无毒。

【**主治**】

山岚瘴毒疮毒。并中诸毒。以根研生酒服一钱匕即解。

<目录>平性药品

<篇名>曲节草

内容:【**茎叶**】【**气味**】

甘平无毒。

【**主治**】

发背疮消痈肿拔毒。同甘草作末。米泔调服。

<目录>平性药品

<篇名>燕脂

内容:【**气味**】

甘平无毒。

【**主治**】

小儿耳。浸汁滴之。活血解痘毒。

<目录>平性药品

<篇名>麻

内容:【**叶**】【**气味**】

苦平无毒。

【**主治**】

赤白冷热痢。炒研为末。每蜜汤服一钱。痈肿无头者吞一枚。生眼翳瘀肉。起倒睫拳毛。

<目录>平性药品

<篇名>败酱

内容：（一名苦菜。根苗同。）

**【气味】**

苦平无毒。

**【主治】**

暴热火疮赤气。疥瘙疽痔。马鞍热气。除痈肿浮肿结热风 痹。破多年凝血。能化脓为水。产后诸病。止腹痛余疹烦渴。治血气心腹痛。破症结。催生落胞。血运鼻衄吐血。赤白带下。赤眼障膜 肉。耳疮疔疥癬丹毒。排脓补 。败酱乃手足阳明厥阴药也。善排脓破血。故仲景治痈及古方妇人科皆用之。乃易得之物。而后人不知用。盖未遇识者耳。

<目录>平性药品

<篇名>王不留行

内容：**【苗子】****【气味】**

苦平无毒。

**【主治】**

金疮止血。逐痛出刺。除风痹内塞。止心烦鼻衄痈疽恶疮 。妇人产。久服轻身耐老增寿。治风毒。通血脉。游风风疹。妇人血经不匀。发背。下乳汁。利小便。出竹木刺。盖王不留行下乳引导用之。取其利血脉。并走血分阳明冲任之药。俗有穿山甲王不留。妇人服了乳长流之语。可见其性行而不住也。

<目录>平性药品

<篇名>迎春花

内容：（处处人家栽插之。丛生。高者二三尺。方茎浓叶。叶如初生小椒叶而无齿。面青背淡。对节生小枝。一枝三叶。正月初开小花。状如瑞香花。黄色不结实。）

**【叶】****【气味】**

苦涩平无毒。

**【主治】**

肿毒恶疮。阴干研末。酒服二三钱出汗便瘥。

<目录>平性药品

<篇名>鼠曲草

内容：（一名佛耳草。）

**【气味】**

甘平无毒。

**【主治】**

主痹寒寒热止咳。调中益气。止泄除痰。压时气。去热嗽。杂米粉作糗食甜美。寒嗽及痰。除肺中寒。大升肺气。治寒痰嗽。宜用佛耳草。热痰嗽。宜用灯笼草。寒嗽言其标也。热嗽言其本也。大抵寒嗽多是火郁于内。而寒覆于外也。

<目录>平性药品

<篇名>薰草

内容：（即零陵香。）

**【气味】**

甘平无毒。又辛温无毒。（不宜多服。令人气喘。）

**【主治】**

薰草芳香。其气辛散上达。故心腹恶气。齿痛鼻塞皆用之。脾胃喜芳香。可以养鼻是也。多服作喘。为能耗散真气。

<目录>平性药品

<篇名>悬钩子

内容：**【气味】**

酸平无毒。

**【主治】**

醒酒止渴。除痰去酒毒。捣汁服。解射工沙虱毒。

**【叶】【主治】**

烧研水服。主喉中塞。

**【根皮】【气味】**

苦平无毒。

**【主治】**

子死腹中不下。破血。妇人赤带下。久患赤白痢脓血腹痛。杀虫毒。卒下血。并浓煮汁饮之。

<目录>平性药品

<篇名>藤子仁

内容：**【气味】**

涩甘平无毒。

**【主治】**

五痔蛊毒。飞尸喉痹。以仁为粉。微熬水服一二匕。亦和大豆澡面去。治小儿

脱肛。血痢泻血。并烧灰服。或以一枚割瓢熬研。空腹热酒服二钱。不过三服必效。解诸药

毒。

<目录>平性药品

<篇名>白藜

内容：**【根】****【气味】**

苦平无毒。

**【主治】**

痈疽疮。散结气。止痛除热。目中赤。小儿惊痫温症。女子阴中肿痛。带下赤白。杀火毒。治发背瘰。面上疮。肠风痔漏。血痢。刀箭疮扑损。生肌止痛。解野狼毒毒。又生取根捣敷痈肿有效。今医治风及金疮多用之。往往与白芨相须而用。

<目录>平性药品

<篇名>黄药子

内容：**【根】****【气味】**

苦平无毒。

**【主治】**

诸恶肿疮 喉痹蛇犬咬毒。研水服之。亦含亦涂。凉血降火。消瘿解毒。

<目录>平性药品

<篇名>木芙蓉

内容：**【叶花】****【气味】**

微辛平无毒。

**【主治】**

清肺凉血。散热解毒。治一切大小痈疽肿毒恶疮。消肿排脓止痛。芙蓉花并叶。气平而不寒不热。味微辛而性滑涎粘。其治痈肿之功。殊有神效。近时疡医。秘其名为清凉膏。清露散。铁箍散。皆此物也。其方治一切痈疽发背乳痈恶疮。不拘已成未成。已穿未穿。并用芙蓉叶。或根皮。或花。或生研。或干研末。以蜜调涂于肿处四围。中间留头。干则频换。初起者即觉清凉。痛止肿消。已成者即脓聚毒出。已穿者即脓出易敛。妙不可言。或加生赤小豆末尤妙。

<目录>平性药品

<篇名>合欢

内容：（一名夜合。俗间少识。当以其非疗病之功也。）

**【木皮】****【气味】**

甘平无毒。

**【主治】**

安五脏。和心志。令人欢乐无忧。久服轻身明目。煎膏消痈肿。续筋骨。杀虫。捣末和铛下墨。生油调涂蜘蛛咬疮。用叶洗衣垢。折伤疼痛。研末酒服二钱匕。和血消肿止痛。合欢属土。补阴之功甚捷。长肌肉。续筋骨。概可见矣。与白蜡同入膏用神效。而外科家未曾录用何也。

<目录>平性药品

<篇名>猪腰子

内容：**【气味】**

甘微辛无毒。

**【主治】**

一切疮毒及毒箭伤。研细酒服一二钱并涂之。

<目录>平性药品

<篇名>青风藤

内容：**【气味】**

（缺）

**【主治】**

风疾。治风湿流注。历节鹤膝。麻痹瘙痒。损伤疮肿。入酒药中用。罌子粟（一名御米。）

**【米】【气味】**

甘平无毒。

**【主治】**

丹石发动不下饮食。和竹沥煮作粥食极美。行风气。逐邪热。治反胃胸中痰滞。治泻痢烂燥。

<目录>平性药品

<篇名>蜂蜜

内容：（蜜以密成。故谓之蜜。本经原作石蜜。盖以生岩石者为良耳。而诸家反致疑辨。今直题曰蜂蜜。正名也。凡试蜜以烧红火箸插入提出起气是真。起烟是伪。）

**【气味】**

甘平无毒。

**【主治】**

心腹邪气诸惊痫瘕。安五脏诸不足。益气补中。止痛解毒。除众病。和百药。久服强志轻身。不饥不老延年。养脾气。除心烦饮食不下。止肠。肌中疼痛。口疮。明耳目。牙齿疳。唇口疮。目肤赤障。杀虫。治卒心痛及赤白痢。水作蜜浆顿服一碗止。或以姜

汁同蜜各一合。水和顿服。常服面如花红。治心腹血刺痛及赤白痢。同生地黄汁各一匙服即下。同薤白捣涂烫伤即时痛止。和营卫。润脏腑。通三焦。调脾胃。夫蜂采无毒之花。酿以大便而成蜜。所谓臭腐生神奇也。其入药之功有五。清热也。补中也。解毒也。润燥也。止痛也。生则性凉。故能清热。熟则性温。故能补中。甘而和平。故能解毒。柔而濡泽。故能润燥。缓可以去急。故能止心腹肌肉疮疡之痛。和可以致中。故能调和百药而与甘草同功。张仲景治阳明结燥。大便不通。蜜煎导法。诚千古神方也。凡觉有热。四肢不和。即服蜜浆一碗甚良。

<目录>平性药品

<篇名>露蜂房

内容:【气味】

甘平有毒。

【主治】

阳明药也。外科齿科及他病用之者。亦皆取其以毒攻毒。兼杀虫之功耳。

<目录>平性药品

<篇名>乳汁

内容:【气味】

甘咸平无毒。

【主治】

补五脏。令人肥白悦泽。疗目赤痛多泪。解独肝牛肉毒。合浓豉汁服之神效。和雀屎去目中肉。益气。治瘦悴。悦皮肤。润毛发。点眼止泪。但人乳汁治目之功多何也。人心生血。肝藏血。脾受血则能视。盖水入于经。其血乃成。又曰上则为乳汁。下则为月水。故知乳汁则血也。用以点眼。岂不相宜。血为阴。故性冷脏寒人。如乳饼酥酪之类。不可多食。虽曰牛羊乳。然亦不出乎阴阳之造化耳。老人患口疮不能食。但饮人热乳甚良。人乳无定性。其人和平。饮食冲淡。其乳必平。其人暴躁。饮酒食辛。或有火病。其乳必热。凡服乳须热饮。若晒曝为粉入药尤佳。

<目录>平性药品

<篇名>口津唾

内容:【气味】

甘咸平无毒。

【主治】

疮肿疥癣。五更未语者。频涂擦之。又明目退翳消肿。解辟邪粉水银。

<目录>平性药品

<篇名>兔屎

内容：（一名明目砂。）

【气味】

（缺）

【主治】

目中浮翳。癆瘵五疳。疳疮痔。杀虫解毒。凡大小便秘。以兔屎一匙安脐中。冷水滴之令透自通。又痘后目翳。炒研和药服之易瘥。

<目录>

<篇名>后序

内容：尝观本草药性诸书。未尝不叹其功之大。而有以起天下之病者使之安。起天下之夭者使

之寿

也。然其书本草详矣。而每苦于繁。药性简矣。而又过于略。求其繁简适宜。则本草择要一书所由着乎。余之外父介繁公。力学着书。于诸子百家。阴阳术数之学。靡不精讨。而岐黄为最。每见人之有疾。不啻乃身。力图拯救。即罄其货囊。曾莫之恤。其所利济而生全之者。宁易更仆数。然犹以为济人以药。所及者不过一乡一邑而止。莫若手汇一编。而使人人知药之所以用。与用之所以善。而其功将在天下也。于是读书辍卷之下。取本草诸书所已载者而发明之。不敢妄凿一智。不敢轻载一方。惟就诸药之性寒性热孰宜孰忌者剖晰精确。采摘成编。使人一览了然。期与天下共登仁寿。乃迟之又久。犹不敢轻以问世。诚慎之重之也。迨厌世后。著作盈车。余舅氏雪洲。谓先人手泽所存而不亟为表扬。几于湮没不彰。非人子之心也。遂搜架下遗编。所得不一书。而本草择要一集。尤当世之所亟需。敢不以质之同好乎。爰付之梓。用以行世。俾海内读其书因以识其人。此固雪洲阐扬先德之深思。而究其足以转病为安。转夭为寿者。未必不与本草药性同功也。则其有补于世。又岂浅鲜哉。书成。问序于余。余不敏。敢言序也耶。然而谊不容辞。谨附数言。一以表吾外父利物济人之念。一以见吾舅氏继志述事之心云尔。

\x 时康熙己未暮春子 萧长福顿首百拜识。 \x

<目录>

<篇名>跋

内容：呜呼。浣早失怙。不及趋庭闻诗礼之训。稍长。永思哀恻。惟从太母及母氏得先人遗书

而读

之。揽其丹铅之富有。纂述之鸿多。自惟愚陋。如涉重溟。不胜望洋向若而叹也。久而稍得其要领。感先人博雅冠当世。生平闭户自精。不求闻达。读书务在抉理奥。阐微发异。有当于心而后已。自经史外尤留意河雒轩岐之旨。谓可以穷性命。可以前民用。可以导长年。

手泽存焉。一展卷而泪涔涔不能终篇矣。此本草择要纲目上下二卷。乃其精神所寄。通内外之学。适行藏之用。果熟此而民无夭札。物无疵疠。可操券得矣。请之父执同人。皆谓宜先

梓以公世。亦稍见先人学有实用。利济为心。而予小子徒读父书。不能无愧也。不肖男浣百拜识。

\x 时康熙己未花朝日。 \x